



BOLETÍN OFICIAL DO
PARLAMENTO DE GALICIA

XI lexislatura
Número 295
22 de marzo de 2022



SUMARIO

1. Procedementos parlamentarios

1.1. Procedementos de natureza normativa

1.1.2. Propostas de normas

1.1.2.1. Proxectos e proposicións de lei

1.1.2.1.1. Proxectos de lei

■ Proxecto de lei de mellora da xestión do ciclo integral da auga

[116995](#)

1.3. Procedementos de control e impulso

1.3.6. Proposicións non de lei

1.3.6.2. Proposicións non de lei en Comisión

1.3.6.2.4. Proposicións tramitadas

COMISIÓN 3ª, ECONOMÍA, FACENDA E ORZAMENTOS

Rexeitamento da iniciativa

■ 27620 (11/PNC-002530)

Grupo Parlamentario dos Socialistas de Galicia

Francisco Rivera, Juan Carlos e Rodríguez Rumbo, Matilde Begoña

Sobre as actuacións que debe levar a cabo a Xunta de Galicia para a creación dunha oficina de control orzamentario adscrita organicamente ao Parlamento de Galicia

[116994](#)

■ 30766 (11/PNC-002757)

Grupo Parlamentario do Bloque Nacionalista Galego

Pérez López, Daniel e dous deputados/as máis

Sobre as actuacións que debe levar a cabo a Xunta de Galicia respecto da situación socioeconómica das mulleres galegas

[116994](#)



1. Procedementos parlamentarios

1.1. Procedementos de natureza normativa

1.1.2. Propostas de normas

1.1.2.1. Proxectos e proposicións de lei

1.1.2.1.1. Proxectos de lei

Proxecto de lei de mellora da xestión do ciclo integral da auga

A Mesa do Parlamento, na súa sesión do día 22 de marzo de 2022, adoptou o seguinte acordo:

Admisión a trámite e apertura do prazo de presentación de emendas

- 32399 (11/PL-000013)

Presidencia da Xunta de Galicia

Proxecto de lei de mellora da xestión do ciclo integral da auga

Examinado o devandito proxecto e logo de verificar que reúne a documentación e os antecedentes previstos no artigo 111 do Regulamento, a Mesa, por unanimidade, acorda:

1º. Admitir a trámite o Proxecto de lei de mellora da xestión do ciclo integral da auga, polo procedemento lexislativo ordinario.

2º. Oír a Xunta de Portavoces para a súa asignación á Comisión e ordenar a súa publicación no *Boletín Oficial do Parlamento de Galicia*.

3º. Abrir o prazo regulamentario de 15 días hábiles para a presentación de emendas, que comezará a contar a partir do día seguinte ao da publicación no *Boletín Oficial do Parlamento de Galicia*. O prazo remata o día 8 de abril de 2022, á 18.30 horas.

Santiago de Compostela, 22 de marzo de 2022

Miguel Ángel Santalices Vieira

Presidente



1.3. Procedementos de control e impulso

1.3.6. Proposicións non de lei

1.3.6.2. Proposicións non de lei en Comisión

1.3.6.2.4. Proposicións tramitadas

COMISIÓN 3ª, ECONOMÍA, FACENDA E ORZAMENTOS

A Comisión 3ª, Economía, Facenda e Orzamentos, na súa sesión do 18 de marzo de 2022, adoptou os seguintes acordos:

Rexeitamento da iniciativa

- 27620 (11/PNC-002530)

Grupo Parlamentario dos Socialistas de Galicia

Francisco Rivera, Juan Carlos e Rodríguez Rumbo, Matilde Begoña

Sobre as actuacións que debe levar a cabo a Xunta de Galicia para a creación dunha oficina de control orzamentario adscrita organicamente ao Parlamento de Galicia

BOPG nº 259, do 19.01.2022

Sométese a votación e resulta rexeitada por 5 votos a favor, 7 votos en contra e 0 abstencións.

- 30766 (11/PNC-002757)

Grupo Parlamentario do Bloque Nacionalista Galego

Pérez López, Daniel e dous deputados/as máis

Sobre as actuacións que debe levar a cabo a Xunta de Galicia respecto da situación socioeconómica das mulleres galegas

BOPG nº 281, do 23.02.2022

Sométese a votación e resulta rexeitada por 5 votos a favor, 7 votos en contra e 0 abstencións.

Santiago de Compostela, 18 de marzo de 2022


María Montserrat Prado Cores

Vicepresidenta 2ª





Ref: mv



Para a súa tramitación polo Parlamento de Galicia achégolle o "**Proxecto de lei de mellora da xestión do ciclo integral da auga**", aprobado polo Consello da Xunta de Galicia na súa reunión do día 10 de marzo de 2022.

Asemade achégase a certificación expedida polo secretario do Consello co visto e prace do Sr. Presidente da Xunta de Galicia, así como os documentos aos que se refire o artigo 111 do Regulamento da Cámara.

Santiago de Compostela,

A directora xeral de Relacións Institucionais e Parlamentarias,

(ASINADO DIXITALMENTE)

Sr. presidente do Parlamento de Galicia





ALFONSO RUEDA VALENZUELA, VICEPRESIDENTE PRIMEIRO E
CONSELLEIRO DE PRESIDENCIA, XUSTIZA E TURISMO E SECRETARIO
DO CONSELLO DA XUNTA DE GALICIA,


CERTIFICA:

Que o Consello da Xunta de Galicia na súa reunión do día dez de marzo
de dous mil vinte e dous adoptou, entre outros, o seguinte Acordo:

*"Aprobar o Proxecto de lei de mellora da xestión do ciclo integral da
auga e a súa remisión ao Parlamento de Galicia".*

E para que conste, asina a presente co visto e praxe do Sr. Presidente,
en Santiago de Compostela a dez de marzo de dous mil vinte e dous.


Vº. e Praxe:
O PRESIDENTE





XUNTA
DE GALICIA

PROXECTO DE LEI DE MELLORA DA XESTIÓN DO CICLO INTEGRAL DA AUGA





EXPOSICIÓN DE MOTIVOS

I

A auga é un ben de primeira necesidade e esencial tanto para os seres humanos como para a actividade económica de calquera sector, así como un elemento natural imprescindible para a vida e a configuración dos sistemas ambientais, sendo ademais unha das sinais de identidade cultural e natural de Galicia.


Así mesmo, a calidade das augas é necesaria e imprescindible para proporcionar garantías de subministro á poboación, en calidade e cantidade, tanto para o mantemento dos ecosistemas naturais, o desenvolvemento dos procesos biolóxicos e o sustento da biodiversidade, como para o desenvolvemento de actividades económicas como a pesca, o marisqueo, a acuicultura, a agricultura ou o turismo.

A calidade das augas tamén inflúe na saúde pública. Neste sentido, márcase como obxectivo prioritario e fundamental a implantación de mecanismos e iniciativas enfocadas a garantir a calidade das nosas augas, dos nosos ríos e rías, da nosa costa e dos nosos lagos e zonas húmidas, salvagardando a biodiversidade e mellorando a conectividade ecolóxica.

Para alcanzar os máis altos estándares na calidade das augas aos que aspiramos en Galicia, tanto no medio natural como para o abastecemento á poboación, é preciso contar cun conxunto de infraestruturas que permitan almacenar, potabilizar, distribuír e depurar a auga evitando afeccións á natureza e reducindo a súa pegada ecolóxica.

Neste sentido, nos últimos anos, a Comunidade Autónoma de Galicia experimentou un salto cualitativo na extensión territorial dos servizos de abastecemento, saneamento e depuración, ao que contribuíu, en gran medida, a mobilización de investimentos públicos para a execución de obras e infraestruturas hidráulicas en apoio aos municipios no exercicio das súas competencias. Estas intervencións e investimentos incidiron, sen dúbida, na mellora dos indicadores da calidade das augas e no nivel de cumprimento das normativas comunitarias na materia.

Non obstante, tense constatado durante todo este tempo que as singularidades e peculiaridades demográficas e xeográficas de Galicia, dificultan non soamente a execución das infraestruturas hidráulicas senón





tamén a xestión das mesmas para a prestación destes servizos básicos de forma axeitada. A dispersión poboacional na nosa comunidade, que aglutina a metade dos núcleos de poboación de toda España, as nosas rías e a nosa orografía, son factores que complican e dificultan a xestión da auga en relación á prestación dos servizos de abastecemento, saneamento e depuración, sendo necesario adaptar os modelos urbanos á nosa realidade do rural disperso.

É sabido que para avanzar na mellora da calidade das augas e garantir os servizos de abastecemento á poboación e ás actividades económicas non abonda coa execución de infraestruturas. Para alcanzar a máxima calidade das nosas augas e que estes servizos básicos de auga se presten con eficiencia e eficacia, as instalacións executadas deben de ir acompañadas dunha adecuada xestión, explotación e mantemento.

Esta tarefa, intrinsecamente xa complicada, require dunha capacidade técnica e económica da que, en moitos casos, os municipios, que son as administracións que ostentan as competencias de conformidade coa normativa de réxime local, carecen.

As dificultades e singularidades da nosa comunidade autónoma tamén contribuíron a que actualmente convivan distintos modelos de xestión da auga, desde a xestión municipal dos propios sistemas e os consorcios, mancomunidades e sociedades supramunicipais ata depuradoras, que son xestionadas directamente por Augas de Galicia para colaborar cos concellos, existindo tamén unha realidade rural que debe ser tida en conta.

Paralelamente, a xestión da auga está tamén condicionada por un conxunto de importantes e urxentes retos ambientais e pola aplicación de diferentes directivas europeas.

Neste sentido, no contexto de cambio climático no que estamos inmersos, resulta necesario implantar de forma decidida os mecanismos necesarios para adaptar o ciclo integral da auga ao novo escenario de cambio global. A variación das condicións climáticas nos últimos anos, que veu a modificar o réxime da pluviometría na nosa comunidade, e a previsión futura obrigan a reorientar as accións das administracións públicas relativas á xestión da auga. Os eventos extremos, cada vez máis acusados, como son as inundacións ou as secas e a variación de parámetros como a temperatura, obrigan a adaptar os sistemas de explotación de abastecemento,





saneamento e depuración para garantir o abastecemento e a calidade das augas, sen afectar ao medio natural.


Debe terse presente a necesidade de dar cumprimento a unha normativa europea cada vez máis esixente en materia ambiental, en concreto a Directiva 2000/60/CE, do Parlamento Europeo e do Consello, do 23 de outubro, Directiva Marco da auga, que establece un consumo responsable e unha xestión eficiente, sustentable e eficaz do ciclo integral. Esta Directiva, no seu artigo 9º, contempla a asunción do principio comunitario de recuperación de custos dos servizos relacionados coa auga que motiva que a prestación dos diferentes servizos deba levar aparellada o cobro dunha taxa co obxecto de, en primeiro lugar, trasladar o custo do servizo ás persoas beneficiarias e, en segundo lugar, salvagardar a viabilidade económico-financeira do servizo.

O Pacto Verde Europeo que a Comisión Europea presentou o 11 de decembro de 2019 establece unha nova estratexia de crecemento verde para a Unión Europea, que ten por obxectivo situar a Europa na senda da transformación cara a sociedade climaticamente neutra, equitativa e próspera, cunha economía moderna e competitiva que utilice de forma eficiente os recursos.

A Axenda 2030 sobre o desenvolvemento sostible, que conta con 17 obxectivos de desenvolvemento sostible (ODS) configúrase como un contrato social global que se atopa no centro da visión da Unión Europea e que debe orientar as accións dos Gobernos. O ODS 3 (saúde e benestar), o ODS 6 (Auga limpa e saneamento), o ODS 12 (producción e consumos responsables), o ODS 14 (vida submarina), o ODS 15 (vida dos ecosistemas terrestres), son obxectivos a ter presentes para avanzar cun crecemento verde na xestión da auga.

As instalacións de abastecemento, saneamento e depuración están conformadas por estacións de bombeo, tanques de tormenta, estacións de tratamento de auga potable e estacións depuradoras de augas residuais. Estas instalacións precisan dun importante consumo de enerxía, véndose afectada, a xestión dos sistemas do ciclo integral da auga, polos cambios recentes na tarifa eléctrica xa que o termo enerxía presenta un peso importante na factura dos custos dunha planta depuradora e, máis aínda, nunha estación de bombeo de augas residuais.

Cómpre sinalar tamén a innovación que está a vivir o sector, cunha continua evolución das tecnoloxías de abastecemento e saneamento e incorporando





solucións baseadas na natureza, que precisan de acompañamento técnico especializado na posta en marcha destas novas ferramentas.


Os retos ambientais e económicos que afrontan a día de hoxe os entes locais vense dificultados tanto pola complexidade técnica da xestión dos servizos do ciclo integral da auga, como pola dificultade para alcanzar a sustentabilidade e viabilidade económica e financeira destes servizos. Pódese afirmar que, nos municipios con núcleos máis pequenos, o custo da prestación do servizo por habitante, nunhas mesmas condicións de calidade, é maior que nas cidades, xa que as instalacións de abastecemento e saneamento teñen uns custos fixos que hai que repartir entre menos persoas.

A Lei 7/1985, do 2 de abril, reguladora das bases do réxime local, establece no seu artigo 25 unha serie de materias sobre as que os municipios exercerán competencias propias, entre as que se atopan o abastecemento de auga potable e a evacuación e tratamento de augas residuais e no artigo 26 os servizos que, como mínimo, deben prestar os concellos. A obrigatoriedade de tales servizos establécese en función da poboación do municipio, aínda que o precepto sinalado establece un conxunto de servizos (entre os que se inclúen o abastecemento e a rede de sumidoiros) que deben ser prestados por todos os municipios.

A atribución competencial realizada pola lei básica refórzase na lexislación galega. Tanto a Lei 5/1997, do 22 de xullo, de Administración Local de Galicia como a Lei 9/2010, do 4 de novembro, de augas de Galicia, atribúen aos concellos competencias en materia de abastecemento, rede de sumidoiros e tratamento de augas residuais, establecendo como servizos de prestación obrigatoria por todos os concellos, na liña da lexislación básica, o abastecemento domiciliario de auga e a rede de sumidoiros, así como o tratamento de augas residuais en determinados supostos.

As deputacións provinciais, pola súa banda, por imperativo legal, teñen outorgadas as funcións de cooperación e asistencia aos municipios, debendo asegurar, especificamente, a prestación dos servizos municipais de prestación obrigatoria naqueles concellos que carecen dos medios materiais e humanos para afrontar con éxito aqueles.

A Lei 27/2013, do 27 de decembro, de racionalización e sustentabilidade da Administración Local, reforzou o papel das deputacións como garantes da adecuada prestación dos servizos públicos de competencia municipal. Neste





sentido son competencias propias das deputacións, entre outras, a coordinación dos servizos municipais en todo o territorio, a asistencia e cooperación xurídica, económica e técnica, a prestación dos servizos públicos de carácter supramunicipal e, no seu caso, comarcal, a cooperación no fomento do desenvolvemento económico e social, e a planificación no territorio provincial.

O artigo 30 da Lei 9/2010, do 4 de novembro, de augas de Galicia configura a colaboración entre administracións como un principio para conseguir os obxectivos comúns nas políticas de abastecemento, saneamento e depuración de Galicia. Na actualidade, e en aplicación deste principio, a Comunidade Autónoma de Galicia xestiona varias estacións depuradoras de augas residuais, sendo previsible que nos próximos anos este número se incremente.

Esta necesaria cooperación entre administracións vén precedida da declaración de interese xeral pola Comunidade Autónoma do servizo de depuración por parte da actualmente derogada Lei 8/2001, do 2 de agosto, de Protección da calidade das Augas das Rías de Galicia e de Ordenación do Servizo Público de Depuración de Augas Residuais Urbanas. Na actualidade a declaración de interese xeral permanece vivente nos termos específicos establecidos na Lei 9/2010, do 4 de novembro, de augas de Galicia.

Da diagnose actual conclúese a existencia dunha enorme dificultade para a prestación dos servizos municipais da auga como consecuencia das singularidades demográficas e xeográficas de Galicia, do contexto do cambio climático, das recomendacións europeas orientadas cara un consumo responsable, sustentable e eficiente da auga e por mor da complexidade técnica e económica intrínseca á prestación destes servizos municipais relacionados coa auga.

Todas as consideracións ata aquí expostas aconsellan unha corresponsabilidade das diferentes administracións na xestión da auga, é dicir, unha implicación conxunta das deputacións provinciais e da comunidade autónoma en colaboración cos concellos, ofrecéndolles un instrumento para a xestión do ciclo integral da auga baseado na voluntariedade (requisito básico en tanto a competencia corresponde ás entidades locais), na colaboración e no compromiso ambiental do cumprimento da Directiva Marco da auga, que busque unha xestión consensuada e equilibrada do ciclo





integral da auga, no ámbito de competencias de cada unha das administracións implicadas.

Neste contexto, levouse a cabo unha profunda reflexión sobre a idoneidade dun novo marco regulatorio do ciclo integral da auga para artellar os mecanismos de axuda ás entidades locais para procurar unha xestión máis eficiente das infraestruturas e servizos que forman parte do ciclo, tendo como premisa a optimización dos recursos das distintas administracións, alcanzar os maiores niveis de calidade de servizo para toda a cidadanía e a mellora das nosas augas e do medio natural.

Como un primeiro paso cara á consecución dun modelo de xestión do ciclo integral da auga que garanta a súa sustentabilidade futura, o 4 de novembro de 2013 a administración autonómica galega e a federación galega de municipios e provincias (FEGAMP) asinaron un protocolo de colaboración e desenvolvemento do Pacto Local para a xestión do ciclo urbano da auga. A través da posta en marcha deste Pacto Local, cunha participación activa dos concellos, das deputacións provinciais e da Comunidade Autónoma de Galicia, tense acadado un axeitado punto de partida para progresar na optimización da xestión da auga e na prestación destes servizos.

Este acordo político foi promovido para avanzar na consecución dun modelo de xestión sostible e eficiente, sobre todo naqueles aspectos que máis afectan á autonomía local, de tal xeito que se poidan satisfacer os dereitos e intereses das persoas usuarias e consumidoras da auga a través da prestación duns servizos de calidade, que permitan cumprir os obxectivos ambientais nun complexo escenario de cambio climático.

As premisas fundamentais deste pacto consisten principalmente en acadar un instrumento público e integral de todo o ciclo integral da auga, con solvencia técnica, con tarifas igualitarias e homoxéneas e con posibilidades de vías de financiamento para a realización de investimentos baseados en criterios técnicos.

Nos últimos anos, neste marco de colaboración institucional, a Xunta de Galicia continuou traballando mediante o impulso de iniciativas legislativas co obxectivo de adaptar a xestión da auga ao contexto de cambio climático e á realidade do noso medio rural, así como de dispoñer de ferramentas para dar unha resposta áxil e coordinada por parte das administracións públicas.







Así, no ano 2019 aprobouse a Lei 9/2019, do 11 de decembro, de medidas de garantía do abastecemento en episodios de seca e en situacións de risco sanitario, unha lei destinada a mellorar o funcionamento dos sistemas de abastecemento de auga e a coordinar de forma responsable a actuación en período de seca que ten como finalidade de garantir a subministración en cantidade e calidade idóneas á poboación, de reducir a vulnerabilidade dos sistemas e de protexer a saúde pública fronte a situacións adversas como a seca.

No momento actual, conséntase a conveniencia de dar un paso máis no camiño de establecer un marco normativo que regule a política da xestión do ciclo integral da auga na Comunidade Autónoma de Galicia, co fin de mellorar a eficiencia na prestación dos servizos públicos relacionados co ciclo integral da auga, acadar unha xestión sostible no uso da auga a través da integración dos sistemas de abastecemento e dos sistemas de saneamento e depuración, así como unha xestión profesionalizada das infraestruturas e servizos asociados as mesmas. Un novo marco regulatorio que ao mesmo tempo prevexa o establecemento de mecanismos disuasorios para fomentar un uso racional dos recursos hídricos e o aforro da auga, obxectivos da Directiva Marco da Auga, así como de medidas para a optimización do funcionamento das redes de saneamento co fin de mellorar a depuración das augas residuais e prever a contaminación e posibles accidentes.

Así, impúlsase este texto normativo cuxo obxectivo principal é ofrecer aos concellos unha solución definitiva, eficaz, profesionalizada e igualitaria para a prestación dos servizos de saneamento, depuración e abastecemento. Unha alternativa, de carácter voluntario, para aquelas entidades locais que teñan dificultades contrastadas para ofrecer un bo servizo á súa cidadanía.

II

Na presente lei introdúcese un marco normativo que establece distintas medidas para mellora do ciclo integral da auga e a prestación de servizos, regulándose, entre estas medidas, os supostos nos que a entidade pública empresarial Augas de Galicia pode prestar os servizos e xestionar as infraestruturas vinculadas ao ciclo integral da auga co fin de colaborar cos concellos que voluntariamente o requiran por ter dificultades para levalos a cabo por si mesmos e, desenvolvéndose, para estes supostos, o sistema de financiamento da xestión do ciclo integral da auga por Augas de Galicia.





A Comunidade Autónoma de Galicia conta cunha conca hidrográfica integramente incluída no seu territorio, coñecida como Galicia-Costa, sobre a que dispón, como xa recolle o preámbulo da Lei 9/2010, do 4 de novembro, de augas de Galicia, de competencia exclusiva (artigo 27.º12 do Estatuto de autonomía, aprobado pola Lei orgánica 1/1981, do 6 de abril) e, por tanto, do fundamento xurídico para conseguir unha regulación que responda aos seus propios intereses.


Como fundamento desta norma hai que atender ao disposto no Estatuto de Autonomía de Galicia, fundamentalmente aos seguintes títulos competenciais que a dita norma prevé: en materia de réxime local (artigo 27.2, posto en relación co artigo 49, relativo á tutela financeira das entidades locais); en materia de obras públicas que non teñan a cualificación legal de interese xeral do Estado ou cuxa execución ou explotación non afecte a outra comunidade autónoma ou provincia (artigo 27.7); a aproveitamentos hidráulicos, canais e regadíos cando as augas discorran integramente dentro do territorio da comunidade (art. 27.12 EAG); augas subterráneas (art. 27.14 EAG); normas adicionais sobre protección do medio ambiente (art. 27.30 EAG); e en materia de sanidade (art. 33.1 EAG).

A maiores, polo que respecto ao sistema de financiamento, é preciso ter en conta o artigo 51 do EAG, que establece que se regularán mediante lei do Parlamento galego o establecemento, a modificación e supresión dos seus propios impostos, taxas e contribucións especiais e das exencións ou bonificacións que lles afecten. Tamén o artigo 44 que sinala que forma parte da facenda da Comunidade Autónoma de Galicia o rendemento das súas propias taxas por aproveitamentos especiais e pola prestación de servizos directos da Comunidade Autónoma.

A regulación e as medidas que se establecen nesta lei adóptanse en base ao disposto no artigo 103.1 de la Constitución Española e a súa aplicación levarase a cabo desde o respecto e a coordinación entre as competencias da Comunidade Autónoma e as competencias propias das administracións locais nesta materia.

III

Neste marco, con este texto normativo quere promoverse unha explotación conxunta dos sistemas de abastecemento e saneamento, como sistema de





xestión no que se aproveitan sinerxías e economías de escala moi relevantes fronte á unha xestión individual.

A explotación conxunta permite un importante aforro directo dos custos de explotación, principalmente dos custos de persoal, o que permite dispoñer dun equipo profesionalizado e multidisciplinar compartido para a realización de tarefas de mantemento correctivo e preventivo en varias instalacións. Así mesmo, permite a redución dos custos de subministro, xa que poden acadarse menores custos derivados da optimización de materiais e equipos, así como a redución dos prezos de compra, sen prexuízo do aforro noutros custos de mantemento e conservación, todo o cal redonda na mellora da eficiencia na prestación dos servizos públicos.

Trátase, polo tanto, dun marco normativo para regular o apoio aos concellos nas súas competencias de abastecemento, saneamento e depuración das augas, creando un novo modelo de xestión que pretende garantir a calidade dos servizos á cidadanía, a eficiencia na explotación das infraestruturas e a viabilidade económica dos sistemas. Un novo modelo que axude ás entidades locais ante as dificultades contrastadas, tanto técnicas como financeiras para exercer con eficacia as competencias en materia de augas, e que poden afectar á calidade e á saúde das persoas e do medio natural, así como afectar tamén a distintas actividades económicas, como a pesca, o marisqueo, a acuicultura ou o turismo.

Búscase apostar pola coordinación e a implicación de todas as administracións con competencias na materia: a Xunta de Galicia, as deputacións provinciais e os concellos, cun texto legal que establece instrumentos de cooperación que garanten a corresponsabilidade e o cofinanciamento na programación de investimentos necesarios para a mellora do ciclo integral da auga.

Neste modelo Augas de Galicia poderá asumir a xestión dos servizos do ciclo da auga dos concellos que voluntariamente o soliciten, debendo contar coa implicación da deputación provincial correspondente no financiamento das obras que sexan precisas.

O novo modelo incentiva a xestión profesionalizada e especializada dos servizos da auga, partindo do coñecemento minucioso dos sistemas e da ordenación completa das súas instalacións. Ademais, priorizaranse as actuacións nas redes coa finalidade de limitar as infiltracións de augas brancas e os vertidos contaminantes, aumentando así a eficiencia dos





sistemas e evitando os grandes investimentos nas depuradoras e o elevado consumo de enerxía.

Neste sentido, considérase estratéxica a planificación baseada nos plans de eficiencia enerxética, nos plans de reducións de augas brancas, as auditorías en redes de abastecemento e saneamento, e asúmense obrigas tanto polas entidades locais como por Augas de Galicia, que será un apoio fundamental aos concellos nesta tarefa, que é prioritaria para acadar unha mellora da calidade das augas e a prestación de servizos de auga de calidade á cidadanía.


O novo modelo implica, ademais, igualdade de trato e de condicións en todo o territorio, cun modelo único e igualitario así como voluntario, porén establécense prezos únicos e xustos no conxunto da Comunidade.

Co fin de garantir a viabilidade económica e financeira na xestión da auga e permitir a recuperación dos custos dos servizos, garantindo a súa viabilidade e a aplicación dos principios de "quen usa, paga" e "quen contamina, paga", reordénanse os tributos existentes, cunha denominación acorde ao recurso que se está gravando, pero sen crear novas taxas que repercutan nas persoas usuarias.

A tal efecto, mediante a presente lei preténdese dar solución ás disfuncións dos tributos existentes, con natureza de taxa. Así, o coeficiente de vertido pasa a denominarse canon de xestión de depuradoras, unha nomenclatura máis acorde ao que grava o tributo por tratarse dunha taxa que se aplica nos concellos nos que a Administración hidráulica de Galicia, como axuda ás entidades locais, asume a responsabilidade e os custos da depuración das augas residuais.

Do mesmo xeito, o canon de xestión de redes de colectores viría substituír á actual taxa municipal de alcantarillado ou de sumidoiros naquela parte na que, voluntariamente, a entidade local se acolla ao modelo que se pon á súa disposición para a explotación dos servizos. Así mesmo, o canon de xestión de abastecementos viría substituír á actual taxa municipal de abastecemento, naquela parte na que a entidade local, voluntariamente, se acolla a este modelo que se pon a súa disposición.

No canon de xestión de depuradoras, asumindo o principio comunitario de "quen contamina paga", nos usos non domésticos e entidades locais, o tipo de gravame pode vir modulado pola concentración contaminante vertida,





toda vez que unha menor ou menor concentración contaminante intervéñen de maneira directa nos custos asociados ao seu tratamento.

Con respecto ao coeficiente de vertedura e ao sistema de xestión dos baleirados de fosas sépticas en depuradoras xestionadas pola Administración hidráulica de Galicia, pásase dun modelo baseado exclusivamente na dispoñibilidade do servizo a un sistema no que, ademais da propia dispoñibilidade, tense en conta o volume efectivamente baleirado na depuradora.

Derivado da asunción do principio comunitario de recuperación de custo do servizo propugnado polo artigo 9 da Directiva Marco da Auga e do principio comunitario do uso responsable da auga, concrétese, como mecanismo disuasorio o gravame das perdas de auga en redes de abastecementos cando estas supoñan máis do vinte por cento da auga captada. Para tal fin modifícanse varios artigos da Lei 9/2010, de 4 de novembro, de augas de Galicia.

Outras modificacións operadas na Lei de augas de Galicia son as relativas á incorporación, dentro do uso especial de produción hidroeléctrica, dos bombeos de auga desde o dominio público hidráulico cara os embalses; a modificación das obrigas das entidades subministradoras da auga, singularmente no relativo ás declaracións de impagados; o establecemento da obriga de presentar e cumprimentar os modelos de declaración e autoliquidación na sede electrónica da Xunta de Galicia; a ampliación da aplicación do coeficiente de zona sensible aos vertidos que sexan realizados indirectamente a ditas zonas; e a regulación da acreditación do número de persoas na vivenda nos usos domésticos da auga cando as ordenanzas municipais contemplan dito factor á hora de aplicar as súas taxas vinculadas ao ciclo da auga.

IV

O articulado da presente lei estrutúrase en tres títulos, catro disposicións adicionais, catro disposicións transitorias, unha disposición derogatoria, tres disposicións derradeiras e dous anexos.





O título I contén as disposicións xerais relativas ao obxecto e ámbito de aplicación da lei, definicións, finalidades e principios de actuación, co fin de garantir as necesidades básicas de uso da auga en condicións axeitadas de cantidade e calidade e a protección dos recursos hídricos e dos ecosistemas acuáticos e terrestres asociado.

O título II contén distintas medidas para mellora do ciclo integral da auga e a prestación de servizos e estruturase en tres capítulos.

No capítulo I, relativo ás medidas de mellora da ordenación da xestión do ciclo integral da auga, regulase e clarifícase a figura das aglomeracións urbanas, en consonancia coa maior relevancia que esta figura adquiriu na normativa comunitaria. En segundo lugar, regúlanse distintas medidas para o cumprimento das obrigas derivadas do tratamento de augas residuais urbanas, medidas relacionadas coa ordenación dos sistemas de saneamento, medidas para a mellora da xestión das augas da choiva, medidas relacionadas coa ordenación dos sistemas de abastecemento, coa ordenación dos sistemas de abastecemento, medidas para fomentar a eficiencia enerxética no ciclo integral da auga así como medidas para fomentar a transparencia e o intercambio de información na xestión do ciclo integral da auga.

O capítulo II relativo á prestación dos servizos do ciclo integral da auga, define os obxectivos que deben acadarse na prestación, establece como réxime xeral a prestación conxunta e integrada dos servizos vinculados ao uso da auga e regula as medidas destinadas a garantir a sustentabilidade e viabilidade económica na xestión do ciclo integral da auga e a calidade dos servizos.

O capítulo III contén distintas medidas dirixidas á mellora da xestión do ciclo integral da auga, regulando os supostos nos que a entidade pública empresarial Augas de Galicia pode prestar os servizos e xestionar as infraestruturas vinculadas ao ciclo integral da auga co fin de colaborar cos concellos que voluntariamente o requiran por ter dificultades para levalos a cabo por si mesmos, debido a súa carencia de recursos. Así mesmo, regula a planificación, a proxección, a xestión dos procedementos expropiatorios necesarios para a execución das obras de construción das infraestruturas, a execución e a explotación das actuacións que resulten necesarias para a xestión destes servizos e medidas para a protección de infraestruturas de titularidade autonómica.





O título III, relativo ao sistema de financiamento da xestión do ciclo integra da auga por Augas de Galicia, divídese en cinco capítulos.

O capítulo I regula as disposicións comúns ao réxime económico financeiro dos servizos prestados nos supostos nos que sexan prestados por Augas de Galicia.

Os capítulos II e III relativos aos canons de xestión de depuradoras e de xestión de redes de colectores, respectivamente, e o capítulo IV sobre as normas comúns para a xestión de ambos canons regulan os elementos e cuantificación destes tributos nos distintos supostos, introducindo as novidades que se indican nos parágrafos precedentes en relación co canon de vertedura ao que substitúen. E por último o capítulo V regula os elementos e competencias do novo canon de abastecemento.

As **disposicións adicionais** prevén a declaración de interese público excepcional da xestión de determinadas infraestruturas vinculadas ao ciclo integral da auga, a acreditación do número persoas, familia numerosa e risco de exclusión social nos novos canons, a aplicación da modalidade de carga contaminante do canon de xestión de depuradoras, a habilitación á Lei de orzamentos xerais da Comunidade Autónoma de Galicia para actualizar os tipos de gravame dos canons creados nesta Lei e a regulación do réxime sancionador tributario aplicable.

A **primeira e a segunda disposición transitoria** regulan o réxime establecido para as infraestruturas de saneamento, depuración e de abastecemento que á entrada en vigor da presente lei estean a ser xestionadas pola entidade pública Augas de Galicia, que son as sinaladas no Anexo I, e establece a necesidade de sinatura dun convenio de colaboración nos supostos nos que este non exista e Augas de Galicia estea xestionando ditas depuradoras. A **terceira disposición transitoria** regula a xestión do coeficiente de vertedura non prescrito durante o período transitorio e a **cuarta disposición transitoria** regula a aplicación da normativa relativa ao coeficiente de vertedura.

A **disposición derogatoria**, derroga expresamente o Capítulo III do Título IV da Lei 9/2010, do 4 de novembro.

Das tres **disposicións derradeiras**, a primeira contén distintas modificacións da Lei 9/2010, de 4 de novembro, en relación ao canon da auga. As





disposicións derradeiras segunda e terceira regulan a habilitación para o desenvolvemento normativo e a entrada en vigor.

Por ultimo, os **anexos** recollen as depuradoras de titularidade municipal que no momento de entrada en vigor desta Lei están sendo xestionadas por Augas de Galicia e os volumes de depuración mensuais ordinarios de referencia de ditas depuradoras.

V

Na tramitación do anteproxecto de lei observáronse todas as garantías esixidas pola lexislación vixente en materia de participación pública, promovendo unha participación pública real e efectiva ao longo de todo o procedemento de tramitación e respectándose as obrigas de publicidade nos termos previstos na Lei 1/2016, do 18 de xaneiro, de transparencia e bo goberno.

O anteproxecto foi sometido ao trámite de consulta pública e audiencia, publicándose no Portal de transparencia e goberno aberto da Xunta de Galicia e sendo remitido a todas administracións, corporacións ou entidades interesadas, téndose ampliado o prazo do trámite de audiencia.

Durante a tramitación do texto normativo emitíronse os informes preceptivos pola Dirección Xeral de Avaliación e Reforma Administrativa, polo órgano de dirección con competencias en materia de dinamización demográfica, pola dirección xeral competente en materia de orzamentos, pola Axencia Tributaria de Galicia e pola Secretaría Xeral de Igualdade en relación co impacto de xénero. Realizouse tamén o correspondente informe sobre os trámites de consulta pública e audiencia, no que se analizaron as alegacións presentadas.

O Consello Reitor de Augas de Galicia foi informado sobre o texto do anteproxecto de lei que tamén foi obxecto do ditame preceptivo do Consello Económico e Social de Galicia.

A tramitación adecuouse aos trámites establecidos na normativa aplicable





TÍTULO I

Disposicións xerais da xestión do ciclo integral da auga

Artigo 1. *Obxecto*

A presente lei ten por obxecto o establecemento dun marco normativo que regule a política da xestión do ciclo integral da auga na Comunidade Autónoma de Galicia.



[Handwritten signature]





Artigo 2. Ámbito de aplicación

Esta lei resulta de aplicación a todas as administracións públicas e axentes que interveñen na xestión do ciclo integral da auga na Comunidade Autónoma de Galicia.

A regulación da intervención das comunidades de usuarios como axentes que participan na xestión do ciclo integral da auga será obxecto de desenvolvemento regulamentario.



Artigo 3. *Definicións*

1. Aos efectos da presente lei, enténdese por:

a) Ciclo integral da auga: Percorrido que realizan os recursos hídricos, desde a súa detracción do medio natural ata a súa devolución ao mesmo, para posibilitar o seu uso.

b) Elementos que forman parte da xestión do ciclo integral da auga: Infraestruturas e instalacións de titularidade pública necesarias para prestar o servizo abastecemento de auga en alta ou adución e o de subministro de auga en baixa ou distribución, o servizo de saneamento ou recollida e condución de augas residuais, de depuración das augas residuais e de retorno das augas depuradas ao medio e, no caso de que exista, o servizo de rexeneración das augas residuais depuradas.


c) Xestión do ciclo integral da auga: administración e organización das accións necesarias que permitan o desenvolvemento do ciclo integral da auga, a través da explotación, conservación e mantemento de determinadas infraestruturas ou instalacións, tales como a extracción, o almacenamento, a condución, o tratamento e a distribución de augas superficiais ou subterráneas, así como a recollida e depuración de augas residuais e a súa condución ata a devolución ao medio natural.

d) Servizos vinculados ao ciclo integral da auga: actividades relacionadas coa xestión do ciclo integral da auga que posibilitan o emprego dos recursos hídricos que se incorporan ao mesmo.

e) Persoas usuarias do ciclo integral da auga: persoas físicas, xurídicas ou entidades do artigo 35.4 da Lei 58/2003, do 17 de decembro, xeral tributaria que, a través dos servizos vinculados ao ciclo integral da auga, fan un uso dos recursos hídricos que se incorporan ao mesmo.

f) Administración pública titular de infraestruturas: administración pública que ostenta a titularidade dalgunha das infraestruturas ou instalacións necesarias para a xestión do ciclo integral da auga nos termos establecidos neste lei.

g) Administración pública responsable dos servizos: administración pública que ostenta a competencia para prestar os distintos servizos vinculados ao ciclo integral da auga, conforme ao disposto na Lei 7/1985, de 2 de abril,





reguladora das bases do réxime local, nos termos establecidos na lexislación estatal e autonómica.

h) Entidade pública prestadora dos servizos: entidade pública que xestiona infraestruturas e presta, a través da súa explotación, determinados servizos vinculados ao ciclo integral da auga. A xestión das infraestruturas e a prestación dos servizos por estas entidades non modifica a titularidade das infraestruturas ou instalacións nin a competencia para a prestación dos servizos.

i) Entidade beneficiaria: administración pública responsable dos servizos que, sen ser titular de infraestruturas vinculadas ao ciclo integral da auga, atópase conectada ás mesmas e resulta beneficiada da xestión ou da prestación dos servizos que efectúan outras administracións públicas.

l) Aglomeración urbana: zona xeográfica formada por un ou varios termos municipais, ou por parte dun ou varios deles que, pola súa poboación ou actividade económica, constitúa un foco de xeración de augas residuais que xustifique a súa recollida e condución a unha instalación de tratamento ou a un punto de vertido final.


m) Ente público representativo dos municipios: administración pública á que corresponde, no marco dunha aglomeración urbana, o cumprimento das obrigas derivadas do tratamento das augas residuais urbanas e a asunción, no seu caso, das responsabilidades derivadas do incumprimento das mesmas.

n) Habitante equivalente: a carga orgánica biodegradable cunha demanda bioquímica de osíxeno de cinco días (DBO 5), de 60 gramos de osíxeno por día.

ñ) Augas residuais urbanas: as augas residuais domésticas ou a mestura delas coas augas residuais non domésticas, así como con augas de escorrentura pluvial.

o) Augas brancas: as augas que non foron sometidas a ningún proceso de transformación de xeito que a súa potencial capacidade de perturbación do medio é nula e, polo tanto, non deben ser conducidas mediante os sistemas públicos de saneamento pero que cando se introducen nestes sistemas adquiren a natureza de auga utilizada e deben de ser depuradas antes da súa devolución ao medio.


p) Usos urbanos: Usos da auga realizados polas entidades locais destinados a subministrar auga a terceiros, por si ou mediante calquera das formas



previstas na lexislación administrativa para a xestión do servizo público, cando ditos usos dean lugar a vertidos ás redes de saneamento. Dentro dos usos urbanos considéranse incluídas a augas brancas que se incorporan ás redes de saneamento.


q) Uso de baleirado de fosas sépticas: Usos da auga realizados por persoas físicas ou xurídicas que xeran vertidos de natureza doméstica, recollidos en cámaras subterráneas estancas ou que infiltran no terreo, que posteriormente son baleirados en depuradoras de augas residuais para o seu tratamento.

2. Aos efectos da presente lei serán de aplicación as definicións contidas no artigo 2 da Lei 9/2010, do 4 de novembro, de augas de Galicia e no artigo 2 da Lei 9/2019, do 11 de decembro, de medidas de garantía do abastecemento en episodios de seca e en situacións de risco sanitario.



Artigo 4. *Finalidades da lei*

1. A presente lei ten por finalidade contribuír a garantir a satisfacción das necesidades básicas do uso da auga, en condicións axeitadas de cantidade e calidade, e a protección dos recursos hídricos e dos ecosistemas acuáticos e terrestres asociados.
2. En concreto, a Lei persegue:
 - a) A mellora da eficiencia na prestación dos servizos públicos relacionados co ciclo integral da auga.
 - b) Unha xestión sostible no uso da auga a través da integración dos sistemas de abastecemento e dos sistemas de saneamento e depuración.
 - c) Unha xestión profesionalizada das infraestruturas vinculadas ao ciclo integral da auga e servizos asociados as mesmas.
 - d) O establecemento de mecanismos disuasorios para fomentar un uso racional dos recursos hídricos e o aforro da auga.
 - e) A optimización do funcionamento das redes de saneamento co fin de mellorar a depuración das augas residuais e previr a contaminación.
 - f) A coordinación das administracións públicas con competencias na xestión do ciclo integral da auga e o establecemento de instrumentos de cooperación entre elas.



Artigo 5. *Principios de actuación na xestión do ciclo integral da auga*

1. A presente lei inspírase nos seguintes principios:

a) Acadar os obxectivos establecidos nas normas básicas estatais e europeas relacionadas coa xestión do ciclo integral da auga, co máximo respecto á autonomía das entidades locais.

b) A utilización e explotación eficiente das infraestruturas que permitan xestionar o ciclo integral da auga e a prestación dos servizos vinculados ao uso da auga.

c) A suxeición da xestión do ciclo integral da auga á planificación hidrolóxica e á planificación en materia de abastecemento, saneamento e depuración.


d) A viabilidade técnico – financeira na xestión do ciclo integral da auga.

e) A cooperación entre as administracións públicas, a través da co-responsabilidade e o co-financiamento na programación de investimentos para a mellora do ciclo integral da auga.

f) Solidariedade interterritorial na prestación dos servizos relacionados coa xestión do ciclo integral da auga e no reparto dos custos asociados á dita xestión.

2. As administracións públicas con competencias comprendidas no ámbito da presente lei deberán someter as súas actuacións ao principio de sustentabilidade económica e financeira dos servizos do ciclo integral da auga de uso urbano.

3. As actuacións das administracións públicas, no marco da xestión do ciclo integral da auga, terán como un dos seus obxectivos a recuperación dos custos dos servizos, garantindo a súa viabilidade e a efectividade dos principios “quen usa, paga” e “quen contamina, paga”.



TÍTULO II

**Medidas para a mellora do ciclo integral da auga e da prestación dos
servizos asociados**

CAPÍTULO I

Medidas para mellorar a ordenación da xestión do ciclo integral da auga*Artigo 6. Fixación das aglomeracións urbanas de Galicia*

1. Co fin de ordenar a xestión dos sistemas de saneamento e depuración da Comunidade Autónoma de Galicia e contribuír ao cumprimento das obrigas relacionadas co tratamento das augas residuais urbanas, a Administración Hidráulica de Galicia fixará as aglomeracións urbanas en que se estrutura o territorio da Comunidade Autónoma de Galicia, en concordancia co disposto no artigo 3 do Real Decreto Lei 11/1995, do 28 de decembro, polo que se establecen as normas aplicables ao tratamento das augas residuais urbanas.

2. No prazo máximo de dous anos desde a entrada en vigor desta lei, Augas de Galicia realizará unha proposta inicial das aglomeracións urbanas nas que se estrutura o territorio da Comunidade Autónoma de Galicia, indicando, para cada unha delas, segundo a información dispoñible, como mínimo as seguintes características:


a) Os núcleos de poboación e zonas industriais que conforman cada unha das aglomeracións urbanas, a súa poboación, medida en habitantes equivalentes e os concellos aos que pertencen.

b) As principais instalacións de saneamento e depuración existentes en cada unha das aglomeracións urbanas e a súa capacidade.


c) A poboación, medida en habitantes equivalentes, conectada ás instalacións de depuración existentes.

d) A administración pública que teña a consideración de ente público representativo dos municipios en cada unha das aglomeracións urbanas.

e) As administracións públicas titulares das infraestruturas de saneamento e depuración e as administracións públicas responsables dos servizos en cada unha das aglomeracións urbanas.



3. A proposta para a determinación das aglomeracións urbanas será sometida a audiencia das administracións públicas responsables dos servizos de saneamento e depuración afectados e das administracións públicas titulares das infraestruturas, durante un prazo de dous meses.
4. Unha vez realizado o trámite anterior, e á vista do seu resultado, elaborárase por Augas de Galicia unha proposta definitiva de aglomeracións urbanas que será elevada ao Consello da Xunta de Galicia para a súa aprobación.
5. Augas de Galicia disporá dun rexistro das aglomeracións urbanas nas que se estrutura o territorio da Comunidade Autónoma de Galicia.





Artigo 7. Determinación do entes públicos representativos dos municipios

1. Na proposta inicial de aglomeracións urbanas que formule Augas de Galicia indicárase como ente público representativo dos municipios o que resulte da aplicación dos seguintes criterios:

a) No caso de aglomeracións urbanas conformadas por núcleos de poboación e zonas industriais localizadas nun único termo municipal, proporase inicialmente como ente público representativo do municipio á administración pública responsable do servizo de depuración.

b) No caso de aglomeracións urbanas de carácter supramunicipal, conformadas por núcleos de poboación e zonas industriais localizadas en varios termos municipais, proporase inicialmente como ente público representativo dos municipios á administración pública responsable do servizo de depuración no termo municipal que teña unha maior poboación, medida en habitantes equivalentes, conectada ás instalacións de depuración que formen parte da aglomeración.

2. A proposta definitiva que se eleve ao Consello da Xunta de Galicia determinará como ente público representativo dos municipios o acordado por estes durante o prazo de audiencia indicado no apartado 3 do artigo anterior, tendo en conta as seguintes regras:

a) Naquelas aglomeracións nas que os servizos de saneamento ou depuración se presten a través dunha entidade pública distinta das administracións públicas responsables deses servizos, esta poderá ostentar a condición de ente público representativo do municipio ou municipios, sempre que así se acorde por maioría das administracións públicas responsables e esa entidade manifeste a súa conformidade.

b) No caso de aglomeracións urbanas de carácter supramunicipal, a designación deberá efectuarse por acordo da maioría dos municipios.

c) En defecto de acordo ou cando non se efectúen alegacións no trámite de audiencia, incluírase como ente público representativo o determinado na proposta inicial.

A proposta incorporará, no seu caso, o acordo adoptado polos municipios.





Artigo 8. Administracións públicas titulares de infraestruturas vinculadas ao ciclo integral da auga

Aos efectos do disposto nesta lei, consideraranse administracións públicas titulares das infraestruturas relacionadas coa xestión do ciclo integral da auga, ademais das incluídas no apartado 1º do Anexo I desta lei, as que resulten da aplicación sucesiva e excluín-te dos seguintes criterios:

- a) As que figuren inscritas como titulares no Rexistro da Propiedade.
- b) As que acrediten a súa titularidade mediante calquera instrumento xurídico válido a tales efectos.
- c) As que teñan sido beneficiarias dos auxilios económicos previstos na normativa regulamentaria vixente en cada momento sobre colaboración técnica e financeira para a execución de infraestruturas relacionadas coa xestión do ciclo integral da auga.
- d) As que veñan explotando a infraestrutura durante máis de dez anos consecutivos, agás nos supostos das infraestruturas de depuración que estean a ser xestionadas por Augas de Galicia no momento da entrada en vigor desta lei e que figuran no seu Anexo I como de titularidade municipal ou supramunicipal.
- e) Os concellos que figuren como titulares nos seus inventarios de bens das corporacións locais
- f) Os concellos en cuxo termo municipal se localice a infraestrutura.





Artigo 9. Modificación das aglomeracións urbanas de Galicia

1. As modificacións das características das aglomeracións urbanas clasificaranse en modificacións substanciais ou non substanciais.

Considéranse modificacións substanciais aquelas que supoñan unha alteración das características indicadas nos apartados 2 d) e 2 e) do artigo 6 ou unha alteración da poboación da aglomeración urbana ou da poboación conectada a unha determinada instalación de depuración, medida en habitantes equivalentes, superior ao 10% da que figure no rexistro de aglomeracións urbanas da Comunidade Autónoma de Galicia.

2. O procedemento de modificación substancial das características das aglomeracións urbanas de Galicia, poderá iniciarse de oficio por Augas de Galicia ou a solicitude das administracións públicas titulares das infraestruturas ou responsables dos servizos de saneamento e depuración.

A proposta de modificación deberá ser informada por Augas de Galicia no prazo de dous meses desde a súa solicitude. No dito informe analizarase a compatibilidade das modificacións propostas co disposto nesta lei e na normativa aplicable de tratamento das augas residuais urbanas e terá, neste ámbito, carácter vinculante.

A aprobación das modificacións seguirá a tramitación establecida nos apartados 3 e 4 do artigo 6 desta lei.

3. As modificacións non substanciais serán comunicadas polos entes públicos representativos afectados a Augas de Galicia, co fin de que actualice os datos que consten no rexistro de aglomeracións urbanas da Comunidade Autónoma de Galicia.



Artigo 10. Medidas para o cumprimento das obrigas derivadas do tratamento das augas residuais urbanas

1. Co fin de dar cumprimento ás obrigas de información establecidas nesta lei e na restante normativa vixente en relación ao tratamento das augas residuais urbanas, a Administración Hidráulica de Galicia, en concordancia co disposto no artigo 26.2 e) da Lei 9/2010, do 4 de novembro, de augas de Galicia, realizará un control analítico e recompilará información sobre os caudais circulantes e sobre a adecuación dos vertidos e das instalacións de depuración correspondentes á lexislación vixente.
2. O resultado dos controis realizados e a información recompilada será notificada cunha periodicidade mínima bienal ao ente público representativo do municipio ou municipios da aglomeración urbana correspondente. No caso de que os resultados poñan de manifesto a existencia dun risco de incumprimento da normativa aplicable ou dun incumprimento efectivo, o ente público representativo, no prazo máximo de dous meses desde a recepción da notificación, comunicará á Administración hidráulica de Galicia un programa de acción para a resolución dos incumprimentos detectados.
3. O programa de acción detallará as actuacións necesarias para resolver o incumprimento ou minimizar os riscos de incumprimento e indicará o seu prazo e orzamento estimado. En función da complexidade destas actuacións, o programa de acción poderá ter un carácter plurianual.
4. Sen prexuízo das responsabilidades nas que, no seu caso, poida incurrir o ente público representativo dos municipios, o custo do desenvolvemento dos programas de acción e da asunción das responsabilidades que poidan derivar dos incumprimentos sinalados nos parágrafos anteriores repartirase, de selo caso, entre as administracións públicas responsables dos servizos de saneamento e depuración causantes deses incumprimentos, en proporción ao grado de responsabilidade de cada unha delas.





Artigo 11. Outras medidas relacionadas coa ordenación dos sistemas de saneamento e depuración

1. As administracións públicas titulares de infraestruturas de saneamento e de depuración están obrigadas a prever e programar a revisión das instalacións a través das cales se prestan os servizos e a efectualas, por si mesmas ou a través das entidades públicas prestadoras dos servizos, cunha periodicidade mínima quinquenal.

Se destas revisións resultara a necesidade ou conveniencia de repoñer ou substituír algún dos elementos da instalación, as administracións públicas titulares das instalacións deberán executar as obras oportunas para a subsanación das deficiencias ou a reposición dos elementos afectados, por si mesmas ou a través das entidades públicas prestadoras dos servizos, sen prexuízo da depuración previa, se procede, das responsabilidades nas que poida incurrir a administración pública que preste efectivamente o servizo cando esta sexa distinta á administración pública titular.

2. Os sistemas de saneamento e depuración que dean servizo a unha aglomeración urbana de máis de 2.000 habitantes equivalentes deberán dispoñer dun plan de control anual de vertidos ás redes de colectores, co fin de poder verificar e controlar as conexións ás redes de saneamento e o cumprimento das ordenanzas de vertido. Estes plans serán aprobados polas administracións públicas responsables dos servizos. A súa redacción e execución poderá ser efectuada polas administracións públicas responsables dos servizos, por si mesmas ou a través das entidades públicas prestadoras dos servizos.

Co fin de contribuír á súa elaboración, Augas de Galicia desenvolverá unhas directrices para a redacción de plans de control de vertido ás redes de colectores.

Os plans de control anual de vertidos ás redes de colectores aprobaranse no prazo máximo de dous anos desde a publicación das directrices para a súa redacción.

3. Os plans referidos no apartado anterior, e as súas revisións, no caso de que sexan elaborados polas administracións públicas responsables dos servizos ou por unha entidade prestadora distinta a Augas de Galicia, serán informados por esta entidade pública, con carácter previo á súa aprobación ou revisión polas administracións públicas responsables. O informe analizará a compatibilidade deses plans co disposto nas directrices indicadas no





apartado anterior, nesta lei e na normativa aplicable ao tratamento das augas residuais urbanas. O informe emitirase no prazo máximo de dous meses, transcorrido o cal sen que fose emitido, poderase continuar o procedemento para aprobación do correspondente plan.

4. No prazo máximo de dous anos desde a entrada en vigor desta lei, os sistemas de depuración que dean servizo a unha poboación de máis de 2.000 habitantes equivalentes deberán adaptar as súas instalacións, co fin de poder recibir e tratar axeitadamente os residuos procedentes das fosas sépticas de carácter doméstico situadas nos termos municipais que forman parte de cada unha desas aglomeracións urbanas, ou en termos municipais limítrofes. As administracións públicas titulares das infraestruturas de depuración deberán executar as obras oportunas, por si mesmas ou a través das administracións públicas responsables do servizo de depuración ou das entidades públicas prestadoras dese servizo.

Naqueles casos onde esta adaptación das instalacións non sexa tecnicamente viable deberá acreditarse a imposibilidade da actuación.

5. Nas aglomeracións urbanas de menos de 2.000 habitantes equivalentes fomentárase o emprego de procesos de depuración extensivos, cun baixo consumo enerxético e de reactivos. Co fin de ordenar a xestión do saneamento e a depuración neste ámbito, no prazo máximo dun ano desde a entrada en vigor desta lei, Augas de Galicia desenvolverá unhas directrices para o saneamento e a depuración en pequenos núcleos de poboación de Galicia.


6. No prazo máximo de catro anos desde a entrada en vigor desta lei, as aglomeracións urbanas de máis de 2.000 habitantes equivalentes de carácter supramunicipal deberán dispoñer de caudalímetros en todos aqueles puntos da rede de saneamento onde se produza un cambio na administración pública responsable do servizo. As administracións públicas titulares dos sistemas de saneamento nos que entran as augas deberán executar as obras oportunas, por si mesmas ou a través das administracións públicas responsables do servizo de saneamento ou das entidades públicas prestadoras dese servizo.

7. No prazo máximo de catro anos desde a entrada en vigor desta lei, as aglomeracións urbanas deberán dispoñer de caudalímetros na entrada de todas as instalacións de depuración que dean servizo a unha poboación de máis de 2.000 habitantes equivalentes. As administracións públicas titulares das infraestruturas de depuración deberán executar as obras oportunas, por





si mesmas ou a través das administracións públicas responsables do servizo de saneamento ou das entidades públicas prestadoras dese servizo.



[Handwritten signature]

CSV: BOPGDSPG-45WqWT1CL-3
Verificación:
<https://sede.parlamentodegalicia.gal/tramites/csv/>





Artigo 12. Medidas para mellorar a xestión das augas brancas e pluviais

1. Os sistemas de saneamento e depuración que dean servizo a unha aglomeración urbana de máis de 2.000 habitantes equivalentes deberán dispoñer dun plan de redución de entradas de augas brancas nas redes de saneamento. Estes plans serán aprobados polas administracións públicas responsables dos servizos. A súa redacción e execución poderá ser efectuada polas administracións públicas responsables dos servizos, por si mesmas ou a través das entidades públicas prestadoras dos servizos.

Os plans de redución de entradas de augas brancas ás redes de colectores aprobaranse no prazo máximo de dous anos desde a publicación das directrices indicadas no seguinte apartado.

2. Co fin de contribuír a mellorar a xestión das augas brancas e das augas pluviais Augas de Galicia desenvolverá unhas directrices para a optimización da xestión das augas pluviais en Galicia, cun sistema de indicadores para poder avaliar as melloras neste eido e os obxectivos a acadar en cada sistema de saneamento e depuración.

3. Os plans referidos no apartado anterior, e as súas revisións, no caso de que sexan elaborados polas administracións públicas responsables dos servizos ou por unha entidade prestadora distinta a Augas de Galicia, serán informados por esta entidade pública con carácter previo á súa aprobación ou revisión polas administracións públicas responsables.

O informe analizará a compatibilidade deses plans co disposto nas directrices indicadas no apartado anterior, nesta lei e na normativa aplicable ao tratamento das augas residuais urbanas. O informe emitirase no prazo máximo de dous meses, transcorrido o cal sen que fose emitido, poderase continuar o procedemento para aprobación do correspondente plan.





Artigo 13. *Medidas relacionadas coa ordenación dos sistemas de abastecemento*

1. As administracións públicas titulares de infraestruturas de abastecemento están obrigadas a prever e programar a revisión das súas instalacións e a efectual cunha periodicidade mínima quinquenal. Se destes controis resultara a necesidade ou conveniencia de repoñer ou reemprazar algún dos elementos da instalación, as administracións públicas titulares das infraestruturas deberán executar as obras oportunas para a subsanación das deficiencias ou a reposición dos elementos afectados, por si mesmas ou a través das entidades públicas prestadoras dos servizos.

2. Os sistemas de abastecemento que subministren auga a unha poboación superior a 20.000 habitantes deberán sectorizar as súas redes de distribución, dividíndoas en áreas e sectores hidrométricos diferentes que permitan a medición do consumo no interior de cada un deles mediante a instalación de cuadalímetros nos puntos de entrada e saída, co fin de mellorar a xestión desas redes. As administracións públicas titulares das infraestruturas deberán executar as obras oportunas, por si mesmas ou a través das administracións públicas responsables dos servizos ou entidade prestadoras dos servizos.




Artigo 14. *Medidas para fomentar a eficiencia enerxética no ciclo integral da auga*

1. As instalacións de saneamento e depuración que dean servizo a unha aglomeración urbana de máis de 20.000 habitantes equivalentes ou as instalacións de tratamento de auga potable a través das cales se subministre auga a unha poboación de máis de 20.000 habitantes deberán dispoñer dun plan de optimización da eficiencia enerxética. Nestes plans teranse en conta as sinerxias entre os distintos elementos do ciclo integral da auga e os posibles aforros ou ineficiencias no uso dos recursos hídricos.

2. Estes plans serán aprobados polas administracións públicas responsables dos servizos. A súa redacción e execución poderá ser efectuada polas administracións públicas responsables dos servizos, por si mesmas ou a través das entidades públicas prestadoras dos servizos. Os plans de optimización da eficiencia enerxética aprobaranse no prazo máximo de dous anos desde a publicación das directrices indicadas no seguinte apartado.


3. Co fin de contribuír ao incremento da eficiencia enerxética no ciclo integral da auga, Augas de Galicia desenvolverá unhas directrices para a mellora enerxética das instalacións de abastecemento, saneamento e depuración en Galicia, un sistema de indicadores para poder avaliar as melloras neste eido e os obxectivos a acadar nos distintos sistemas.

4. Os plans referidos neste artigo, e as súas revisións, no caso de que sexan elaborados polas administracións públicas responsables dos servizos ou por unha entidade prestadora distinta a Augas de Galicia, serán informados por esta entidade pública con carácter previo á súa aprobación polas administracións públicas responsables dos servizos. O informe analizará a compatibilidade deses plans co disposto nas directrices indicadas no apartado anterior, nesta lei e na restante normativa aplicable ao ciclo integral da auga. O informe emitirase no prazo máximo de dous meses, transcorrido o cal sen que fose emitido, poderase continuar o procedemento para aprobación do correspondente plan.



Artigo 15. Medidas relacionadas coa formación, a transparencia e o intercambio de información na xestión do ciclo integral da auga

1. Co fin de profesionalizar a prestación dos servizos relacionados co ciclo integral da auga, Augas de Galicia establecerá un programa de formación periódica e continua na xestión do ciclo integral da auga, para técnicos e responsables das entidades locais.
2. As administracións públicas titulares de infraestruturas, as administracións públicas responsables dos servizos e as entidades públicas prestadoras dos servizos deberán remitir a Augas de Galicia a información que, en relación ás súas competencias, ás instalacións que xestionen e aos servizos que presten, lles sexa requirida por esta.
3. Augas de Galicia creará e manterá un inventario dos sistemas de abastecemento e de saneamento e depuración existentes en Galicia. Ademais, porá a disposición das distintas administracións relacionadas coa xestión do ciclo integral da auga un sistema de intercambio de información, co fin de manter actualizada a información dispoñible.





CAPÍTULO II

Mellora da prestación dos servizos asociados ao ciclo integral da auga

Artigo 16. *Obxectivos na prestación dos servizos do ciclo integral da auga*

1. As administracións públicas titulares de infraestruturas e as administracións públicas responsables dos servizos relacionados coa xestión do ciclo integral da auga traballarán para a consecución dos seguintes obxectivos xerais:

a) Mellorar e innovar na xestión do ciclo integral da auga e nas tecnoloxías aplicables para incrementar a eficiencia no uso e na protección dos recursos hídricos, utilizando as mellores técnicas dispoñibles.

b) Acadar unha viabilidade económica – financeira na xestión do ciclo integral da auga.

c) Realizar as labores de mantemento e reparación axeitadas para protexer as infraestruturas existentes e conservalas nas condicións óptimas para a prestación dos servizos.

d) Repoñer as infraestruturas vinculadas á xestión do ciclo integral da auga cando esgoten a súa vida útil.

2. As administracións públicas responsables dos servizos de abastecemento, por si mesmas ou a través das entidades públicas prestadoras, realizarán e fomentarán un uso racional dos recursos hídricos, a través do aforro de auga, a sectorización das redes de abastecemento, a detección e reparación de fugas e o control dos caudais detraídos do medio hídrico e dos consumos realizados.

3. As administracións públicas responsables dos servizos de saneamento e depuración, por si mesmas ou a través das entidades públicas prestadoras, contribuirán e fomentarán a protección dos recursos hídricos a través do control e rexistro dos caudais entrantes nas redes de saneamento e do cumprimento das ordenanzas municipais de vertido aos colectores, limitando a incorporación de augas brancas e optimizando a xestión das augas pluviais, instalando sistemas de medición da calidade e da cantidade de augas residuais xestionadas, mellorando os sistemas de depuración existentes.





Artigo 17. Réxime xeral da prestación dos servizos do ciclo integral da auga

1. As administracións públicas responsables dos servizos asociados ao ciclo integral da auga, por si ou de forma mancomunada ou asociada, fomentarán unha prestación conxunta e integrada dos servizos vinculados ao uso da auga, establecendo preferentemente fórmulas que permitan unha xestión conxunta e integral do ciclo da auga.

2. Sen prexuízo do establecido no apartado anterior, cando as administracións públicas responsables dos servizos asociados ao ciclo integral da auga sexan concellos que contén cunha poboación inferior a 20.000 habitantes, a prestación dos mesmos será coordinada pola deputación provincial correspondente ou entidade equivalente, na forma que establece o artigo 26.2 de Lei 7/1985, de 2 de abril, reguladora das bases do réxime local.





Artigo 18. *Sustentabilidade e viabilidade económica na xestión do ciclo integral da auga*

1. En toda a xestión do ciclo integral da auga, as administracións públicas responsables dos servizos velarán polo cumprimento dos principios de sustentabilidade e viabilidade económica dos servizos e de recuperación de custos, en concordancia co disposto na Directiva 2000/60/CE, Marco da Auga (DMA).

Neste ámbito, a recuperación de custos abranguerá os custos dos servizos relacionados coa auga, incluídos os ambientais e os do recurso. Entre os custos dos servizos, os de xestión incluirán a amortización das infraestruturas existentes, así como os gastos de explotación, protección e mantemento das mesmas e, no seu caso, os necesarios para a súa substitución por novas infraestruturas antes do esgotamento da súa vida útil, cando sexa preciso para mellorar a eficiencia dos servizos e o uso racional do recurso.

2. As entidades públicas prestadoras dos servizos levarán unha contabilidade dos distintos servizos vinculados que presten de forma separada da do resto de actividades que desenvolvan, con expresa indicación dos custos e dos resultados de cada actividade.

3. Os tributos para sufragar os custos derivados da xestión do ciclo integral da auga serán tamén percibidos por aqueles consorcios autonómicos nos que participe Augas de Galicia, salvo que se establezan taxas propias.





Artigo 19. *Da calidade dos servizos*

1. As administracións públicas responsables dos servizos tomarán as medidas axeitadas para incrementar a calidade dos mesmos a través do establecemento de indicadores e parámetros de control.

2. Considerarase que os servizos vinculados á xestión do ciclo integral da auga non se están prestando cunha calidade suficiente cando conorra algunha das circunstancias seguintes:

a) Cando os resultados analíticos da auga á saída das estacións potabilizadoras ou á entrada dos depósitos de cabeceira incumplan reiteradamente os parámetros establecidos na normativa aplicable.

b) Cando se produzan cortes periódicos reiterados nos subministros de auga potable ou reducións ostensibles da presión nas redes de abastecemento.

c) Cando, debido a unha ineficiente xestión das augas brancas e pluviais nas redes de saneamento, o número de alivios de augas residuais ou o seu volume sexa reiteradamente superior ao permitido pola normativa aplicable.

d) Cando os vertidos de augas residuais depuradas incumplan de forma reiterada os parámetros establecidos na lexislación vixente.

e) Cando non se realicen as tarefas de explotación, conservación e mantemento axeitadas das infraestruturas e instalacións que forman parte da xestión do ciclo integral da auga.

f) No caso de infraestruturas de carácter supramunicipal, cando para a súa xestión as administracións responsables dos servizos non teñan acordado un mecanismo de colaboración que garanta a efectiva prestación coordinada dos servizos.

3. Nos supostos do apartado anterior, cando a prestación dos servizos non estea garantida correctamente e se aprecien graves dificultades ou a imposibilidade das administracións públicas responsables dos servizos para o axeitado exercicio das súas competencias, Augas de Galicia poderá realizar por si mesma as actuacións que considere precisas para garantir a continuidade e calidade do servizo afectado mediante a asunción temporal das instalacións e das funcións de xestión e explotación das infraestruturas vinculadas ao ciclo integral da auga nos termos establecidos legal e regulamentariamente.



CAPÍTULO III

Medidas para a mellora da xestión do ciclo integral da auga no ámbito autonómico

Artigo 20. Xestión do ciclo integral da auga pola Administración hidráulica de Galicia

1. A Administración hidráulica de Galicia, a través da entidade pública empresarial Augas de Galicia, poderá ostentar a cualidade de entidade pública prestadora de servizos. Nestes casos, Augas de Galicia xestionará infraestruturas de abastecemento, saneamento ou depuración que formen parte do ciclo integral da auga e prestará os servizos asociados á súa explotación, colaborando coas administracións públicas responsables dos servizos, coa finalidade de garantir o subministro de auga en calidade e cantidade axeitada e de contribuír á consecución do bo estado ecolóxico das augas.
2. Os servizos e prestacións concretas susceptibles de ser realizadas por Augas de Galicia en calidade de entidade pública prestadora de servizos estableceranse nunha carta de servizos.





Artigo 21. Xestión de infraestruturas de titularidade das entidades locais

1. No suposto de que a administración pública titular das infraestruturas e a responsable dos servizos sexa unha ou varias entidades locais, estas poderán instar voluntariamente, nos termos establecidos no artigo 25, a xestión autonómica das ditas infraestruturas e a prestación dos servizos relacionados co ciclo integral da auga.

Nestes casos, a xestión de infraestruturas e prestacións de servizos será realizada, logo da tramitación do procedemento correspondente, por Augas de Galicia, que actuará como entidade pública prestadora de servizos articulándose o alcance desta xestión, no que se refire ós aspectos técnicos, administrativos e financeiros, a través da subscripción de convenios de colaboración coas administracións públicas implicadas.

2. A xestión de Augas de Galicia como entidade pública prestadora de servizos en ningún caso supón alteración da titularidade ou da competencia das administracións públicas responsables dos servizos.

3. A recuperación da xestión das infraestruturas vinculadas ao ciclo integral da auga e dos servizos asociados por parte das administracións públicas responsables dos servizos levarase a cabo nos termos que se establezan nos convenios de colaboración, previa liquidación de todas as obrigas e compromisos pendentes coa Administración hidráulica de Galicia.

4. No caso de incumprimento das obrigas establecidas nesta lei ou dos compromisos adquiridos nos convenios de colaboración que se formalicen ao efecto por parte das administracións públicas titulares e responsables dos servizos para as que Augas de Galicia actúe como entidade pública prestadora, poderá procederse á reversión da xestión á administración que corresponda, nos termos concretos que se establezan nos respectivos convenios de colaboración.

5. Non obstante o establecido nos apartados anteriores, Augas de Galicia tamén xestionará as infraestruturas de abastecemento, saneamento e depuración e prestará os servizos vinculados en relación cos sistemas e instalacións de titularidade local cando exista un interese público excepcional declarado nos termos establecidos no artigo 23 que xustifique a actuación desta entidade como entidade pública prestadora de servizos.





Artigo 22. Xestión de infraestruturas de titularidade estatal ou autonómica

1. As infraestruturas vinculadas ao ciclo integral da auga de titularidade estatal serán xestionadas polas administracións públicas responsables dos servizos ou, de ser o caso, nos termos expresamente establecidos nos instrumentos de colaboración vixentes formalizados ao efecto.

2. No caso da prestación de servizos en virtude dunha declaración de interese público excepcional, Augas de Galicia, tras as tramitacións que resulten precisas, notificará ás administracións responsables do servizo a data de inicio efectivo da xestión, a partir da cal resultarán de aplicación as condicións aprobadas así como os canons establecidos no Título III en función do servizo asumido por Augas de Galicia.

Non obstante o anterior, cando as administracións públicas responsables dos servizos sexan unha ou varias entidades locais, as ditas infraestruturas poderán ser xestionadas por Augas de Galicia cando así o soliciten as administracións públicas responsables dos servizos, a través do procedemento para a asunción autonómica da súa xestión e da prestación de servizos vinculados, establecido na presente lei, ou cando exista un interese público excepcional declarado nos termos establecidos no artigo 23, que xustifique a actuación desta entidade como entidade pública prestadora de servizos.

3. A xestión de Augas de Galicia como entidade pública prestadora de servizos nos supostos recollidos neste artigo en ningún caso supón alteración da titularidade ou da competencia das administracións públicas responsables dos servizos.



Artigo 23. Interese público excepcional na xestión de infraestruturas

1. O Consello da Xunta de Galicia, a proposta motivada de Augas de Galicia, poderá considerar que existe un interese público excepcional na xestión das infraestruturas de carácter supramunicipal naqueles supostos nos que os servizos vinculados á xestión do ciclo integral da auga non se estean prestando polas administracións públicas responsables dos servizos de xeito efectivo ou cunha calidade suficiente nos termos establecidos no artigo 19.2.f) e 19.3.
2. No caso da prestación de servizos en virtude dunha declaración de interese público excepcional, Augas de Galicia, tras as tramitacións que resulten precisas, notificará ás administracións responsables do servizo a data de inicio efectivo da xestión, a partir da cal resultarán de aplicación as condicións aprobadas e o sistema de financiamento previsto nesta lei para os casos nos que Augas de Galicia actúe como entidade prestadora de servizos.
3. Augas de Galicia poderá propoñer ao Consello da Xunta de Galicia a perda dos efectos da declaración de interese público excepcional cando se produza unha modificación nas circunstancias que motivaron a súa declaración ou cando así se acorde coas administracións públicas responsables dos servizos.



Artigo 24. Informe previo á xestión de infraestruturas por Augas de Galicia

1. Coa finalidade de determinar a viabilidade e definir o alcance da xestión de Augas de Galicia como entidade pública prestadora de servizos, Augas de Galicia emitirá un informe de carácter técnico, administrativo e económico da situación das infraestruturas que se pretendan xestionar. Este informe incluírá unha proposta das condicións baixo as que resultará posible a asunción da xestión e a prestación de servizos por parte de Augas de Galicia como entidade pública prestadora de servizos.


No caso de infraestruturas cuxa xestión sexa declarada de interese excepcional polo Consello da Xunta de Galicia o informe emitirase previamente á declaración polo Consello da Xunta de Galicia do interese excepcional regulada no artigo 23 e as condicións de asunción que se establezan nel incorporaranse á proposta motivada que formule Augas de Galicia.

No resto de supostos o informe emitirase unha vez solicitada a asunción da xestión de infraestruturas e prestación de servizos relacionados co ciclo integral da auga realizada polas administracións públicas interesadas, nos termos establecidos na presente lei.

2. No informe referido no apartado anterior analizaranse, como mínimo, os seguintes aspectos:

- a) A situación técnica e o estado de conservación e mantemento das infraestruturas susceptibles de ser xestionadas.
- b) A situación administrativa, legal e económica dos servizos que corresponda prestar a través desas infraestruturas.
- c) A estimación dos custos asociados á xestión desas infraestruturas e a prestación dos servizos vinculados.
- d) Unha estimación dos investimentos que sería necesario executar, en relación ás infraestruturas susceptibles de ser xestionadas, co fin de poder prestar os servizos vinculados cumprindo os parámetros establecidos pola normativa vixente.

3. No suposto de que o obxecto da asunción sexan infraestruturas de depuración, o informe conterá, ademais, os seguintes aspectos:



a) Volume de depuración mensual ordinario da infraestrutura de depuración, para cuxa determinación atenderase aos datos de poboación e da actividade empresarial e industrial beneficiaria do servizo, así como os datos de deseño e capacidade das instalacións, de acordo coas instrucións técnicas de obras hidráulicas aprobadas por Augas de Galicia.

O volume así determinado representará o volume de depuración que, en condicións normais, poderá ser tratado na correspondente infraestrutura de depuración obxecto de asunción.


b) A determinación do punto ou puntos de control nos que, en cada caso, medirase o volume mensual de auga entrante na depuradora. Cando as instalacións reciban de forma independente augas residuais que procedan de máis dun municipio ou de calquera outra entidade, o volume anterior especificarase de xeito individualizado para cada un deles.

c) A fixación da periodicidade na toma de mostras e a determinación da súa natureza, puntual ou continuada, aos efectos de cuantificar a cota do canon de xestión de depuradoras vinculada á carga contaminante, así como a operativa para a realización das mostraxes que, en todo caso, deberá garantir o principio de contradición facilitando a participación das administracións públicas implicadas no proceso se así o consideran conveniente.

d) A relación, de selo caso, doutras administracións públicas responsables dos servizos que, sen ser titulares da infraestrutura examinada, se atopen conectadas á mesma e resulte beneficiada da xestión ou da prestación dos servizos que efectúen outras administracións públicas.

4. No caso de que o volume de depuración mensual ordinario ao que fai referencia o apartado anterior non sexa único e se estableza un volume aplicable a distintos períodos dentro do ano natural, estes períodos de tempo deben facerse en referencia aos meses naturais do ano. Así mesmo, cando as instalacións reciban de forma independente augas residuais que procedan de máis dun municipio ou de calquera outra entidade, para cada un dos volumes de depuración mensuais ordinarios especificados de xeito individualizado, establecerase un punto de control.

5. No caso de que o obxecto da asunción comprenda infraestruturas de saneamento, o informe previo conterá:





a) Volume de saneamento mensual ordinario para cuxa determinación atenderase aos datos de poboación e da actividade empresarial e industrial beneficiaria do servizo de depuración, así como os datos de deseño e capacidade das instalacións en función da existencia, entre outros, de bombeos, estruturas de regulación ou elementos de control da caudal.

O volume así determinado representará o volume de saneamento que, en condicións normais, poderá ser recibido polas infraestruturas de saneamento obxecto de asunción.


b) Determinación do punto ou puntos de control nos que, en cada caso, se medirá o volume mensual de auga conducido ou bombeado polos colectores. Cando as instalacións reciban de forma independente augas residuais procedentes de máis dun municipio ou calquera outra entidade, o volume anterior especificarase de xeito individualizado para cada un deles.

c) O coeficiente de explotación de saneamento, que se determinará tendo en conta as infraestruturas xestionadas e o seu custo de explotación, conservación e mantemento en relación ao total do sistema de saneamento. O coeficiente así determinado tomará un valor entre 0 e 1.

6. No caso de que o volume de saneamento mensual ordinario ao que fai referencia o apartado anterior non sexa único e se estableza un volume aplicable a distintos períodos dentro do ano natural, estes períodos de tempo deben facerse en referencia aos meses naturais do ano. Así mesmo, cando as instalacións reciban de forma independente augas residuais que procedan de máis dun municipio ou de calquera outra entidade, para cada un dos volumes de depuración mensuais ordinarios especificados de xeito individualizado, establecerase un punto de control.

7. O custo dos estudos que sexa necesario realizar para a elaboración do informe previo ao que se refire este artigo será asumido por Augas de Galicia, salvo nos casos nos que a asunción da xestión das infraestruturas e servizos solicitados non poida concretarse por causas imputables ás administracións solicitantes.

8. Os volumes mensuais ordinarios aos que se fai referencia nos números anteriores serán aprobados por orde da persoa titular da Consellería á que se atope adscrita a entidade Augas de Galicia, de acordo co establecido no artigo 25.



N




Os volumes así determinados poderán ser revisados, de oficio ou a instancia das administracións solicitantes da asunción ou, de selo caso, das entidades beneficiarias das infraestruturas, por razón de calquera variación nos factores indicados nos números 3 e 5 deste artigo e, singularmente, por razón da incorporación de novos núcleos de poboación ou polígonos industriais ao servizo de sumidoiros, que impliquen unha variación substancial do volume mensual ordinario vixente. A tal efecto, enténdese que existe esa variación substancial cando o volume no punto de control correspondente supoña unha modificación superior ao 5%.

9. A incorporación de novas redes de sumidoiros ao sistema de depuración ou saneamento deberá ser comunicado a Augas de Galicia con carácter previo á súa incorporación para a súa valoración. A falta de comunicación previa ou a incorporación de novas redes que, a criterio de Augas de Galicia, supoñan unha alteración das condicións contidas no informe previo definido neste artigo que afecten á correcta xestión da infraestrutura, poderá dar lugar á reversión da infraestrutura e dos servizos vinculados de conformidade co disposto neste lei.

10. O informe que serva de base para o establecemento das condicións que rexerán a xestión autonómica da infraestrutura e a prestación de servizos vinculados poderá ser revisado en calquera momento de oficio ou a instancia das administracións solicitantes da asunción ou, de selo caso, das entidades beneficiarias das infraestruturas e, como mínimo, unha vez cada seis anos, co fin de avaliar a procedencia da súa modificación, tanto no relativo aos volumes de depuración e de saneamento mensuais ordinarios como á estimación de investimentos necesarios para cumprir os parámetros establecidos pola normativa vixente e as demais condicións establecidas.

11. No caso de que resulte necesario modificar as condicións da prestación de servizos que realice Augas de Galicia, estas deberán ser autorizadas polo Consello da Xunta de Galicia, no suposto da declaración de interese público excepcional referida no artigo 23 ou incorporadas aos convenios previstos no artigo 21, mediante a súa modificación.





Artigo 25. Procedemento para a asunción por Augas de Galicia da xestión de infraestruturas e prestación de servizos vinculados ao ciclo integral da auga

1. A asunción por Augas de Galicia da xestión de infraestruturas e prestación servizos vinculados ao ciclo integral da auga ten carácter voluntario e o procedemento para a dita asunción iníciase a instancia dalgunha das seguintes administracións principais, mediante solicitude dirixida á entidade pública empresarial Augas de Galicia.

a) No caso de infraestruturas de titularidade das entidades locais, os concellos titulares das ditas infraestruturas e responsables da prestación de servizos asociados ao ciclo integral da auga.

No suposto de que se trate de infraestruturas de carácter supramunicipal en réxime de cotitularidade, a solicitude deberá ser presentada conxuntamente por todas as administracións públicas titulares da infraestrutura cuxa asunción se pretenda.

A non presentación pola totalidade das administracións públicas cotitulares das solicitudes de asunción autonómica de xestión de infraestruturas e prestacións de servizos será causa de inadmisión, sen prexuízo de que poida instarse novamente o procedemento nun momento posterior, de acadarse a necesaria conformidade.

b) No caso de infraestruturas de titularidade autonómica, os concellos responsables dos servizos sempre que non exista un interese excepcional na súa xestión autonómica declarado nos termos establecidos na presente lei.

c) Para o caso de infraestruturas de titularidade estatal, os concellos responsables dos servizos e, de ser varias, todas elas de xeito conxunto, de conformidade coa administración titular da infraestrutura.

En tódolos supostos, as entidades beneficiarias que, de selo caso, se atopen conectadas ás infraestruturas cuxa asunción se pretende, poderán presentar, de xeito conxunto cos solicitantes principais, solicitude de asunción autonómica da xestión da infraestrutura e de prestación dos servizos vinculados ou ben, adherirse ao procedemento con posterioridade previa solicitude da entidade beneficiaria neste sentido. En calquera dos casos, deberá constar a conformidade previa das administracións públicas solicitantes coa adhesión das entidades beneficiarias.



2. Recibidas as solicitudes, Augas de Galicia emitirá o informe previo ao que fai referencia o artigo 24 e, de considerar viable a asunción, formulará unha proposta de condicións baixo as que resultará posible a asunción da xestión e a prestación dos servizos obxecto da solicitude.

O condicionado proposto incluírá, entre outros aspectos, a determinación das concretas infraestruturas e servizos que configurarán o ámbito obxectivo da asunción da xestión por Augas de Galicia, o volume mensual ordinario e, nos casos que corresponda, o coeficiente de explotación de saneamento, así como os puntos de control de volume e, no seu caso, o procedemento e a periodicidade da toma de mostraxes.

Na proposta incluírase, de ser o caso, as condicións específicas que poidan resultar aplicables a outras entidades beneficiarias.


Naqueles supostos nos que do informe previo se conclúa a imposibilidade de asumir a xestión da infraestrutura e a prestación dos servizos vinculados ditarase por Augas de Galicia resolución desestimatoria da solicitude que exporá os motivos da inviabilidade da asunción.

3. No suposto de que do informe previo se conclúa a viabilidade da asunción da xestión da infraestrutura e da prestación dos servizos asociados, o condicionado formulado segundo o disposto no apartado anterior, incluírase na proposta de convenio de colaboración que será trasladada ás administracións solicitantes e, de ser o caso, ás entidades beneficiarias no suposto de que Augas de Galicia teña constancia da súa vontade de adhesión, para que, no prazo dun mes, mostren a súa conformidade, rexeitamento ou presenten as alegacións que estimen convenientes.

De xeito simultáneo, e aos mesmos efectos establecidos no parágrafo anterior, darase traslado, se procede de acordo co ámbito obxectivo da solicitude efectuada, da proposta de orde de aprobación á que se refire o apartado 5 do presente artigo en relación coa determinación do volume mensual ordinario e/ou coeficiente de explotación de saneamento de cara á determinación do canon de xestión de depuradoras e/ou de xestión de redes de colectores segundo o caso.

O rexeitamento da entidade beneficiaria non suporá a desestimación das solicitudes formuladas polos solicitantes principais.

4. No suposto de que a proposta sexa rexeitada ditarase por Augas de Galicia resolución de desestimación da solicitude con arquivo do expediente. A



solicitude será desestimada naqueles casos de cotitularidade de infraestruturas cando algún dos cotitulares rexeite a proposta de convenio.

Para o caso de que se formulen alegacións e á vista do seu resultado, emitirase por Augas de Galicia unha nova proposta de convenio de colaboración, da que se dará traslado ás administracións públicas solicitantes durante o prazo dun mes e, de selo caso, ás entidades beneficiarias, para a súa aprobación ou rexeitamento. As ditas decisións deberán ser acordadas por cada solicitante en sesión plenaria.


5. De acordarse a súa aceptación, e previa ou simultaneamente á formalización do convenio de colaboración que regule as relacións entre as partes, de resultar procedente de acordo co ámbito obxectivo da solicitude efectuada, aprobarase o volume mensual ordinario imputable a cada unha das administracións públicas que formalicen o convenio e, no caso de tratarse da asunción dunha rede de colectores, o coeficiente de explotación de saneamento aplicable en cada administración pública afectada, a efectos da determinación do canon de xestión de depuradoras ou de xestión de redes de colectores, segundo sexa o caso, na modalidade de usos urbanos, mediante orde da persoa titular da Consellería á que se atope adscrita Augas de Galicia.

6. O convenio de colaboración formalizarase entre Augas de Galicia como entidade prestadora dos servizos e a administración ou administracións públicas solicitantes e, no seu caso, coas entidades beneficiarias segundo o establecido neste artigo.

Unha vez formalizado o convenio de colaboración, e logo da tramitación dos procedementos oportunos, Augas de Galicia, como entidade pública prestadora dos servizos, notificará ás administracións públicas que sexan parte no convenio a data de inicio efectivo das prestacións asumidas a través dese instrumento de colaboración.

De igual xeito, comunicará, de selo caso, ás entidades beneficiarias que decidisen non adherirse ao convenio a data da súa sinatura e, cando proceda, a data de inicio efectivo das prestacións asumidas aos efectos sinalados no apartado seguinte.


8. As administracións públicas solicitantes da asunción da xestión de infraestruturas e prestación dos servizos públicos vinculados, unha vez se inicien de xeito efectivo as prestacións por Augas de Galicia, poderán





trasladar, se así o estiman, o custo do canon de xestión de depuradoras ou do canon de xestión de redes de colectores na modalidade de usos urbanos ás entidades beneficiarias non adheridas ao convenio de colaboración de acordo co disposto neste artigo.

O anterior enténdese sen prexuízo da obriga das administracións públicas responsables do servizo e entidades beneficiarias de repercutir os canons citados aos abonados ao servizo de rede de sumidoiros, indistintamente de que sexan ou non parte asinante do convenio de colaboración.





Artigo 26. Investimentos sobre as infraestruturas que forman parte da actuación de Augas de Galicia como entidade prestadora de servizos

1. No caso das infraestruturas de titularidade das entidades locais, cando no informe previo referido no artigo 24 se conclúa a necesidade de realizar investimentos nas infraestruturas existentes que permitan unha prestación adecuada dos servizos vinculados máis aló dos correspondentes ao mantemento e conservación das mesmas, Augas de Galicia formulará unha proposta de convenio de colaboración coas administracións públicas solicitantes da asunción, fundamentada en criterios económicos e técnicos, na que se establecerán as condicións para a súa instrumentación e financiamento. Naqueles casos nos que Augas de Galicia aínda non estivera actuando como entidade prestadora de servizos, a sinatura destes convenios terá carácter previo ou simultáneo ao referido no artigo 21.

2. Para a determinación da participación no financiamento dos investimentos nas infraestruturas existentes previstas no primeiro apartado, en cada caso terase en conta as dispoñibilidades orzamentarias de Augas de Galicia, dos concellos e das deputacións provinciais correspondentes e, en xeral, de calquera outra administración ou entidade integrante do sector público que poida achegar financiamento.

Con carácter xeral, no caso dos concellos de menos de 20.000 habitantes, salvo que concorran causas debidamente xustificadas, as entidades competentes participarán no financiamento destas actuacións do seguinte xeito:

- Un terzo do custo das actuacións de dotación ou mellora de infraestruturas previstas será financiado pola Administración hidráulica de Galicia.
- Un terzo do custo das actuacións de dotación ou mellora de infraestruturas previstas será financiado polos concellos titulares das infraestruturas.
- O terzo restante será financiado polos propios concellos, a deputación provincial correspondente, outra administración ou entidade integrante do sector público ou mediante calquera outra fonte de financiamento.

3. Será en todo caso imprescindible que a administración titular da infraestrutura acredite a dispoñibilidade dos terreos necesarios para a execución das obras, así como a obtención das servidumes e ocupacións temporais que foran pertinentes e acorde a súa efectiva posta a disposición de Augas de Galicia.




De ser necesario acudir ao procedemento expropiatorio para a obtención dos terreos, a administración local poderá solicitar a colaboración técnica de Augas de Galicia.

4. Os investimentos sobre as infraestruturas de titularidade de Augas de Galicia serán asumidos por esta, sen prexuízo dos acordos de colaboración e financiamento que poidan subscribirse con outras administracións.

5. Unha vez rematada a execución dos investimentos acordados, a xestión das novas infraestruturas incorporarase ao ámbito da actuación de Augas de Galicia como entidade prestadora de servizos.

De supoñer estes investimentos unha modificación das condicións de xestión e de prestación dos servizos vinculados, procederase segundo o disposto nesta lei para as modificacións das condicións da asunción da xestión de infraestruturas e a prestación de servizos por parte da entidade pública prestadora.



Artigo 27. Da protección das instalacións e infraestruturas asociadas á xestión do ciclo integral da auga

1. Co fin de garantir o axeitado funcionamento e a protección das instalacións asociadas á xestión do ciclo integral da auga, as administracións públicas titulares poderán establecer unha zona de servidume destas infraestruturas, dentro da cal as actividades e os usos do solo estarán sometidos ás limitacións seguintes:

a) A necesidade de obter autorización previa e expresa da administración titular da infraestrutura para edificar, instalar construcións permanentes, efectuar movementos de terra, obras na superficie e no subsolo ou calquera outras actividades ou operacións que poidan poñer en risco a seguridade das instalacións ou a garantía da continuidade do servizo.

Naqueles casos en que exista lexislación sectorial concorrente que exima de autorización previa para a realización destas actuacións, será necesario a emisión dun informe preceptivo da Administración titular da infraestrutura que estableza os condicionantes que sexan necesarios para garantir a seguridade da infraestrutura hidráulica e a continuidade do servizo.

b) O acceso libre e permanente do persoal propio ou designado pola administración hidráulica de Galicia para levar a cabo as tarefas de vixilancia, mantemento, reparación, amollonamento e renovación das instalacións, e tamén o depósito de materiais.

2. No caso das infraestruturas de titularidade da Administración hidráulica de Galicia, as zonas de servidume serán establecidas polo Consello da Xunta de Galicia a proposta de Augas de Galicia.

3. A Administración hidráulica de Galicia poderá acordar ou promover a expropiación forzosa dos dereitos e as facultades sobre bens de titularidade privada que resulten afectados pola definición das zonas de servidume establecidas segundo os apartados anteriores, en relación coas instalacións actualmente existentes ou de nova construción, sen prexuízo das indemnizacións que correspondan conforme á lexislación aplicable. Con esta finalidade, a declaración de utilidade pública e a necesidade de ocupación enténdense implícitas na aprobación definitiva dos plans ou proxectos correspondentes, segundo establece a vixente normativa en materia de expropiación forzosa.



TÍTULO III


Sistema de financiamento da xestión do ciclo integral da auga por Augas de Galicia nos supostos de adhesión voluntaria das entidades locais

CAPÍTULO I

Sistema de financiamento da xestión do ciclo integral da auga

Artigo 28. Financiamento da xestión do ciclo integral da auga

1. Coa finalidade de dar cumprimento aos principios de eficiencia e eficacia na xestión do ciclo integral da auga, así como garantir a viabilidade dos servizos mediante a recuperación dos custos, na presente lei establécese un sistema de financiamento para aqueles supostos de adhesión voluntaria das entidades locais. Este mesmo sistema de financiamento será tamén aplicable en todos os demais casos nos que Augas de Galicia actúe como entidade prestadora de servizos.
2. Este sistema de financiamento está formado polos canons regulados no presente título, que terán a natureza de taxa, segundo o disposto na Lei 6/2003, do 9 de decembro, de taxas, prezos públicos e exaccións reguladoras da comunidade autónoma de Galicia.
3. A normativa de aplicación aos canons de nova creación vén constituída pola presente lei e as súas normas de desenvolvemento, pola Lei 6/2003, pola lei xeral tributaria e as súas normas de desenvolvemento, así como polo texto refundido da Lei de réxime financeiro e orzamentario de Galicia.





Artigo 29. Relación con outros ingresos de dereito público vinculados coa Administración hidráulica de Galicia

1. O canon de xestión de depuradoras é incompatible cos tributos municipais destinados a sufragar a prestación do servizo de depuración de augas residuais, e é compatible con aqueles destinados a sufragar o servizo da rede de sumidoiros.
2. O canon de xestión de colectores é incompatible cos tributos municipais destinados a sufragar a prestación do servizo de saneamento en relación á parte deste servizo que asuma Augas de Galicia. A tal efecto, a asunción do servizo de saneamento por parte de Augas de Galicia implicará a revisión da taxa do servizo de sumidoiros por parte do concello co obxecto da súa adecuación ao servizo que efectivamente continúe a manter.
3. Nos termos previstos na vixente normativa estatal e autonómica en materia de réxime local, Augas de Galicia instará dos órganos competentes da Xunta de Galicia en materia de Administración local o requirimento de anulación ou, de ser o caso, a impugnación perante a xurisdición contencioso-administrativa daqueles actos e acordos dos entes locais que incumpran o disposto nas alíneas anteriores.




CAPÍTULO II

Canon de xestión de depuradoras

Sección 1.ª Disposicións xerais

Artigo 30. Canon de xestión de depuradoras


1. Mediante a presente lei establécese a regulación do canon de xestión de depuradoras como tributo propio da Comunidade Autónoma de Galicia con natureza de taxa.
2. O canon de xestión de depuradoras aplicarase no ámbito territorial da Comunidade Autónoma de Galicia, naqueles supostos nos que Augas de Galicia actúe como entidade pública prestadora de servizos.
3. O canon de xestión de depuradoras será de aplicación desde o día en que se inicie de xeito efectivo a prestación do servizo de depuración por parte de Augas de Galicia. A data de inicio será comunicada previamente aos concellos aos que se lle preste o servizo, aos efectos da aplicación do canon de xestión de depuradoras aos seus abonados.
4. A Lei de orzamentos xerais da Comunidade Autónoma de Galicia poderá actualizar os tipos de gravame do canon de xestión de depuradoras, así como realizar calquera outra modificación na regulación legal do tributo.





Artigo 31. Afectación do produto do canon de xestión de depuradoras

O produto do canon de xestión de depuradoras será destinado á financiación dos gastos de explotación, conservación, mantemento e mellora das estacións depuradoras de augas residuais que xestione Augas de Galicia.



CSV: BOPGDSPG-45WqWT1CL-3
Verificación:
<https://sede.parlamentodegalicia.gal/tramites/csv/>






Sección 2.ª Elementos do tributo

Artigo 32. Feito imponible

1. Constitúe o feito imponible do canon de xestión de depuradoras a prestación do servizo de depuración das augas residuais efectuado por Augas de Galicia, por si ou mediante calquera das formas previstas na normativa vixente para a xestión do servizo público.
2. O canon de xestión de depuradoras esixirase segundo as modalidades seguintes:
 - a) Usos domésticos e asimilados
 - b) Usos non domésticos
 - c) Usos urbanos
 - d) Uso de baleirado de fosas sépticas
3. O canon de xestión de depuradoras esixirase indistintamente da procedencia da auga, tanto se é facilitada por entidades subministradoras, como se procede de captacións propias, superficiais ou subterráneas, incluídos os consumos ou usos de augas pluviais e mariñas que efectúen directamente as persoas usuarias, así como a auga incluída nas materias primas e as augas brancas.



Artigo 33. *Suxeito pasivo e outros obrigados tributarios*

1. Son suxeitos pasivos a título de contribuíntes as persoas físicas, xurídicas ou as entidades do artigo 35.4.º da Lei 58/2003, do 17 de decembro, xeral tributaria, ás que Augas de Galicia preste o servizo de depuración.

2. Terán a consideración de persoas contribuíntes as persoas seguintes ás que se lle preste o servizo de depuración, salvo proba en contrario:

a) No suposto de abastecemento de auga por entidade subministradora, a persoa titular do contrato de subministración.

b) No suposto de captacións propias, a persoa usuaria ou a persoa titular do aproveitamento desde o que se realiza a captación e, no seu defecto, a persoa titular da instalación desde a que se realice a captación, así como tamén as persoas titulares das instalacións desde as que se realicen os vertidos. Non obstante, e mentres Augas de Galicia non dite a resolución á que fai referencia o artigo 65 desta lei, será persoa contribuínte a persoa titular do contrato de sumidoiros.

Se a persoa titular do aproveitamento é unha comunidade de usuarios, a persoa contribuínte será a persoa comuneira.

c) No suposto de baleirado de fosas sépticas, a persoa titular da fosa séptica.


d) No suposto dos usos urbanos, as entidades locais ás que se lles preste o servizo de depuración.

3. No caso de abastecemento de auga por entidades subministradoras, estas terán a consideración de suxeitos pasivos a título de substituto da persoa contribuínte. Así mesmo, nos supostos de persoas contribuíntes que non se abastezan de entidade subministradora, as entidades prestadoras do servizo de sumidoiros terán a condición de suxeitos pasivos substitutos de contribuínte.


4. Son persoas responsables solidarias:

a) No caso de vivendas, a persoa titular do contrato de subministración, no caso de non ser contribuínte, e a propietaria da vivenda.

b) No caso de captacións propias, de non ser contribuíntes, as persoas titulares dos aproveitamentos e as titulares das instalacións mediante as



cales ou desde as cales se produzan as captacións ou se realicen as verteduras contaminantes.



CSV: BOPGDSPG-45WqWT1CL-3
Verificación:
<https://sede.parlamentodegalicia.gal/tramites/csv/>





Artigo 34. *Supostos de non suxeición e exencións*

1. Non están suxeitos ao canon de xestión de depuradoras:

O uso para abastecemento realizado a través de redes básicas e, en xeral, o abastecemento en alta doutros servizos públicos de distribución de auga potable, cando a súa posterior distribución en baixa estea gravado co canon de xestión de depuradoras.

2. Atópanse exentos do pagamento do canon de xestión de depuradoras:

a) Os usos da auga por parte de entidades públicas para a alimentación de fontes, bocas de rega de parques e xardíns e limpeza de rúas.

b) Os usos feitos polos servizos públicos de extinción de incendios ou os que coas mesmas características sexan efectuados ou ordenados polas autoridades públicas en situacións de necesidade extrema ou catástrofe.

d) Os usos destinados a unha unidade de convivencia independente que acrediten, nas condicións que regulamentariamente se establezan, estar en situación de exclusión social, de acordo coa lexislación en materia de servizos sociais e inclusión social de Galicia. A exención terá efectos a partir do primeiro día natural do terceiro mes seguinte ao da súa acreditación, o ben no seguinte período de liquidación, no caso de captacións propias.





Artigo 35. Base imponible e métodos de determinación da base imponible

1. Constitúe a base imponible o volume real ou potencial de auga utilizado ou consumido en cada mes natural, expresado en metros cúbicos.

No caso de usos non domésticos que dispoñan de contadores ou caudalímetros homologados de volume de vertido e tributen na modalidade de carga contaminante, así como no uso de baleirado de fosas sépticas, poderá considerarse como base imponible o volume vertido nas condicións que se determinen regulamentariamente.

No caso dos usos urbanos, a base imponible virá constituída polo volume mensual de auga entrante na depuradora.

2. A determinación da base imponible realizarase, con carácter xeral, en réxime de estimación directa, mediante contadores ou caudalímetros homologados. Para estes efectos, as persoas contribuíntes están obrigadas a instalar e manter pola súa conta un mecanismo de medición directa da auga efectivamente usada ou consumida.

3. No caso de persoas contribuíntes que non dispoñan de contadores ou caudalímetros a base imponible determinarase por estimación obxectiva.

4. Supletoriamente, o método de estimación indirecta aplicarase de conformidade co disposto na Lei 58/2003, do 17 de decembro, xeral tributaria.






Artigo 36. Determinación da base impositiva mediante o réxime de estimación directa

1. No caso de abastecementos por entidade subministradora, a base impositiva virá constituída polo volume de auga utilizado ou consumido subministrado por dita entidade, medido, no seu caso, polo contador homologado instalado.
2. No caso de concesións de uso ou captacións propias, a base impositiva virá constituída polo volume medido polo contador homologado instalado, que será declarado polo contribuínte na forma e prazos que regulamentariamente se determinen.
3. No caso dos usos urbanos, a base impositiva virá constituída polo volume mensual de auga entrante na depuradora medido polos contadores ou caudalímetros situados nos puntos de control establecidos.
4. No caso de uso de baleirado de fosas sépticas en depuradoras xestionadas por Augas de Galicia, a base impositiva será o volume vertido na depuradora.



Artigo 37. Determinación da base imponible mediante o réxime de estimación obxectiva

O cálculo da base imponible do canon de xestión de depuradoras mediante o réxime de estimación obxectiva fixarase regulamentariamente en atención ás características e circunstancias do aproveitamento, tendo en conta a capacidade de extracción, adución ou almacenamento de auga dos mecanismos instalados polo suxeito pasivo, así como da información que conste no rexistro administrativo do aproveitamento ou vertido. No caso dos usos domésticos, a base imponible mediante o método de estimación obxectiva poderá determinarse a partir dos volumes de dotación básica da auga para vivendas que se establezan nos instrumentos de planificación hidrolóxica.



Artigo 38. Base liquidable da parte variable da cota asociada ao volume de auga nos usos urbanos

1. A base liquidable da parte variable da cota tributaria asociada ao volume de auga nos usos urbanos resultará de minorar a base impoñible no volume de depuración mensual ordinario establecido para a depuradora. A base liquidable así calculada non poderá ser negativa, en cuxo caso tomará o valor de 0 m³.

2. Non obstante o anterior, no caso de que á depuradora cheguen augas residuais de máis dunha entidade local e a base liquidable determinada de acordo co indicado no número anterior sexa maior de 0 m³, a base liquidable correspondente a cada entidade local determinarase pola suma das bases liquidables en cada un dos puntos de control desa entidade, de acordo coa seguinte fórmula:

$$BLPC = VEPC \times BLE / \Sigma VEPC$$


Onde:

BLPC é a base liquidable no punto de control

VEPC é a diferenza entre o volume contabilizado e o volume de depuración ordinario no punto de control.

BLE é a base liquidable da depuradora

$\Sigma VEPC$ é a suma das diferenzas entre o volume contabilizado e o volume de depuración ordinario en cada un dos puntos de control onde dita diferenza sexa superior a 0 m³.






Artigo 39. Base liquidable da parte variable da cota asociada á carga contaminante nos usos urbanos

1. No suposto de que algún dos parámetros da auga de entrada na depuradora sexa superior á concentración base establecida no artigo 46, a base liquidable da parte variable da cota tributaria asociada á carga contaminante será coincidente coa base impoñible.

2. No caso de que á depuradora cheguen augas residuais de máis dunha entidade local e algún dos parámetros na auga de entrada á depuradora sexa superior á concentración base establecida no artigo 46, a base liquidable correspondente a cada entidade local virá determinada pola suma dos volumes contabilizados en cada un dos puntos de control asociados a dita entidade nos que a concentración contaminante para o citado parámetro tamén supere a concentración base.

Non obstante, de superarse a concentración base na auga de entrada á depuradora en máis dun parámetro, calcularase a base liquidable pola suma dos volumes contabilizados nos diferentes puntos de control nos que o coeficiente de contaminación tome o mesmo valor. A estes efectos, a parte variable da cota para cada valor do coeficiente de contaminación determinarase de xeito diferenciado, sendo a parte variable do canon a suma das partes variables así calculadas.





Artigo 40. *Devengo*

1. O devengo producirase no momento no que se inicie a prestación do servizo de depuración das augas residuais por Augas de Galicia.

Para estes efectos, entenderase que o servizo comeza a prestarse:

a) Nos supostos onde a base impoñible veña constituída polo volume real ou potencial de auga utilizada ou consumida, cando se realice a utilización ou consumo real ou potencial da auga.

b) Naqueles supostos onde a base impoñible veña constituída polo volume vertido, no momento no que teña lugar o vertido.

c) No caso dos usos urbanos, no momento no que o volume da auga aflúa ás instalacións de depuración.

d) No caso do uso de baleirado de fosas sépticas, cando se realice o baleirado nas instalacións de depuración.

2. Nos usos domésticos e asimilados, o tipo de gravame aplicarase sobre os consumos mensuais.



[Handwritten signature]




Subsección 1.ª Cuantificación do canon de xestión de depuradoras na modalidade de usos domésticos e asimilados

Artigo 41. Cota do canon de xestión de depuradoras

1. A cota do canon de xestión de depuradoras na modalidade de usos domésticos e asimilados resultará da adición dunha parte fixa e unha parte variable. Da cantidade resultante poderán practicarse as deducións previstas no artigo 43.
2. A parte variable da cota será o resultado de aplicar sobre a base impositiva os tipos de gravame previstos no artigo seguinte.
3. No caso de que os contadores, os aproveitamentos ou as medidas do caudal sexan colectivos, aplicarase a parte fixa da cota multiplicada polo número de vivendas, oficinas ou locais conectados. Cando este extremo non sexa coñecido, o número de abonados determinarase en función do diámetro do contador de acordo coa seguinte táboa:

Diámetro del contador (mm)	N.º de abonados asignados
< 15	1
15	3
20	6
25	10
30	16
40	25
50	50
65	85
80	100
100	200
125	300
> 125	400

Para valores intermedios de diámetros nominais tomarase o valor inferior ao correspondente.



Artigo 42. Tipo de gravame

1. O tipo de gravame para usos domésticos e asimilados determinarase en función do número de persoas que habitan as vivendas e en función do volume de auga consumido. A estes efectos, establécense os seguintes tramos de volume:

Tramos	Volume mensual (m ³)
Primeiro	$\leq 2 \cdot n$
Segundo	$> 2 \cdot n$ y $\leq 4 \cdot n$
Terceiro	$> 4 \cdot n$ y $\leq 8 \cdot n$
Cuarto	$> 8 \cdot n$

onde «n» é o número de persoas na vivenda.

2. Establécese unha cota fixa de 1,54 euros por contribuínte e mes para usos domésticos e unha cota fixa de 3,08 euros para usos asimilados a domésticos.

3. A parte variable resulta de aplicar aos consumos mensuais os seguintes tipos de gravame:

a) Consumo realizado dentro do primeiro tramo: 0,15 €/m³.

b) Consumo realizado dentro do segundo tramo: 0,29 €/m³.

c) Consumo realizado dentro do terceiro tramo: 0,37 €/m³.

e) Consumo realizado dentro do cuarto tramo: 0,42 €/m³.

4. Tomarase como referencia xenérica aos efectos da aplicación do tipo de gravame unha vivenda habitada por tres persoas. Regulamentariamente determinarase os requisitos para acreditar perante Augas de Galicia, a instancia do suxeito pasivo, un número diferente de habitantes por vivenda, así como os prazos para levalo a cabo e o período de vixencia. As modificacións resultantes terán efectos a partir do primeiro día natural do terceiro mes seguinte á súa acreditación, ou ben no seguinte período de liquidación no caso de captacións propias.

Non obstante, naqueles supostos onde o concello teña establecido un sistema tarifario para a exacción das súas taxas que teña en conta o número de persoas empadroadas e dita acreditación sexa realizada de oficio con base nos datos obrantes no padrón municipal, na facturación do canon de xestión





de depuradoras terase en conta o número de persoas acreditado polo concello, de acordo cos requisitos que se establezan na correspondente ordenanza municipal.

5. Nos supostos de usos asimilados a domésticos, o tipo de gravame será o correspondente ao establecido para unha vivenda de tres persoas, aplicándoselle ao consumo realizado dentro do primeiro tramo o tipo correspondente ao segundo tramo.

6. Nos supostos de que os contadores, os aproveitamentos ou os aforos fosen colectivos, o valor de «n» establecido na alínea 1 deste artigo será o resultado de multiplicar por 3 o valor obtido da aplicación da alínea 3 do artigo anterior. Nestes supostos non será aplicable o establecido na alínea 4 deste artigo.

7. Se no período de facturación se constatar a existencia dunha fuga de auga na rede interna de subministro do contribuínte e o volume facturado tivera a consideración de desproporcionado con motivo da dita fuga, os tipos de gravame do terceiro e cuarto tramo de consumo indicado nas letras c) e d) do apartado 3 serán os establecidos para o tramo 2 indicado na letra b) do dito apartado.


A estes efectos terá a consideración de volume desproporcionado aquel que reúna os seguintes requisitos:

- Que o volume facturado sexa superior ao quíntuplo do volume promedio dos períodos de facturación inmediatos anteriores que representen o ciclo dun ano de facturación.
- Que a persoa contribuínte tomase as medidas necesarias para reparar a fuga no prazo dunha semana desde que tivo coñecemento da existencia da fuga. Cando esta data non se coñeza, entenderase que a persoa contribuínte tivo coñecemento da existencia da fuga no momento en que se lle notifique a factura da auga correspondente ao período no que se produciu a fuga.



Artigo 43. *Deducións da cota*

Aplicarase unha dedución do 50% sobre a cota íntegra do canon de xestión de depuradoras cando corresponda aos usos destinados á vivenda habitual das familias numerosas que acrediten formalmente tal condición, de acordo coa normativa de aplicación na materia. A dedución terá efectos a partir do primeiro día natural do terceiro mes seguinte á súa acreditación, ou ben no seguinte período de liquidación no caso de captacións propias.



*Subsección 2º Cuantificación do canon de xestión de depuradoras na
modalidade de usos non domésticos*

Artigo 44. Cota do canon de xestión de depuradoras

1. A cota do canon de xestión de depuradoras para usos non domésticos resultará da adición dunha parte fixa e dunha parte variable.

2. A parte fixa da cota será de 3,08 euros por contribuínte e mes.

3. A parte variable da cota resultará:

a) Na modalidade de volume, de aplicar sobre a base imponible constituída polo volume real ou potencial de auga utilizado ou consumido o tipo de gravame previsto para esta modalidade no artigo seguinte.

b) Na modalidade de carga contaminante, de sumar as cantidades que resulten de aplicar os tipos de gravame, xeral e especial, previstos no artigo seguinte para esta modalidade.

4. Na modalidade de carga contaminante, cando a base imponible sobre a que se aplique o tipo de gravame xeral e a base imponible sobre a que se aplique o tipo de gravame especial non sexan coincidentes, por estar constituída esta última por volume vertido, a parte variable da cota resultante da aplicación de cada tipo repercutirase de maneira diferenciada. Así mesmo, nestes supostos, de abastecerse o suxeito pasivo a través dunha entidade subministradora, Augas de Galicia poderá liquidar directamente a parte variable da cota resultante da aplicación do tipo de gravame especial, quedando obrigada a entidade subministradora a repercutir a parte fixa da cota e a parte variable da cota resultante da aplicación do tipo de gravame xeral.



Artigo 45. *Tipo de gravame*

1. A determinación do tipo de gravame suxeitarase ás seguintes regras:

a) Na modalidade de volume, aplicarase a tarifa prevista no apartado terceiro deste artigo sobre a base impoñible constituída polo volume real ou potencial de auga utilizado ou consumido determinada por algún dos sistemas establecidos no artigo 35.

b) Na modalidade de carga contaminante, serán de aplicación os seguintes tipos de gravame:


1ª) O tipo de gravame xeral previsto no número 3 deste artigo, que se aplicará sobre a base impoñible constituída polo volume real ou potencial de auga utilizado ou consumido determinada por algún dos sistemas establecidos no artigo 35.

2ª) O tipo de gravame especial en función da contaminación producida, que será o determinado a partir dos valores previstos no apartado terceiro deste artigo.

Esta modalidade de carga contaminante será aplicable naqueles casos nos que Augas de Galicia, de oficio ou a instancia do suxeito pasivo, opte por determinar os tipos de gravame tendo en conta o volume real ou potencial de auga utilizado ou consumido, así como a contaminación producida. Augas de Galicia determinará de oficio a aplicación dos tipos de gravame correspondentes á modalidade de carga contaminante nos casos en que a cota resultante resulte superior á que puidera deducirse da aplicación do tipo de gravame correspondente á modalidade de volume.

2. Os parámetros e unidades de contaminación que se considerarán na determinación do tipo de gravame na modalidade de carga contaminante son os seguintes:

Parámetros	Unidades de contaminación
Materias en suspensión (mes)	Kg
Materias oxidables (MO)	Kg
Nitróxeno total (NT)	Kg
Fósforo total (PT)	Kg
Sales solubles (SOL)	S/cm · m ³



Metais (MT)	kg equimetal
Materias inhibidoras (MI)	Equitox

3. O tipo de gravame expresarase en euros/metro cúbico, sendo:

a) Na modalidade de volume, de 0,5 €/m³.

b) Na modalidade de carga contaminante os tipos de gravame serán:

1º O tipo de gravame xeral, de 0,1 €/m³.

2º O tipo de gravame especial, determinado a partir dos seguintes valores dos parámetros de contaminación:

-Materias en suspensión: 0,202 €/kg.

-Materias oxidables: 0,406 €/kg.

-Nitróxeno total: 0,304 €/kg.

-Fósforo total: 0,609 €/kg.

-Sales solubles: 3,256 €/S/cm m³.

-Metais: 9,148 €/kg equimetal.

-Materias inhibidoras: 0,043 €/equitox.

4. O tipo de gravame establecido na letra b do número anterior poderá ser afectado, segundo os casos, polos coeficientes establecidos nos números seguintes, de conformidade cos seguintes criterios:

a) As achegas ou as detraccións de auga que efectúe o contribuínte, que se expresará mediante a relación existente entre o volume de auga vertido e o volume de auga consumido ou utilizado.

b) A realización de verteduras a zonas declaradas sensibles.

5. Naqueles casos nos que o volume de auga vertido á rede de sumidoiros sexa distinto ao volume de auga consumido ou utilizado, o tipo de gravame na modalidade de carga contaminante verase afectado por un coeficiente corrector de volume (CCV), que expresará a relación existente entre ambos volumes.





Para a aplicación deste coeficiente corrector de volume é preciso, salvo as excepcións que se determinen regulamentariamente, que a persoa obrigada tributario dispoña de aparellos de medida nas fontes de abastecemento de auga e na vertedura. Noutro caso, este coeficiente non será de aplicación.

No caso de que a base impoñible veña constituída polo volume vertido, este coeficiente non será de aplicación.

6. Nos vertidos que se realicen en depuradoras que vertan en zonas que, de acordo coa normativa vixente, fosen declaradas sensibles, os parámetros de contaminación veranse afectados polo seguinte coeficiente de zona sensible (CZS):

Parámetro de contaminación	Coeficiente de zona sensible
Nitróxeno total	1,1
Fósforo total	1,1
Resto de parámetros	1

Augas de Galicia manterá un rexistro actualizado das instalacións de depuración que xestione en calidade de prestadora de servizos que vertan a zonas declaradas sensibles.



Subsección 3.ª Cuantificación do canon de xestión de depuradoras na modalidade de usos urbanos

Artigo 46. Cota do canon de xestión de depuradoras e tipo de gravame

1. A cota do canon de xestión de depuradoras na modalidade de usos urbanos resultará da adición de dúas partes variables, unha asociada ao volume de auga e outra á carga contaminante.

2. A parte variable asociada ao volume de auga resultará da multiplicación do tipo de gravame de 0,29 €/m³ pola base liquidable determinada de acordo co indicado no artigo 38.

3. A parte variable asociada á carga contaminante resultará da multiplicación da base liquidable determinada de acordo co indicado no artigo 39 para cada depuradora ou, no seu caso, punto de control por un coeficiente de contaminación e polo tipo de gravame de 0,053 €/m³.

4. O coeficiente de contaminación determinarase para cada depuradora ou, no seu caso, para cada punto de control en función da concentración de contaminantes na auga, segundo a analítica mensual representativa realizada, en relación aos seguintes parámetros e ás seguintes concentracións base:

Parámetros	Concentración base
Demanda bioquímica de oxíxeno (DBO ₅)	500,00mg/l
Materias en suspensión (MES)	500,00 mg/l
Demanda química de Oxixeno (DQO)	1000,00 mg/l
Nitróxeno total (NT)	60,00 mg/l
Fósforo total (PT)	40,00 mg/l
Conductividade	5000,00 μS/cm
Materias inhibidoras (MI)	20 Equitox

O coeficiente de contaminación tomará o valor do número de parámetros para os que se superen as concentracións base da táboa anterior. No caso en que as concentracións base non se superen para ningún parámetro, o coeficiente de contaminación adoptará o valor de 0.





Subsección 4.ª Cuantificación do canon de xestión de depuradoras na modalidade de uso de baleirado de fosas sépticas

Artigo 47. Baleirado de fosas sépticas

O baleirado da fosa séptica levará aparellado a obriga do pagamento do canon de xestión de depuradoras, sendo a súa cota a resultante da adición dunha parte fixa asociada á autorización para realizar baleirados e dunha parte variable en función do volume vertido na depuradora durante o ano de vixencia.

- a) A parte fixa da cota será de 40 euros ao ano.
- b) O tipo de gravame da parte variable será de 2 €/m³ de auga vertida na depuradora no ano.

CSV: BOPGDSPG-45WqWT1CL-3
Verificación:
<https://sede.parlamentodegalicia.gal/tramites/csv/>





CAPÍTULO III

Canon de xestión de redes de colectores

Sección 1.ª Disposicións xerais

Artigo 48. *Canon de xestión de redes de colectores*

1. Mediante a presente lei establécese a regulación do canon de xestión de redes de colectores como tributo propio da Comunidade Autónoma de Galicia con natureza de taxa.
2. O canon de xestión de redes de colectores aplicarase no ámbito territorial da Comunidade Autónoma de Galicia, naqueles supostos nos que Augas de Galicia actúe como entidade prestadora de servizos.
3. O canon de xestión de redes de colectores será de aplicación desde o día en que se inicie a prestación do servizo de saneamento por parte de Augas de Galicia. A data de inicio será comunicada previamente ás administracións públicas para as que Augas de Galicia sexa entidade prestadora dos servizos, aos efectos da aplicación do canon de xestión de redes de colectores aos seus abonados.
4. A Lei de orzamentos xerais da Comunidade Autónoma de Galicia poderá actualizar os tipos de gravame do canon de xestión de colectores, así como realizar calquera outra modificación na regulación legal do tributo.





Artigo 49. *Afectación do produto do canon de xestión de redes de colectores*

O produto do canon de xestión de redes de colectores será destinado á financiación dos gastos de explotación, conservación, mantemento e mellora das redes de colectores que xestione Augas de Galicia.



[Handwritten signature]





Sección 2.ª Elementos do tributo

Artigo 50. Feito impositivo

1. Constitúe o feito impositivo do canon de xestión de redes de colectores a prestación do servizo de explotación, conservación e mantemento de colectores, para a condución das augas residuais ás depuradoras de augas residuais, efectuado por Augas de Galicia, por si ou mediante calquera das formas previstas na normativa vixente para a xestión do servizo público. Enténdese incluído no feito impositivo a xestión por Augas de Galicia, de xeito individual ou en conxunto, dos colectores, dos bombeos e dos tanques de retención.

2. O canon de xestión de redes de colectores esixirase segundo as modalidades seguintes:

- a) Usos domésticos e asimilados.
- b) Usos non domésticos.
- d) Usos urbanos.

3. O canon de xestión de redes de colectores esixirase indistintamente da procedencia da auga, tanto se é facilitada por entidades subministradoras, como se procede de captacións propias, superficiais ou subterráneas, incluídos os consumos ou usos de augas pluviais e mariñas que efectúen directamente as persoas usuarias, así como a auga incluída nas materias primas e as augas brancas.





Artigo 51. *Suxeito pasivo e outras persoas obrigadas tributarias*

1. Son suxeitos pasivos a título de contribuíntes as persoas físicas, xurídicas ou as entidades do artigo 35.4.º da Lei 58/2003, do 17 de decembro, xeral tributaria, ás que Augas de Galicia preste o servizo de saneamento para a condución das augas residuais ás instalacións de depuración.

2. Terán a consideración de persoas contribuíntes as persoas seguintes ás que se lle preste o servizo de xestión da rede de colectores para a condución das augas residuais ás instalacións de depuración, salvo proba en contrario:

a) No suposto de abastecemento de auga por entidade subministradora, a persoa titular do contrato de subministración.

b) No suposto de captacións propias, o persoa usuaria ou titular do aproveitamento desde o que se realiza a captación e, no seu defecto, a persoa titular da instalación desde a que se realice a captación, así como tamén as persoas titulares das instalacións desde as que se realicen os vertidos. Non obstante, e mentres Augas de Galicia non dite a resolución á que fai referencia o artigo 65 desta lei, será persoa contribuínte a persoa titular do contrato de sumidoiros.

Se a persoa titular do aproveitamento é unha comunidade de usuarios, a persoa contribuínte será a persoa comuneira.

d) No suposto dos usos urbanos, as entidades locais ás que se lles preste o servizo de explotación da rede de colectores para a condución das augas residuais ás depuradoras.

3. No suposto de abastecemento de auga por entidades subministradoras de auga, estas terán a consideración de suxeitos pasivos a título de substituto da persoa contribuínte. Así mesmo, nos supostos de persoas contribuíntes que non se abastezan de entidade subministradora, as entidades prestadoras do servizo de sumidoiros terán a condición de suxeitos pasivos substitutos de contribuínte.

4. Son persoas responsables solidarias:


a) No caso de vivendas, a persoa titular do contrato de subministración, no caso de non ser contribuínte, e a propietaria da vivenda.

b) No caso de captacións propias, de non ser contribuíntes, as persoas titulares dos aproveitamentos e as titulares das instalacións mediante as





cales ou desde as cales se produzan as captacións ou se realicen as verteduras contaminantes.



[Handwritten signature]

CSV: BOPGDSPG-45WqWT1CL-3
Verificación:
<https://sede.parlamentodegalicia.gal/tramites/csv/>





Artigo 52. *Supostos de non suxeición e exencións*

1. Non están suxeitos ao canon de xestión de redes de colectores os usos para abastecemento realizado a través de redes básicas e, en xeral, o abastecemento en alta doutros servizos públicos de distribución de auga potable, cando a súa posterior distribución en baixa estea gravado co canon de xestión de redes de colectores.

2. Atópanse exentos do pagamento do canon de xestión de redes de colectores:

a) Os usos feitos polos servizos públicos de extinción de incendios ou os que coas mesmas características sexan efectuados ou ordenados polas autoridades públicas en situacións de necesidade extrema ou catástrofe.

b) Os usos destinados a unha unidade de convivencia independente que acrediten, nas condicións que regulamentariamente se establezan, estar en situación de exclusión social, de acordo coa lexislación en materia de servizos sociais e inclusión social de Galicia. A exención terá efectos a partir do primeiro día natural do terceiro mes seguinte ao da súa acreditación, o ben no seguinte período de liquidación, no caso de captacións propias.





Artigo 53. Base imponible e métodos de determinación da base imponible

1. Constitúe a base imponible o volume real ou potencial de auga utilizado ou consumido en cada mes natural, expresado en metros cúbicos.

No caso dos usos non domésticos que dispoñan de contadores ou caudalímetros homologados de volume vertido á rede, poderá considerarse como base imponible o dito volume nas condicións que se determinen regulamentariamente.

No caso dos usos urbanos, a base imponible virá constituída polo volume mensual de auga entrante na rede de colectores asumida por Augas de Galicia.

2. A determinación da base imponible realizarase, con carácter xeral, en réxime de estimación directa, mediante contadores ou caudalímetros homologados. Para estes efectos, os contribuíntes están obrigados a instalar e manter pola súa conta un mecanismo de medición directa da auga efectivamente usada ou consumida.

3. Para as persoas contribuíntes que non dispoñan de contadores ou caudalímetros, a base imponible determinarase por estimación obxectiva.

4. Supletoriamente, o método de estimación indirecta aplicarase de conformidade co disposto na Lei 58/2003, do 17 de decembro, xeral tributaria.





Artigo 54. *Determinación da base impoñible mediante o réxime de estimación directa*


1. No caso de abastecementos por entidade subministradora, a base impoñible virá constituída polo volume de auga utilizado ou consumido será o subministrado por dita entidade, medido, no seu caso, polo contador homologado instalado.
2. No caso de concesións de uso ou captacións propias, a base impoñible virá constituída polo o volume será o medido polo contador homologado instalado, que será declarado pola persoa contribuínte na forma e prazos que regulamentariamente se determinen.
3. No caso dos usos urbanos, o volume mensual de auga conducido ou bombeado polos colectores será o medido polos contadores ou caudalímetros instalados no punto de entrada do colector á depuradora.





Artigo 55. Determinación da base imponible mediante o réxime de estimación obxectiva

O cálculo da base imponible do canon de xestión de redes de colectores mediante o réxime de estimación obxectiva fixarase regulamentariamente en atención ás características e circunstancias do aproveitamento, tendo en conta a capacidade de extracción, adución ou almacenamento de auga dos mecanismos instalados polo suxeito pasivo, así como da información que conste no rexistro administrativo do aproveitamento ou vertido. No caso dos usos domésticos, a base imponible mediante o método de estimación obxectiva poderá determinarse a partir dos volumes de dotación básica da auga para vivendas que se establezan nos instrumentos de planificación hidrolóxica.





Artigo 56. *Base liquidable nos usos urbanos*

A base liquidable resultará de minorar a base imponible no volume de saneamento mensual ordinario establecido para a rede de colectores. A base liquidable así calculada non poderá ser negativa, en cuxo caso tomará o valor de 0 m³.

2. Non obstante, no caso de que á rede de colectores cheguen augas residuais de máis dunha entidade local e a base liquidable determinada de acordo co indicado no número anterior sexa maior de 0 m³, a base liquidable correspondente a cada entidade local determinarase pola suma das bases liquidables en cada un dos puntos de control desa entidade de acordo coa seguinte fórmula:

$$BLPC = VEPC \times BLE / \Sigma VEPC$$

Onde

BLPC é a base liquidable no punto de control

VEPC é a diferenza entre o volume contabilizado e o volume de saneamento ordinario no punto de control.

BLE é a base liquidable da rede de colectores

$\Sigma VEPC$ é a suma das diferenzas entre o volume contabilizado e o volume de saneamento ordinario en todos os puntos de control onde dita diferenza sexa superior a 0 m³.





Artigo 57. *Devengo*

1. O devengo producirase no momento no que se inicie a prestación do servizo de xestión de colectores para a conducción das augas residuais ás instalacións de depuración de augas residuais.

Para estes efectos, entenderase que o servizo comeza a prestarse:

a) Nos supostos onde a base impoñible veña constituída polo volume real ou potencial de auga utilizada ou consumida, cando se realice a utilización ou consumo real ou potencial da auga.

b) Naqueles supostos onde a base impoñible veña constituída polo volume vertido, no momento no que se realice o vertido.

c) No caso dos usos urbanos, cando o volume da auga sexa conducida ou bombeada á rede de colectores.

2. Nos usos domésticos e asimilados, o tipo de gravame aplicarase sobre os consumos mensuais.





Subsección 1.ª Cuantificación do canon de xestión de redes de colectores para usos domésticos e asimilados

Artigo 58. Cota do canon de xestión de redes de colectores

1. A cota do canon de xestión de redes de colectores para usos domésticos e asimilados resultará da adición dunha parte fixa e unha parte variable. O resultado así obtido será multiplicado polo coeficiente de explotación de saneamento, determinado nas condicións da xestión de infraestruturas recollidas na orde referida no artigo 25. Da cantidade resultante poderán practicarse as deducións previstas no artigo 60.

2. A parte variable da cota será o resultado de aplicar sobre a base imponible o tipo de gravame previsto no artigo seguinte.

3. No caso de que os contadores, os aproveitamentos ou as medidas do caudal sexan colectivos, aplicarase a parte fixa da cota multiplicada polo número de vivendas, oficinas ou locais conectados. Cando este extremo non sexa coñecido, o número de abonados determinarase en función do diámetro do contador de acordo coa seguinte táboa:

Diámetro del contador (mm)	N.º de abonados asignados
< 15	1
15	3
20	6
25	10
30	16
40	25
50	50
65	85
80	100
100	200
125	300
> 125	400

Para valores intermedios de diámetros nominais tomarase o valor inferior ao correspondente.



Artigo 59. Tipo de gravame

1. O tipo de gravame para usos domésticos e asimilados determinarase en función do número de persoas que habitan as vivendas e en función do volume de auga consumido. A estes efectos, establécense os seguintes tramos de volume:

Tramos	Volumen mensual (m ³)
Primero	$\leq 2 \cdot n$
Segundo	$> 2 \cdot n$ y $\leq 4 \cdot n$
Tercero	$> 4 \cdot n$ y $\leq 8 \cdot n$
Cuarto	$> 8 \cdot n$

onde «n» é o número de persoas na vivenda.

2. Establécese unha cota fixa de 1,54 euros por contribuínte e mes para usos domésticos e unha cota fixa de 3,08 euros para usos asimilados a domésticos.

3. A parte variable resulta de aplicar aos consumos mensuais os seguintes tipos de gravame:

a) Consumo realizado dentro do primeiro tramo: 0,15 €/m³.

b) Consumo realizado dentro do segundo tramo: 0,29 €/m³.

c) Consumo realizado dentro do terceiro tramo: 0,37 €/m³.

e) Consumo realizado dentro do cuarto tramo: 0,42 €/m³.

4. Tomarase como referencia xenérica aos efectos da aplicación do tipo de gravame unha vivenda habitada por tres persoas. Regulamentariamente determinaranse os requisitos para acreditar perante Augas de Galicia, a instancia do suxeito pasivo, un número diferente de habitantes por vivenda, así como os prazos para levalo a cabo e o período de vixencia. As modificacións resultantes terán efectos a partir do primeiro día natural do terceiro mes seguinte á súa acreditación, ou ben no seguinte período de liquidación no caso de captacións propias.

Non obstante, naqueles supostos onde o concello teña establecido un sistema tarifario para a exacción das súas taxas que teña en conta o número





de persoas empadroadas e dita acreditación sexa realizada de oficio con base nos datos obrantes no padrón municipal, na facturación do canon de xestión de redes de colectores terase en conta o número de persoas acreditado polo concello, de acordo cos requisitos que se establezan na correspondente ordenanza municipal.


5. Nos supostos de usos asimilados a domésticos, o tipo de gravame será o correspondente ao establecido para unha vivenda de tres persoas, aplicándoselle ao consumo realizado dentro do primeiro tramo o tipo correspondente ao segundo tramo.

6. Nos supostos de que os contadores, os aproveitamentos ou os aforos fosen colectivos, o valor de «n» establecido na alínea 1 deste artigo será o resultado de multiplicar por 3 o valor obtido da aplicación da alínea 3 do artigo anterior. Nestes casos non será aplicable o establecido na alínea 4 deste artigo.

7. Se no período de facturación se constatar a existencia dunha fuga de auga na rede interna de subministro do contribuínte e o volume facturado tivera a consideración de desproporcionada con motivo da dita fuga, os tipos de gravame do terceiro e cuarto tramo de consumo indicado nas letras c) e d) do apartado 3 serán os establecidos para o tramo 2 indicado na letra b) de dito apartado.

A estes efectos terá a consideración de volume desproporcionado aquel que reúna os seguintes requisitos:

- Que o volume facturado sexa superior ao quíntuplo do volume promedio dos períodos de facturación inmediatos anteriores que representen o ciclo dun ano de facturación.
- Que a persoa contribuínte tomase as medidas necesarias para reparar a fuga no prazo dunha semana desde que tivo coñecemento da existencia da fuga. Cando esta data non se coñeza, entenderase que o contribuínte tivo coñecemento da existencia da fuga no momento en que se lle notifique a factura da auga correspondente ao período no que se produciu a fuga.





Artigo 60. *Deducións da cota*

Aplicarase unha dedución do 50% sobre a cota íntegra do canon de xestión de redes de colectores cando corresponda aos usos destinados a vivenda habitual das familias numerosas que acrediten formalmente tal condición, de acordo coa normativa de aplicación na materia. A dedución terá efectos a partir do primeiro día natural do terceiro mes seguinte á súa acreditación, ou ben no seguinte período de liquidación no caso de captacións propias.




Subsección 2ª Cuantificación do canon de xestión de redes de colectores para usos non domésticos

Artigo 61. Cota do canon de xestión de redes de colectores e tipo de gravame

1. A cota do canon de xestión de redes de colectores na modalidade de usos non domésticos resultará da adición dunha parte fixa e dunha parte variable. O resultado así obtido será multiplicado polo coeficiente de explotación de saneamento, determinado nas condicións da xestión de infraestruturas referidas no artigo 24 desta lei.
2. A parte fixa da cota será de 3,08 euros por contribuínte e mes.
3. A parte variable da cota resultará de aplicar sobre a base impoñible o tipo de gravame de 0,5 €/m³.


Subsección 3.ª Cuantificación do canon de xestión de redes de colectores para usos urbanos





Artigo 62. Cota do canon de xestión de redes de colectores e tipo de gravame

1. A cota previa do canon de xestión de redes de colectores na modalidade de usos urbanos resultará de aplicar á base liquidable á que se refire o artigo 56 o tipo de gravame de 0,21 €/m³.
2. A cota previa modularase polo coeficiente de explotación de saneamento ao que fai referencia o artigo 24 desta lei.





CAPÍTULO IV

Normas comúns para a xestión do canon de xestión de depuradoras e de xestión de redes de colectores

Artigo 63. Competencias en cuanto á aplicación do canon de xestión de depuradoras e do canon de xestión de redes de colectores

1. A xestión, inspección, recadación en período voluntario e o exercicio da potestade sancionadora en materia tributaria corresponderalle a Augas de Galicia.

Para estes efectos, as entidades subministradoras de auga, entidades prestadoras do servizo de sumidoiros e xestores das instalacións de depuración e de colectores veñen obrigadas a subministrar a Augas de Galicia cantos datos, informes e antecedentes con transcendencia tributaria sexan precisos para o exercicio das funcións que Augas de Galicia ten encomendadas.

2. A recadación na vía de constrinximento, incluíndo a concesión de aprazamentos e fraccionamentos de pagamento en período executivo, corresponderalle ao órgano ou á entidade que desempeñe as competencias xerais en materia de aplicación dos tributos propios da Comunidade Autónoma de Galicia.

3. O coñecemento das reclamacións interpostas contra os actos ditados en aplicación do canon de xestión de depuradoras e o canon de xestión de redes de colectores corresponderalles aos órganos económico-administrativos da Xunta de Galicia.

4. A potestade sancionadora exercerase consonte o previsto no título IV da Lei 58/2003, do 17 de decembro, xeral tributaria.



Artigo 64. Repercusión do canon de xestión de depuradoras e o canon de xestión de redes de colectores

1. No suposto de abastecemento por entidade subministradora, esta deberá repercutir integramente o importe do canon de xestión de depuradoras e do canon de xestión de redes de colectores sobre a persoa contribuínte, que quedará obrigada a soportalo. Ambos canons serán esixibles ao mesmo tempo que as contraprestacións correspondentes á subministración.

Non obstante, nos casos de abastecemento por entidade subministradora cuxa prestación non sexa obxecto de facturación, as entidades subministradoras veñen obrigadas a confeccionar nos dous primeiros meses naturais do ano unha factura en concepto de canon de xestión de depuradoras e canon de xestión de redes de colectores, coas especificidades que se establezan regulamentariamente en relación co volume obxecto de subministración no ano inmediato anterior. Nos supostos de consumos propios das entidades subministradoras, os canons referidos aos devanditos consumos deberán ser ingresados na correspondente autoliquidación en función do período do que se trate.

2. Nos supostos de persoas contribuíntes que non se abastezan de entidade subministradora, as entidades prestadoras do servizo da rede de sumidoiros deberán repercutir integramente o importe do canon de xestión de depuradoras e do canon de xestión de redes de colectores sobre o contribuínte, que quedará obrigado a soportalo. Ambos canons serán esixibles ao mesmo tempo que as contraprestacións correspondentes ao servizo de sumidoiros.

Non obstante, nos casos de prestación de servizo de sumidoiros que non sexa obxecto de facturación, as entidades prestadoras dos servizos veñen obrigadas a confeccionar nos dous primeiros meses naturais do ano unha factura en concepto de canon de xestión de depuradoras e canon de xestión de redes de colectores coas especificidades que se establezan regulamentariamente en relación co volume obxecto de facturación no ano inmediato anterior. Nos supostos nos que o servizo sexa prestado á propia entidade prestadora, os canons referidos ao devandito servizo deberán ser ingresados na correspondente autoliquidación en función do período do que se trate.

3. A obriga de repercusión sinalada no número anterior manterase mentres Augas de Galicia non proceda a ditar a resolución á que fai referencia o artigo





65. Nese momento Augas de Galicia procederá a comunicar a dita circunstancia á entidade prestadora do servizo da rede de sumidoiros para os efectos de que deixe de repercutir os citados canons ao suxeito pasivo e, se é o caso, procederá a regularizar as cantidades facturadas por estas.


4. As entidades subministradoras e, no seu caso, prestadoras do servizo de sumidoiros, deberán aplicar de oficio aos seus abonados as correspondentes cotas dos canons que en cada momento se atopen vixentes, tanto no que se refire á parte fixa da cota coma á parte variable, agás nos supostos de determinación do canon de xestión de depuradoras por carga contaminante, nos que Augas de Galicia lles comunicará as tarifas aplicables.

Esta obriga de repercusión esténdese ás facturas que se emitan como resultado da rectificación ou anulación doutras anteriores, incluso no suposto de que ditos importes xa fosen autoliquidados ou xustificados como non cobrados de acordo co indicado no número 10 deste artigo.

5. A repercusión deberase facer constar de maneira diferenciada na factura que emita a entidade subministradora e entidade prestadora do servizo de sumidoiros para documentar a contraprestación dos seus servizos, cos requisitos que se establezan regulamentariamente, polo que queda prohibida tanto a súa facturación como o seu cobramento de forma separada, sen prexuízo do que se estableza en relación cos consumos propios e os non facturados.

6. No caso de que non efectúen lecturas mensuais, as entidades subministradoras e prestadoras do servizo de sumidoiros facturarán os canons aos usuarios domésticos e asimilados repartindo o volume de modo proporcional ao número de meses que comprenda o período de lectura.

7. Establécese a obriga das entidades subministradoras de auga e prestadoras do servizo de sumidoiros de presentar autoliquidación durante os meses de xaneiro, maio e setembro, en relación cos respectivos cuadrimestres naturais de cada ano, das cantidades repercutidas ou de obrigada repercusión en concepto de canon de xestión de depuradoras e canon de xestión de redes de colectores, no lugar e forma que se determinen regulamentariamente. Así mesmo, nestas autoliquidacións deberanse declarar os importes repercutidos e non percibidos aos efectos da exoneración do seu ingreso ou, no suposto de non acompañar a relación á que fai referencia o número 10 deste artigo, proceder ao seu ingreso.





8. O procedemento para o cobramento dos canons en período voluntario será unitario co seguido para a recadación dos dereitos que á entidade subministradora lle correspondan polo servizo de abastecemento de auga. O acto de aprobación do documento que faculta para o cobramento dos dereitos dimanantes do servizo de abastecemento de auga e, no seu caso, do servizo de sumidoiros e o anuncio de cobranza virán referidos igualmente aos canons.

9. Nos termos que regulamentariamente se establezan, se o importe dos canons non se fixo efectivo ao substituto antes de finalizar o prazo para presentar a autoliquidación, permitiráselle ao substituto non ingresar as cantidades non cobradas. O anterior non se poderá levar a cabo se o substituto admite durante o período voluntario que a persoa contribuínte non satisfaga os canons pero si o importe que supoña a contraprestación pola subministración ou, no seu caso, pola prestación do servizo de sumidoiros.

10. A xustificación das cantidades non cobradas ás que se refire o número anterior realizarase na forma que regulamentariamente se estableza, e nela conterase unha relación individualizada das débedas tributarias repercutidas as persoas contribuíntes e non satisfeitas por estas.

A presentación desta relación no prazo regulamentariamente establecido exonerará ás entidades subministradoras e prestadoras do servizo de sumidoiros de responsabilidade en relación coas débedas tributarias contidas nela, agás que o procedemento recadatorio seguido non fose unitario co de recadación dos dereitos que correspondan pola subministración de auga. De non presentarse dita declaración ou de presentarse fóra do prazo establecido, a indicada entidade virá obrigada ao pagamento dos importes repercutidos e non percibidos. Esta obriga será exigible desde a data en que procedería a súa xustificación como importes non cobrados na autoliquidación.

Unha vez xustificadas os importes repercutidos e non percibidos na forma e prazo sinalado neste artigo, se durante o período dun ano, contado desde a presentación da relación, a persoa contribuínte pretende efectuar o pagamento da factura ou do recibo en que estean incluídos os canons declarados, a entidade subministradora ou prestadora do servizo de sumidoiros non poderá admitilo de forma incompleta, e quedará obrigada a percibir o importe do canon de xestión de depuradoras e do canon de xestión





de explotación. Neste caso, o suxeito pasivo substituto deberá declarar e ingresar o importe do canon correspondente na forma regulamentariamente establecida.

Así que as entidades subministradoras ou prestadoras do servizo de sumidorios xustifiquen estas cantidades, exixiráselle o cumprimento directamente ao contribuínte na vía executiva, agás no caso de que da xestión recadatoria seguida pola entidade subministradora non exista constancia da notificación da débeda ao contribuínte, en cuxo caso estas débedas serán notificadas aos contribuíntes por Augas de Galicia para o seu ingreso en período voluntario, antes de pasar, de proceder, á súa exacción na vía executiva.

Esta notificación para o seu ingreso en período voluntario poderase levar a cabo mediante publicación colectiva, outorgándose un prazo dun mes natural para que as persoas interesadas se presenten persoalmente perante Augas de Galicia para seren notificadas por comparecencia dos importes repercutidos e non aboados, advertíndolles que, transcorrido o mencionado prazo sen efectuarse a comparecencia, a notificación se entenderá producida desde o día seguinte ao do vencemento do prazo sinalado para comparecer.

11. As entidades subministradoras e, no seu caso, as entidades prestadoras do servizo de sumidoiros, como obrigadas a repercutir, están suxeitas ao réxime de responsabilidades e obrigas establecido na Lei xeral tributaria e nas demais disposicións aplicables. En particular, están obrigadas ao pagamento das cantidades correspondentes ao canon que non repercutisen aos seus abonados cando viñeren obrigadas a facelo. Esta obriga será exixible desde a data de expedición das facturas que se emitisen infrinxindo as obrigas previstas neste artigo, ou desde a súa non emisión no prazo que se determine regulamentariamente nos supostos de subministracións non facturadas.

12. As infraccións administrativas por defectos na aplicación dos canons e as súas sancións serán as contidas na Lei xeral tributaria e nas disposicións complementarias ou concordantes.





Artigo 65. *Liquidacións*

1. Augas de Galicia liquidará o canon de xestión de depuradoras e o canon de xestión de redes de colectores aos suxeitos pasivos usuarios da auga de captacións propias na forma e nos prazos que se establezan regulamentariamente, logo de tramitación do correspondente expediente. O prazo máximo para notificar a resolución que se dite nese procedemento, así como nos procedementos de determinación do canon de xestión de depuradoras na modalidade de carga contaminante, será dun ano.


No suposto de uso de baleirado de fosas sépticas, Augas de Galicia liquidará o canon de xestión de depuradoras na forma e nos prazos que se establezan regulamentariamente a aquelas persoas usuarias que, de acordo co establecido no número 3 deste artigo, soliciten a realización de baleirados.

2. Todas as persoas titulares e usuarias reais de aproveitamentos de augas procedentes de captacións superficiais, subterráneas, pluviais ou de calquera outra procedencia que realicen vertidos a redes de sumidoiros conectadas a colectores ou depuradoras xestionadas por Augas de Galicia, agás no caso dos usos domésticos, están obrigadas a presentar unha declaración ante Augas de Galicia na forma, lugar e prazos e mediante os modelos e consonte coas instrucións que estableza a consellería con competencias en materia de xestión destes canons. Esta obriga esténdese aos abonados das entidades subministradoras de auga cando así sexan expresamente requiridos por Augas de Galicia para a súa presentación

3. As persoas titulares de fosas sépticas de natureza doméstica poderán solicitar a realización do seu baleirado nas instalacións de depuración xestionadas por Augas de Galicia que teñan habilitado o dito servizo. Para tal efecto Augas de Galicia manterá un rexistro actualizado das instalacións que presten este servizo.

Augas de Galicia ditará unha resolución autorizando a realización de baleirados na cal, entre outros aspectos, establecerase a data de inicio da vixencia da autorización, a infraestrutura de depuración a través da cal se prestará o servizo e as condicións nas que se debe realizar o dito baleirado. Esta autorización será tamén comunicada ao xestor da depuradora.

Esta autorización permanecerá vixente durante un ano. A autorización prorrogarase a instancia da persoa titular da fosa séptica por períodos anuais, sempre que se manteñan as condicións establecidas. A persoa titular





haberá de solicitar a prórroga da autorización con anterioridade á finalización do seu período de vixencia.

4. As declaracións do canon de xestión de depuradoras e do canon de xestión de redes de colectores deberán presentarse obrigatoriamente por medios electrónicos.

As ditas presentacións deberán realizarse cubrindo os formularios electrónicos dos correspondentes modelos de declaración na sede electrónica da Xunta de Galicia mediante a súa tramitación en liña.

No caso de que se presente a declaración presencialmente ou esta se presente electronicamente pero sen cubrir o formulario na sede, considerarase como non presentada, sen prexuízo da apreciación das infraccións tributarias que procederan consonte coa Lei Xeral Tributaria.

5. O pagamento das liquidacións deberá realizarse nas entidades colaboradoras no prazo establecido na normativa xeral tributaria.

6. A consellería competente para a aplicación do canon de xestión de depuradoras e de xestión de redes de colectores poderá dispor que as declaracións se efectúen mediante os programas informáticos de axuda que, de ser o caso, se aproben.





Artigo 66. *Autoliquidacións*

1. No suposto do canon de xestión de depuradoras e de xestión de redes de colectores xestionado a través de entidades subministradoras ou, no seu caso, a través da entidade prestadora do servizo de sumidoiros, estas teñen a obriga de presentar autoliquidacións perante Augas de Galicia nos termos que regulamentariamente estableza, nos que se incluírán as cotas facturadas durante os períodos de declaración.

2. As autoliquidacións do canon de xestión de depuradoras e do canon de xestión de redes de colectores deberán presentarse obrigatoriamente por medios electrónicos.


As ditas presentacións deberán realizarse cubrindo os formularios electrónicos dos correspondentes modelos de autoliquidación na sede electrónica da Xunta de Galicia mediante a súa tramitación en liña. Durante a súa tramitación en liña deberán axuntarse os arquivos informáticos que se establezan regulamentariamente.

No caso de que se presente a autoliquidación presencialmente ou esta se presente electronicamente pero sen cubrir o formulario na sede, considerarase como non presentada, sen prexuízo da apreciación das infraccións tributarias que procederan consonte coa Lei Xeral Tributaria.

Reglamentariamente poderase establecer a obriga de presentar os diferentes arquivos informáticos que deben acompañar a estas autoliquidacións mediante as plataformas web que se establezan.

3. O pagamento das autoliquidacións deberá realizarse nas entidades colaboradoras no prazo establecido nesta Lei para a súa presentación.

4. A consellería competente para a aplicación do canon de xestión de depuradoras e de xestión de redes de colectores poderá dispor que as autoliquidacións se efectúen mediante os programas informáticos de axuda que, de ser o caso, se aproben.





Artigo 67. Réxime sancionador aplicable

1. As infraccións tributarias referidas ao canon de xestión de depuradoras e ao canon de xestión de redes de colectores non contidas nos tres artigos seguintes cualificaranse e sancionaranse de acordo co previsto na normativa xeral tributaria.
2. Igualmente, o procedemento para a aplicación do réxime sancionador, así como o instituto da prescrición, serán os previstos na normativa xeral tributaria.
3. Sobre a contía das sancións pecuniarias impostas segundo os artigos 68 a 70 aplicaranse as reducións establecidas no artigo 188 da Lei 58/2003, de 17 de decembro, xeral tributaria, nos termos previstos en dito precepto



Artigo 68. Infracción tributaria por incumprir a obriga de repercutir o canon de xestión de depuradoras ou o canon de xestión de redes de colectores na factura da auga

1. Constitúe infracción tributaria incumprir a obriga de repercutir o canon de xestión de depuradoras ou o canon de xestión de redes de colectores nas facturas ou nos recibos que emita a entidade subministradora ou prestadora do servizo de sumidoiros para documentar a contraprestación dos seus servizos. Neste suposto inclúese o incumprimento da obriga de liquidar o canon de xestión de depuradoras e o canon de xestión de redes de colectores nas subministracións ou, se é o caso, na prestación de servizo de sumidoiros non facturados aos abonados, mesmo os consumos propios das entidades subministradoras ou prestadoras do servizo de sumidoiros, nos termos que regulamentariamente se determinen, así como o incumprimento da prohibición da súa repercusión de forma separada da factura ou recibo que emita a entidade subministradora ou prestadora do servizo de sumidoiros para documentar a contraprestación dos seus servizos.

2. A infracción tributaria será leve cando o importe non repercutido, ou repercutido de forma separada, do correspondente canon sexa inferior ou igual a 3.000 euros ou, sendo superior, o número de recibos de auga emitidos sen incluír o correspondente canon sexa inferior ou igual a 10.

3. A infracción tributaria será grave cando o importe non repercutido, ou repercutido de forma separada, do correspondente canon sexa superior a 3.000 euros.

4. A base da sanción será o canon de xestión de depuradoras ou o canon de xestión de redes de colectores non repercutido, ou repercutido de forma separada, como resultado da comisión da infracción.

5. A sanción por infracción leve consistirá nunha multa pecuniaria proporcional do 25 % da base.

6. A sanción por infracción grave consistirá nunha multa pecuniaria proporcional do 40 % da base.

7. A sanción por infracción grave graduarase incrementando a porcentaxe indicada no número anterior conforme os criterios de comisión repetida de infraccións tributarias e de prexuízo económico para a facenda pública, cos incrementos porcentuais previstos para cada caso nas letras a) e b) do número 1 do artigo 187 da Lei 58/2003, do 17 de decembro, xeral tributaria.





Artigo 69. Infracción tributaria por repercutir incorrectamente o canon de xestión de depuradoras ou o canon de xestión de redes de colectores con prexuízo económico para a Facenda pública

1. Constitúe infracción tributaria repercutir incorrectamente o canon de xestión de depuradoras ou o canon de xestión de redes de colectores nas facturas ou nos recibos que emita a entidade subministradora ou prestadora do servizo de sumidoiros para documentar a contraprestación dos seus servizos, ou repercutilo en documento separado, cando desta repercusión incorrecta se produza ou se poida producir prexuízo económico para a Facenda pública.
2. A base da sanción será a diferenza entre o canon de xestión de depuradoras ou o canon de xestión de redes de colectores repercutido e o que procedía repercutir.
3. A cualificación da sanción como leve ou grave, así como a determinación da súa sanción, realizarase consonte o establecido nos números 2 a 7 do artigo anterior.





Artigo 70. Infracción tributaria por repercutir incorrectamente o canon de xestión de depuradoras ou o canon de xestión de redes de colectores sen prexuízo económico para a Facenda pública

1. Constitúe infracción tributaria leve repercutir incorrectamente o canon de xestión de depuradoras ou o canon de xestión de redes de colectores nas facturas ou nos recibos que emita a entidade subministradora ou prestadora do servizo de sumidoiros para documentar a contraprestación dos seus servizos cando desta repercusión incorrecta non se produza ou non se poida producir prexuízo económico para a Facenda pública.
2. A base da sanción será a diferenza entre o canon de xestión de depuradoras ou o canon de xestión de redes de colectores repercutido e o que procedía repercutir.
3. A sanción consistirá nunha multa pecuniaria proporcional do 10 % da base.



CAPÍTULO V

Canon de xestión de abastecementos

Sección 1.ª Disposicións xerais

Artigo 71. *Normas xerais*


1. Mediante a presente lei establécese a regulación do canon de xestión de abastecementos como tributo propio da Comunidade Autónoma de Galicia con natureza de taxa.

2. O canon de xestión de abastecementos aplicarase no ámbito territorial da Comunidade Autónoma de Galicia, naqueles supostos nos que Augas de Galicia actúe como entidade prestadora de servizos.

3. O canon de xestión de abastecementos será de aplicación desde o inicio da prestación efectiva do servizo.

4. A Lei de orzamentos xerais da Comunidade Autónoma de Galicia poderá actualizar os tipos de gravame do canon de xestión de abastecementos, así como realizar calquera outra modificación na regulación legal do tributo.

No suposto de que o sistema de abastecemento inclúa un embalse suxeito a taxa por servizos profesionais, tarifa 68, establecida pola Lei 6/2003, de 9 de decembro, de taxas, prezos e exaccións reguladoras da Comunidade Autónoma de Galicia, na actualización dos tipos de gravame do canon de xestión de abastecemento non se terá en consideración o custe asociado á explotación, conservación e mantemento do embalse.





Artigo 72. Afectación do produto do canon de xestión de abastecementos

O produto do canon de xestión de abastecementos será destinado á financiación dos gastos de explotación, conservación, mantemento e mellora das infraestruturas de abastecemento que xestione Augas de Galicia.





Artigo 73. Competencias en canto á aplicación do canon de xestión de abastecementos

1. A xestión, a inspección, a recadación en período voluntario e o exercicio da potestade sancionadora en materia tributaria corresponderalle a Augas de Galicia.
2. A recadación na vía de constrinximento, incluíndo a concesión de aprazamentos e fraccionamentos de pagamento en período executivo, corresponderalle ao órgano ou á entidade que desempeñe as competencias xerais en materia de aplicación dos tributos propios da Comunidade Autónoma de Galicia.
3. O coñecemento das reclamacións interpostas contra os actos ditados en aplicación do canon de abastecemento corresponderalles aos órganos económico-administrativos da Xunta de Galicia.
4. A potestade sancionadora exercerase consonte o previsto no título IV da Lei 58/2003, do 17 de decembro, xeral tributaria.






Sección 2.ª Elementos do tributo


Artigo 74. Feito imponible

Constitúe o feito imponible do canon de xestión de abastecementos a prestación do servizo de subministro en alta de auga por Augas de Galicia, por si ou mediante calquera das formas previstas na normativa vixente para a xestión do servizo público.



Artigo 75. *Suxeito pasivo*

Son suxeitos pasivos a título de persoas contribuíntes as entidades locais beneficiarias da prestación do servizo, que deberán repercutir o seu importe entre os abonados ao seu servizo de abastecemento en baixa.





Artigo 76. *Base imponible*


Constitúe a base imponible o volume real de auga subministrado ás entidades locais, medido polo contador instalado, expresado en metros cúbicos.





Artigo 77. Cota do canon de xestión de abastecementos

1. A cota do canon de xestión de abastecementos resultará da adición dunha parte fixa e unha parte variable.
2. A parte fixa da cota determinarase en función do diámetro do contador de auga ou caudalímetro, para cada un dos puntos nos que Augas de Galicia subministre auga en cada concello, dividindo o cadrado dese diámetro, expresado en milímetros, entre o quíntuple do número de períodos de liquidación anuais que se establezan.
3. A parte variable será o resultado da multiplicación da base impoñible constituída polo volume subministrado ás entidades locais, en cada un dos distintos puntos de subministro de auga, polo tipo de gravame establecido no artigo seguinte.



[Handwritten signature]





Artigo 78. *Tipo de gravame*

O tipo de gravame do canon de xestión de abastecementos será de 0,2 €/m³.





Artigo 79. *Devengo*

O devengo producirase no momento en que se realice o subministro de auga ás entidades locais.





Artigo 80. *Liquidación*

1. Augas de Galicia liquidará con periodicidade cuatrimestral o canon de xestión de abastecementos ás entidades locais en relación ao volume subministrado en cada punto de subministro no cuatrimestre natural.
2. No caso de substitución do contador dentro do período de facturación, prorratearase a parte fixa da cota en función do tempo de lectura de cada contador dentro do período de liquidación.





Disposición adicional primeira. *Declaración de interese público excepcional da xestión de determinadas infraestruturas vinculadas ao ciclo integral da auga*

1. Considérase que resulta de interese público excepcional a xestión por Augas de Galicia das seguintes infraestruturas de carácter supramunicipal:

a) Estación depuradora de augas residuais e emisario submarino de Praceres, a través da que se presta o servizo de depuración ás seguintes entidades locais responsables do servizo: Concello de Pontevedra, Concello de Marín e Concello de Poio.

b) Sistema de abastecemento de abastecemento en alta da marxe dereita da ría de Arousa, a través do cal se subministra auga ás seguintes entidades locais responsables do servizo: Concello de Padrón, Concello de Valga, Concello de Catoira, Concello de Dodro, Concello de A Pobra, Concello de Ribeira, Concello de Pontecesures, Concello de Boiro, Concello de Rianxo e Concello de Vilagarcía.

2. A xestión das infraestruturas indicadas no apartado anterior dará lugar á aplicación, segundo sexa o caso, do canon de xestión de depuradoras e do canon de xestión de abastecementos establecidos no Título III desta Lei desde a súa entrada en vigor.





Disposición adicional segunda. *Acreditación do número persoas, familia numerosa e riscos de exclusión social*

1. Para os efectos da aplicación do canon de xestión de depuradoras e do canon de xestión de redes de colectores, estarán exentos por risco de exclusión social os suxeitos pasivos que o estean por este motivo no canon da auga á entrada en vigor desta lei. Ademais, para os efectos da aplicación destes canons, entenderase teña sido acreditado aos efectos do canon da auga no momento da entrada en vigor desta lei, así como a condición de familia numerosa para a aplicación da dedución da cota, se esta fose de aplicación en relación co canon da auga no momento da entrada en vigor desta lei.

2. No suposto de asunción por Augas de Galicia da xestión de instalacións de depuración ou de redes de colectores con posterioridade á entrada en vigor desta lei, para os efectos do canon de xestión de depuradoras e de xestión de colectores, respectivamente, estarán exentos por risco de exclusión social os suxeitos pasivos que o estean por este motivo no canon da auga na data na que se produza a dita asunción. Ademais, para os efectos da aplicación destes canons, segundo sexa o caso, entenderase acreditado o mesmo número de persoas que habitan na vivenda que o que teña sido acreditado aos efectos do canon da auga na data na que se produza a dita asunción, así como a condición de familia numerosa para a aplicación da dedución da cota, se esta fose de aplicación en relación co canon da auga na data da asunción.





Disposición adicional terceira. *Aplicación na modalidade de carga contaminante do canon de xestión de depuradoras*

1. Os contribuíntes con captacións propias que no momento da entrada en vigor desta Lei teñan determinada mediante resolución a base impositiva no coeficiente de vertedura, a dita base impositiva será de aplicación no canon de xestión de depuradoras.

2. As perosas contribuíntes que no momento da entrada en vigor desta lei estean tributando na modalidade de carga contaminante no coeficiente de vertedura seguirán tributando nesta modalidade no canon de xestión de depuradoras. A tal efecto o tipo de gravame especial, a base impositiva e, no seu caso, os coeficientes correctores alí determinados, serán de aplicación no canon de xestión de depuradoras.

3. No suposto de asunción de depuradoras ou rede de colectores con posterioridade á entrada en vigor desta Lei, as perosas contribuíntes con captacións propias que, na data de inicio efectivo da prestación do correspondente servizo por Augas de Galicia, teñan determinada mediante resolución a base impositiva no canon da auga, dita base impositiva será de aplicación no canon de xestión de depuradoras e no canon de xestión de redes de colectores, respectivamente.

4. No suposto de asunción de instalacións de depuración con posterioridade á entrada en vigor desta lei, as persoas contribuíntes que na data na que teña lugar o inicio efectivo da prestación por Augas de Galicia como entidade prestadora dos servizos estean tributando na modalidade de carga contaminante no canon da auga tributarán nesta modalidade no canon de xestión de depuradoras. A tal efecto, para a determinación do canon de xestión de depuradoras nesta modalidade deberanse tomar como referencia a base impositiva determinada na resolución do canon da auga, así como as concentracións contaminantes vertidas tomadas como base na resolución vixente do canon da auga e, de ser o caso, os coeficientes correctores que fosen de aplicación.





Disposición adicional cuarta. *Outras entidades*

As referencias ás entidades locais que se realizan no relativo ao volumes mensual ordinario e aos puntos de control aos efectos de liquidar o canon de xestión de depuradoras e o canon de xestión de redes de colectores deben entenderse referidas a outras entidades públicas ás que se lle preste o servizo de depuración e colectores, respectivamente.





Disposición transitoria primeira. *Réxime establecido para as infraestruturas de saneamento e depuración que á entrada en vigor da presente lei estean a ser xestionadas pola entidade pública Augas de Galicia*

1. As infraestruturas de depuración de titularidade municipal que, no momento de entrada en vigor desta lei, están a ser xestionadas por Augas de Galicia son as sinaladas no apartado 1º do Anexo I. Co fin de adaptar esta xestión ao estipulado na presente lei, establécese o seguinte réxime:


a) No caso de que a xestión das referidas infraestruturas estea regulada a través dun convenio de colaboración, as partes deberán proceder á súa actualización no prazo máximo dun ano dende a entrada en vigor desta lei, co obxecto de establecer o volume de depuración mensual ordinario aos efectos da aplicación do canon de xestión de depuradoras establecido no artigo 28 e seguintes, así como de adaptar o resto do seu contido ao réxime disposto nesta lei.

De non producirse a actualización no prazo establecido no parágrafo anterior, e transcorrido, como máximo, un ano adicional, Augas de Galicia porá as infraestruturas de depuración a disposición das administracións públicas titulares e responsables da prestación do servizo, a efectos de que estas asuman a súa xestión e presten o servizo de depuración correspondente, se ben as ditas administracións públicas poderán reclamar a posta a disposición das infraestruturas con anterioridade ao dito prazo.

No caso no que as infraestruturas sexan postas a disposición das administracións responsables da prestación do servizo de subministro en alta con anterioridade ao remate da vixencia dos contratos formalizados por Augas de Galicia, salvo acordo en contrario, estas administracións subrogaranse nos ditos contratos nos termos que especificamente se acordan.

b) No caso de que a xestión destas infraestruturas non estea regulada a través dun convenio de colaboración, serán postas a disposición das administracións públicas titulares e responsables do servizo para a súa xestión nun prazo máximo de dous anos desde a entrada en vigor desta lei, se ben as ditas administracións públicas poderán reclamar a posta a disposición das infraestruturas con anterioridade ao dito prazo.

Non obstante o anterior, aquelas administracións públicas que opten voluntariamente pola continuidade da xestión das instalacións de depuración por parte de Augas de Galicia disporán dun prazo máximo dun ano desde a





entrada en vigor desta lei, para subscribir un convenio de colaboración conforme ao disposto nos artigos 21 e 25 desta lei.

2. As infraestruturas de depuración que, no momento de entrada en vigor desta lei, están a ser xestionadas por Augas de Galicia a través de contratos de concesión de obra pública son as sinaladas no apartado 2º do Anexo I.

Estas infraestruturas serán postas a disposición das administracións públicas responsables do servizo á finalización da vixencia dos contratos de concesión.

Non obstante o anterior, as administracións públicas responsables do servizo poderán optar voluntariamente pola continuidade da xestión destas instalacións de depuración por Augas de Galicia unha vez finalizada a vixencia dos contratos de concesión de obra pública, para o que será requisito indispensable a subscripción, con anterioridade ao último ano de vixencia dos ditos contratos de concesión, dun convenio de colaboración conforme ao disposto nos artigos 21 e 25 desta lei.

En calquera caso, as administracións públicas responsables do servizo poderán reclamar a posta a disposición das infraestruturas de depuración en calquera momento con anterioridade ao remate da vixencia dos contratos de concesión de obra pública, o que implicará, salvo acordo en contrario, a súa subrogación nos ditos contratos nos termos que especificamente se acorden.

3. Nos supostos indicados nos dous apartados anteriores, durante o tempo que transcorra ata a formalización dos convenios ou das actualizacións reguladas ou, de non producirse estas, ata a data do inicio da prestación efectiva do servizo de depuración por parte das administracións públicas responsables, e que non poderá ser superior ao prazo de dous anos dende a entrada en vigor desta lei ou, no seu caso, superior á vixencia dos contratos de concesión de obra pública, será de aplicación o canon de xestión de depuradoras establecido nos artigos 28 e seguintes desta lei, de acordo co disposto no apartado 5 deste artigo.

De non producirse a formalización dos convenios ou das actualizacións reguladas nos apartados anteriores e no excepcional suposto de que, transcorrido o prazo máximo de dous anos desde a entrada en vigor da lei ou superado o prazo de vixencia dos contratos de concesión de obra pública, non se produza a asunción das infraestruturas e a prestación efectiva do servizo por parte das administracións públicas responsables, Augas de Galicia realizará as actuacións necesarias para garantir a continuidade do servizo de





depuración, resultando de aplicación o réxime excepcional establecido nos artigos 27.6 e 33 da lei 9/2010, do 4 de novembro, de augas de Galicia e nas súas normas regulamentarias de desenvolvemento.

Nestes casos, e previos os trámites pertinentes, repercutiranse nas administracións públicas responsables do servizo os custos nos que efectivamente incorra Augas de Galicia con motivo desta asunción excepcional.

4. No suposto de que non se producise a asunción das infraestruturas e a prestación efectiva do servizo por parte das administracións públicas responsables, unha vez transcorrido o prazo máximo de dous anos desde a entrada en vigor da lei sen que se formalizase o convenio ou unha vez superado o prazo de vixencia dos contratos de concesión de obra pública sen que se levasen a cabo as actualizacións reguladas nos apartados anteriores, Augas de Galicia realizará as actuacións necesarias para garantir a continuidade do servizo de depuración, resultando de aplicación o réxime establecido nos artigos 27.6 e 33 da Lei 9/2010, do 4 de novembro, de augas de Galicia e nas súas normas regulamentarias de desenvolvemento.

Os custos nos que efectivamente incorra Augas de Galicia derivados das actuacións que se leven a cabo en garantía da continuidade do servizo, previos os trámites pertinentes, repercutiranse nas administracións públicas responsables do servizo.

5. Desde a entrada en vigor desta lei e ata que non se establezan os volumes de depuración mensuais ordinarios correspondentes, para aquelas instalacións de depuración nas que Augas de Galicia actúe como entidade prestadora dos servizos, serán de aplicación os volumes indicados no Anexo II.

No suposto de que a través das instalacións de depuración Augas de Galicia preste o servizo de depuración a máis dunha entidade local responsable do mesmo, a base liquidable correspondente aos usos urbanos distribuirase entre cada unha desas entidades de conforme ao disposto nos artigos 38 e 39 desta lei.

6. Desde a entrada en vigor desta lei e ata que non se establezan os puntos de control ou, estando estes establecidos, non existan contadores en todos estes puntos, procederase a cuantificar a cota do canon de xestión de depuradoras de acordo co establecido no artigo 46 desta lei, sendo a base





liquidable da depuradora a determinada nos números 1 dos artigos 38 e 39 desta lei. A cota así determinada distribuirase entre as distintas entidades locais proporcionalmente ao volume mensual ordinario aplicable a cada unha das entidades locais no período de liquidación.

Mentres o dito volume mensual ordinario non estea fixado para todas as entidades locais anteditas, a distribución realizarase proporcionalmente ao número de usuarios domésticos computables en cada entidade local. Consideraranse usuarios domésticos computables en cada unha das entidades locais referidas os situados no seu ámbito territorial; no caso de que existan usuarios domésticos situados fóra do ámbito territorial do conxunto desas entidades locais, estes computaranse con aquela á que aflúan ás súas augas residuais. A tal efecto, cada uso asimilado a doméstico reputará como dous usuarios domésticos e os usos non domésticos como cincuenta e seis usuarios domésticos. O canon de xestión de depuradoras así liquidado será regularizado de acordo co establecido no paragrafo anterior unha vez se estableza o volume mensual ordinario de cada entidade local.





Disposición transitoria segunda. *Réxime establecido para as infraestruturas de abastecemento que á entrada en vigor da presente lei estean a ser xestionadas pola entidade pública Augas de Galicia*

1. Co fin de adaptar ao estipulado na presente lei a xestión das infraestruturas de abastecemento que, no momento de entrada en vigor desta lei, estean a ser xestionadas por Augas de Galicia e non se tiveran declarado de interese público excepcional, establécese o seguinte réxime:


a) No caso de que a xestión das referidas infraestruturas estea regulada a través dun convenio de colaboración, as partes deberán proceder á súa actualización no prazo máximo dun ano dende a entrada en vigor desta lei, co obxecto de adaptar o seu contido ao réxime disposto nesta lei.

De non producirse a actualización no prazo establecido no parágrafo anterior, e transcorrido, como máximo, un ano adicional, Augas de Galicia porá estas infraestruturas a disposición das administracións responsables da prestación do servizo de subministro en alta de auga, a efectos de que estas asuman a súa xestión e presten o servizo correspondente, se ben as ditas administracións públicas poderán reclamar a posta a disposición das infraestruturas con anterioridade ao dito prazo.

No caso no que as infraestruturas sexan postas a disposición das administracións responsables da prestación do servizo de subministro en alta con anterioridade ao remate da vixencia dos contratos formalizados por Augas de Galicia, salvo acordo en contrario, estas administracións subrogaranse nos ditos contratos nos termos que especificamente se acorden.

b) No caso de que a xestión destas infraestruturas non estea regulada a través dun convenio de colaboración, serán postas a disposición das administracións públicas responsables do servizo de subministro en alta de auga para a súa xestión nun prazo máximo de dous anos desde a entrada en vigor desta lei, se ben as ditas administracións públicas poderán reclamar a posta a disposición das infraestruturas con anterioridade ao dito prazo.

Non obstante o anterior, aquelas administracións públicas que opten voluntariamente pola continuidade da xestión das instalacións de abastecemento por parte de Augas de Galicia disporán dun prazo máximo dun ano desde a entrada en vigor desta lei, para subscribir un convenio de colaboración conforme ao disposto nos artigos 21 e 25 desta lei.





2. Nos supostos indicados no apartado anterior, durante o tempo que transcorra ata a formalización dos convenios ou das actualizacións reguladas ou, de non producirse estas, ata a data do inicio da prestación efectiva do servizo de subministro en alta de auga por parte das administracións públicas responsables, será de aplicación o canon de xestión de abastecementos establecido nos artigos 71 e seguintes desta lei.

3. No suposto de que non se producise a asunción das infraestruturas e a prestación efectiva do servizo por parte das administracións públicas responsables, unha vez transcorrido o prazo máximo de dous anos desde a entrada en vigor da lei sen que se formalizase o convenio ou unha vez superado o prazo de vixencia dos contratos de concesión de obra pública sen que se levasen a cabo as actualizacións reguladas nos apartados anteriores, Augas de Galicia realizará as actuacións necesarias para garantir a continuidade do servizo de subministro en alta de auga, resultando de aplicación o réxime establecido nos artigos 27.6 e 33 da Lei 9/2010, do 4 de novembro, de augas de Galicia e nas súas normas regulamentarias de desenvolvemento.

Os custos nos que efectivamente incorra Augas de Galicia derivados das actuacións que se leven a cabo en garantía da continuidade do servizo, previos os trámites pertinentes, repercutiranse nas administracións públicas responsables do servizo.





Disposición transitoria terceira. *Xestión do coeficiente de vertedura*

1. Augas de Galicia seguirá determinando e esixindo o coeficiente de vertedura non prescrito cuxos expedientes de xestión, liquidación e recadación se tramitarán de conformidade co disposto na Lei 9/2010 de augas de Galicia e na súa normativa de desenvolvemento, ata a total extinción das débedas correspondentes.

2. As entidades subministradoras e entidades prestadoras do servizo de sumidoiros están obrigadas a repercutir e esixir o coeficiente de vertedura aos seus abonados nas facturas de auga que lles emitan correspondentes a consumos realizados con anterioridade á data de entrada en vigor desta Lei. Igualmente, están obrigadas a repercutir o coeficiente de vertedura ás subministracións non facturadas reguladas no artigo 63 da Lei 9/2010, de augas de Galicia.

Así mesmo, están obrigadas a presentar os modelos a que se refire o citado artigo da Lei 9/2010, do 4 de novembro, de augas de Galicia, nos prazos alí sinalados, mentres existan importes de coeficiente de vertedura facturados ou percibidos.

3. As infraccións por incumprimento das obrigas de repercutir ou a repercusión incorrecta do coeficiente de vertedura por consumos realizados con anterioridade á data de entrada en vigor da Lei serán sancionables de acordo co réxime sancionador establecido nos artigos 71 a 74 da Lei 9/2010, do 4 de novembro, de augas de Galicia.





Disposición transitoria cuarta. *Aplicación da normativa relativa ao coeficiente de vertedura*

1. En tanto que o Consello da Xunta de Galicia non faga uso das facultades regulamentarias que lle outorga a presente lei aplicarase, no relativo ao canon de xestión de depuradoras e ao canon de xestión de redes de colectores, a regulación establecida para o coeficiente de vertedura polo Decreto 136/2012, do 31 de maio, polo que se aproba o Regulamento do canon da auga e do coeficiente de vertedura a sistemas públicos de depuración de augas residuais en todo o que non se opoña a esta Lei, así como a Orde do 26 de xuño de 2012 pola que se aproban os modelos de declaración e autoliquidación do canon da auga e do coeficiente de vertedura creados pola Lei 9/2010, do 4 de novembro, de augas de Galicia. A tal efecto, as referencias ao coeficiente de vertedura nas citadas normas debe entenderse referida, segundo corresponda, ao canon de xestión de depuradoras e ao canon de xestión de redes de colectores.

2. Para a determinación nos usos urbanos do canon da explotación de depuradoras e do canon de explotación de colectores, e mentres non se dite o regulamento ao que se fai referencia no número anterior, procederase do seguinte xeito:

a) As empresas xestoras das instalacións de depuración e das redes de colectores veñen obrigadas a comunicar con periodicidade cuatrimestral os volumes mensuais medidos nos contadores instalados nos puntos de control de cada entidade local.

b) As empresas xestoras das instalacións de depuración veñen obrigadas a comunicar con periodicidade cuatrimestral os informes analíticos mensuais realizados nos puntos de control de cada entidade local. No caso de que sexa realizada máis dunha toma de mostra mensual, o valor que se considerará aos efectos de determinar o coeficiente de contaminación establecido no artigo 46 será o valor promedio para cada parámetro analizado, considerándose como valor 0 aqueles resultados que estean por debaixo do límite de detección.

c) As declaracións sinaladas nas letras a) e b) deberán ser presentadas nos vinte primeiros días naturais de cada cuatrimestre en relación ao cuatrimestre inmediato anterior.

d) Augas de Galicia liquidará con carácter cuatrimestral o canon de xestión de depuradoras cando non correspondente cuatrimestre o volume mensual






contabilizado na entrada da depuradora sexa superior ao volume mensual ordinario de dita depuradora ou cando a concentración mensual dalgún dos parámetros analizados na entrada da depuradora sexa superior á concentración base establecida no artigo 46. Neste suposto a base liquidable cuadrimestral para cada unha das partes variables da cota do canon ás que se fai referencia no número 1 do artigo 46 será a suma das bases liquidables mensuais, determinadas de acordo co sinalado nos artigos 38 e 39, nas que se produza o exceso de volume ou concentración indicado, segundo corresponda.

e) Augas de Galicia liquidará con carácter cuadrimestral o canon de xestión de redes de colectores cando no correspondente cuadrimestre o volume mensual contabilizado na entrada das instalacións de depuración sexa superior ao volume mensual ordinario. Neste suposto a base liquidable cuadrimestral será a suma das bases liquidables mensuais, determinadas de acordo co sinalado no artigo 56, nas que se produza o exceso de volume.



Disposición derogatoria única

1. Queda derogado o Capítulo III do Título IV da Lei 9/2010, do 4 de novembro, de augas de Galicia.
2. Igualmente quedan derogadas cantas outras disposicións de igual ou inferior rango se opoñan ao establecido nesta lei.





Disposición derradeira primeira. *Modificación da Lei 9/2010, de 4 de novembro, de augas de Galicia*

A Lei 9/2010, de 4 de novembro, de augas de Galicia, queda modificada como segue:

Un. Modifícase o número 41, 45 e engádese un novo número 32.bis e outro 44.bis ao artigo 2, que queda redactado do seguinte xeito:


"32.bis Redes de abastecemento: o conxunto das redes básicas de abastecemento e as redes de subministro, entendendo por estas últimas as instalacións afectadas ao abastecemento de auga en baixa.

41 Usos da auga: as distintas clases de utilización do recurso, así como calquera outra actividade que teña repercusións significativas no estado das augas, incluídas as perdas de auga en redes de abastecemento. Para os efectos da aplicación do principio de recuperación de custos, os usos da auga deberán considerar, cando menos, o consumo para uso doméstico, os usos non domésticos, os usos agrarios e as perdas de auga en redes de abastecemento.

44.bis Perdas de auga nas redes de abastecemento e subministro: os usos da auga determinados polo volume de auga que, incorporado a unha rede de abastecemento coa finalidade de ser subministrado ás persoas usuarias finais, nin chega a ser consumida por estes usuarios finais nin pola propia entidade subministradora, senón que se perde ao longo da rede de abastecemento, distribución e subministro

45. Persoas usuarias da auga: son persoas usuarias da auga as persoas físicas, xurídicas ou as entidades do artigo 35.4 da Lei xeral tributaria que usen ou consuman auga de calquera procedencia, con calquera finalidade e mediante calquera aplicación. Para estes efectos, entenderase que é usuario da auga:

- a) No suposto de abastecemento de auga por entidade subministradora, a persoa titular do contrato de subministro.
- b) As comunidades de usuarios que estean legalmente constituídas.
- c) No suposto de perdas de auga nas redes de abastecemento, as persoas titulares das ditas redes, sexan ou non entidades subministradoras.





d) No resto dos casos, quen adquira a auga ou realice o uso dela para o seu consumo directo ou quen figure como persoa titular do aproveitamento dende o que se realiza a captación da auga inscrito no Rexistro de Augas e, en defecto de autorización, concesión ou inscrición, a persoa titular da instalación dende a que se realice a captación, así como tamén as persoas titulares das instalacións dende as que se realicen os vertidos

Dous. Modifícase o número 1 do artigo 28, que queda redactado como segue:

Decláranse de interese da Comunidade Autónoma de Galicia, nos termos en que regulamentariamente se determine, as obras incluídas expresamente coa dita cualificación no Plan xeral galego de abastecemento e no Plan xeral galego de saneamento, aos que se refire o artigo 34, e as incluídas coa dita cualificación no Plan hidrolóxico para a demarcación hidrográfica de Galicia-Costa, ao que se refire o artigo 75 desta mesma lei.

Tres. Modifícase o número 3 do artigo 40 que terá o redactado seguinte

"3. A normativa de aplicación ao canon da auga creado por esta lei vén constituída por esta lei e as súas normas de desenvolvemento, pola Lei xeral tributaria e as súas normas de desenvolvemento, así como polo texto refundido da Lei de réxime financeiro e orzamentario de Galicia."

Catro. Suprímese o número 2 do artigo 41 e os números 3 e 4 pasan a ser o 2 e 3, respectivamente

Cinco. Modifícase o número 1 do artigo 45 que terá o redactado seguinte:

"1. Constitúe o feito impoñible do canon da auga o uso ou consumo real ou potencial de auga de calquera procedencia, con calquera finalidade e mediante calquera aplicación, incluso non consuntiva, a causa da afección ao medio que a súa utilización puidera producir, considerándose incluída dentro desta afección a incorporación de contaminantes nas augas así como a perda de auga nas redes de abastecemento, e sen prexuízo dos supostos de non suxeición e exención contemplados no artigo 47. A estes efectos enténdese por redes de abastecemento o conxunto de actividades que comprenden os servizos indicados nas letras a) e b) do número 16 do artigo 2."

Seis. Modifícase o número 1 do artigo 46 que terá o redactado seguinte:





“1. Son suxeitos pasivos a título de persoas contribuíntes as persoas físicas, xurídicas ou as entidades do artigo 35º.4 da Lei 58/2003, xeral tributaria, que usen ou consuman real ou potencialmente a auga de calquera procedencia, con calquera finalidade e mediante calquera aplicación, mesmo non consuntiva, por causa da afección ao medio que a súa utilización poida producir, incluída a incorporación de contaminantes nas augas e a perda de auga nas redes de abastecemento”

Sete. Modifícase o número 4 e engádese un novo número 5 ao artigo 46 que terán os redactados seguintes:

4. No suposto de perdas de auga en redes de abastecemento, terán a condición de suxeito pasivo a título de persoa contribuínte as persoas físicas e xurídicas titulares de ditas redes, sexan ou non entidades subministradoras.”

5. Son persoas responsables solidarias:

- No caso de vivendas, a persoa titular do contrato de subministro, no caso de non ser contribuínte, e a propietaria da vivenda

- No caso de captacións propias, as persoas titulares dos aproveitamentos, no caso de non ser contribuíntes, e as titulares das instalacións mediante as cales ou desde as cales se produzan as captacións ou realicen os vertidos contaminantes

- No caso de utilización da auga por parte das persoas comuneiras que pertencen a unha comunidade de usuarios legalmente constituída, a comunidade de usuarios

- No caso de perdas en redes de abastecemento, a entidade subministradora no caso de non ser contribuínte.

Oito. Modifícanse os números 1 e 2 do artigo 48 que queda redactado do seguinte xeito:

1. Constitúe a base impoñible o volume real ou potencial de auga utilizado ou consumido en cada mes natural, expresado en metros cúbicos, agás no relativo ás perdas de auga en redes de abastecemento onde a base impoñible virá referida ao ano natural.





Non obstante, nos seguintes supostos a base impositiva virá constituída do seguinte xeito:

a) No caso dos usos non domésticos que dispoñan de contadores homologados de caudal de vertedura, na modalidade de carga contaminante poderán considerarse como base impositiva á que se aplique o tipo de gravame especial o volume de vertedura, nas condicións que se determinen regulamentariamente.

b) Nos usos da auga destinados á produción hidroeléctrica mediante o turbinado directo de auga a base impositiva do canon da auga virá constituída polos Kwh producidos.

c) Nas instalacións hidroeléctricas de bombeo a base impositiva virá determinada polo volume de auga bombeado desde o dominio público hidráulico cara os embalses

2. A determinación da base impositiva realizarase, con carácter xeral, en réxime de estimación directa, mediante contadores homologados. Para estes efectos, os usuarios están obrigados a instalar e manter pola súa conta un mecanismo de medición directa da auga efectivamente usada ou consumida.

Así mesmo, as persoas titulares das redes de abastecemento deben dispoñer de contadores homologados de medición de consumo de auga en todos os puntos de captación ou de subministro en alta e nos puntos de subministro final en alta ou en baixa, factúrese ou non a auga, incluídos os consumos propios da entidade subministradora de auga, entre os cales se engloban, entre outros, os consumos vinculados a usos non suxeitos ao canon da auga ou exentos do seu pagamento, de acordo co establecido no artigo 47. No suposto de existir puntos de subministro sen contador instalado, ese volume reputarase como perdas aos efectos de determinar a base impositiva do canon da auga.

Nove. Engádesse un novo número 3 ao artigo 49 que queda redactado do seguinte xeito:

"3. No caso de perdas de auga en redes de abastecemento, o volume será a diferenza entre o volume captado ou subministrado en alta e o volume de auga subministrado en alta ou en baixa, sexa ou non obxecto de facturación, incluídos os consumos propios da entidade





subministradora, medidos ambos volumes por contador, expresado en metros cúbicos. O volume anual así determinado entenderase distribuído de xeito lineal ao longo do ano natural.”

Dez. Introdúcese un novo parágrafo no número 4 do artigo 53 que terá o redactado seguinte:

“Non obstante, naqueles supostos onde o concello teña establecido un sistema tarifario para as súas taxas que teña en conta o número de persoas empadroadas e dita acreditación sexa realizada de oficio en base aos datos obrantes no padrón municipal, na facturación do canon da auga terase en conta o número de persoas acreditado polo concello, de acordo cos requisitos que se establezan na correspondente ordenanza municipal.”

Once. Modifícase o número 8 do artigo 56 que terán a seguinte redacción

Nos vertidos non domésticos efectuados en zonas que, de acordo coa normativa vixente, fosen declaradas sensibles, os parámetros de contaminación veranse afectados polo seguinte coeficiente de zona sensible (CZS)


Parámetro de contaminación	Coficiente de zona sensible
Nitróxeno total	1,1
Fósforo total	1,1
Resto de parámetros	1

Dentro das zonas sensibles están afectados por este coeficiente tanto os vertidos realizados directamente ao dominio público hidráulico e marítimo-terrestre, coma os realizados a sistemas públicos de saneamento.

Doce. Suprímese o número 6 e modifícase o número 5 do artigo 57 que terá a seguinte redacción

5. Os tipos de gravame variables polo uso da auga para á produción hidroeléctrica serán:

a) para os usos da auga para á produción hidroeléctrica mediante o seu turbinado directo: 0,00041 €/kWh.





b) nas instalacións hidroeléctricas de bombeo aplicarase 0,000103 €/m³ de auga bombeado desde o dominio público hidráulico cara os embalses.

Deberase facturar de forma diferenciada as partes da cota variable derivadas de cada un dos supostos especificados nas letras anteriores

Trece. Engádesse un novo artigo 61 bis co redactado seguinte

61 bis.- Perdas de auga nas redes de abastecemento

1. A cota determinarase mediante a aplicación dos seguintes tipos de gravame a cada tramo de porcentaxe que representan as perdas determinadas de acordo co indicado no número 3 do artigo 49 en relación co volume total de auga captada ou subministrada en alta.


<i>% Volume de perdas</i>	<i>Tipo de gravame</i>
<i>Menor ou igual ao 20%</i>	<i>0,00 €/m³</i>
<i>Maior do 20%</i>	<i>0,29 €/m³</i>

2 A cota do canon determinada consonte o indicado no apartado anterior verase afectado polo coeficiente demográfico seguinte en función da poboación do concello no ano de aplicación

<i>Poboación (habitantes)</i>	<i>Coeficiente demográfico</i>
<i>Menor ou igual ao 1.000</i>	<i>0,7</i>
<i>Maior de 1.000 e menor ou igual a 5.000</i>	<i>0,8</i>
<i>Maior de 5.000 e menor ou igual a 20.000</i>	<i>0,9</i>
<i>Maior do 20.000</i>	<i>1</i>

Catorce. Modifícanse os números 4, 7 e 10 do artigo 63 que terán a seguinte redacción:

"4. As entidades subministradoras deberanlles aplicar de oficio ás persoas abonadas as correspondentes cotas do canon que en cada momento se atopen vixentes, tanto no que se refire á parte fixa da cota coma á parte variable, agás nos supostos de determinación do canon da auga por carga contaminante, nos que Augas de Galicia lles comunicará as tarifas aplicables.





Esta obriga de repercusión esténdese ás facturas que se emitan como resultado da rectificación ou anulación doutras anteriores, incluso no suposto de que ditos importes xa fosen autoliquidados ou xustificados como non cobrados de acordo co indicado no número 10 deste artigo.

7. Establécese a obriga das entidades subministradoras de auga de presentar autoliquidación durante os meses de xaneiro, maio e setembro, en relación cos respectivos cuadrimestres naturais de cada ano, das cantidades repercutidas ou que se deben repercutir en concepto de canon da auga, no lugar e forma que se determinen regulamentariamente. Así mesmo, nestas autoliquidacións deberanse declarar os importes repercutidos e non percibidos aos efectos de quedar exonerados do seu ingreso ou, no suposto de non acompañar a relación á que fai referencia o número 10 deste artigo, proceder ao seu ingreso.”

10. A xustificación das cantidades non cobradas ás que se refire o número anterior realizarase na forma e nos prazos que regulamentariamente se establezan, e nela conterase unha relación individualizada das débedas tributarias repercutidas ás persoas contribuíntes e non satisfeitas por estas.

A presentación desta relación no prazo regulamentariamente establecido exonera ás entidades subministradoras de responsabilidade en relación coas débedas tributarias contidas nela, agás que o procedemento recadatorio seguido non fose unitario co de recadación dos dereitos que correspondan pola subministración de auga. De non presentarse dita declaración ou de presentarse fóra do prazo establecido, a entidade subministradora vira obrigada ao pagamento dos importes repercutidos e non percibidos. Esta obriga será exixible desde a data en que, de acordo co que se determine regulamentariamente, procedería a súa xustificación como importes non cobrados na autoliquidación

Unha vez xustificadas os importes repercutidos e non percibidos na forma e prazo sinalado neste artigo, se durante o período dun ano, contado desde a presentación da relación, o contribuínte pretende efectuar o pagamento da factura ou do recibo en que estea incluído o canon da auga declarado, a entidade subministradora non poderá admitilo de forma incompleta, e quedará obrigada a percibir o importe





do canon da auga. Neste caso, o suxeito pasivo substituto deberá declarar e ingresar o importe do canon da auga na forma regulamentariamente establecida.

Así que as entidades subministradoras xustifiquen estas cantidades, exixiráselle o cumprimento directamente ao contribuínte na vía executiva, agás no caso de que da xestión recadatoria seguida pola entidade subministradora non exista constancia da notificación da débeda ao contribuínte, en cuxo caso estas débedas serán notificadas aos contribuíntes por Augas de Galicia para o seu ingreso en período voluntario, antes de pasar, de proceder, á súa exacción na vía executiva.

Esta notificación para o seu ingreso en período voluntario poderase levar a cabo mediante publicación colectiva, outorgándose un prazo dun mes natural para que as persoas interesadas se presenten persoalmente perante Augas de Galicia para seren notificados por comparecencia dos importes repercutidos e non aboados, advertíndolles que, transcorrido o mencionado prazo sen efectuarse a comparecencia, a notificación se entenderá producida desde o día seguinte ao do vencemento do prazo sinalado para comparecer”

Quince. Modifícase o número 3 e engádense uns novos números 4 e 5 ao artigo 65 que terán a seguinte redacción:

3. Todas as persoas titulares e usuarias de aproveitamentos de augas procedentes de captacións superficiais, subterráneas, pluviais ou de calquera outra procedencia suxeitos ao canon da auga, agás no caso dos usos domésticos, están obrigadas a presentar unha declaración ante Augas de Galicia na forma, lugar e prazos e mediante os modelos e consonte coas instrucións que estableza a consellería con competencias en materia de xestión destes canons. Esta obriga esténdese ás persoas abonadas das entidades subministradoras de auga cando así sexan expresamente requiridas por Augas de Galicia para a súa presentación.

4. As persoas titulares das redes de abastecemento veñen obrigadas a declarar dentro dos tres primeiros meses de cada ano natural o volume total captado ou procedente de subministro en alta e o volume total subministrado no ano natural inmediato anterior, incluídos os consumos propios, no lugar e forma e segundo os modelos e de





conformidade coas instrucións que se aproben regulamentariamente. Augas de Galicia liquidará o canon da auga pola modalidade de perdas de auga nas redes de abastecemento aos suxeitos pasivos en calidade de contribuíntes consonte coa lei xeral tributaria e as súas normas de desenvolvemento

5. As declaracións e autoliquidacións do canon da auga deberán presentarse obrigatoriamente por medios electrónicos.

As ditas presentacións deberán realizarse cubrindo os formularios electrónicos dos correspondentes modelos de declaración e autoliquidación na sede electrónica da Xunta de Galicia mediante a súa tramitación en liña. Durante a súa tramitación en liña deberán axuntarse os arquivos informáticos que, no seu caso, se establezan regulamentariamente.

No caso de que se presente a declaración ou autoliquidación presencialmente ou esta se presente electronicamente pero sen cubrir o formulario na sede, considerarase como non presentada, sen prexuízo da apertura, no seu caso, do correspondente expediente sancionador de concorrer o establecido no artigo 199 da Lei Xeral Tributaria

Reglamentariamente poderase establecer a obriga de presentar os diferentes arquivos informáticos que deben acompañar a estas autoliquidacións mediante as plataformas web que se establezan.

6. A consellería competente para a aplicación do canon da auga poderá dispor que as declaracións e autoliquidacións del se efectúen mediante os programas informáticos de axuda que, de ser o caso, se aproben.

Dezaseis. Modifícase o artigo 72 que terá a seguinte redacción:

Artigo 72. Infracción tributaria por incumprir a obriga de repercutir o canon da auga na factura da auga

1. Constitúe infracción tributaria incumprir a obriga de repercutir o canon da auga nas facturas ou nos recibos que emita a entidade subministradora para documentar a contraprestación dos seus servizos. Neste suposto inclúese o incumprimento da obriga de liquidar o canon da auga nas subministracións non facturadas ás persoas abonadas, mesmo os consumos propios das entidades





subministradoras, nos termos que regulamentariamente se determinen, así como o incumprimento da prohibición da súa repercusión de forma separada da factura ou recibo que emita a entidade subministradora para documentar a contraprestación dos seus servizos.

2. A infracción tributaria será leve cando o importe non repercutido, ou repercutido de forma separada, do canon da auga sexa inferior ou igual a 3.000 euros ou, sendo superior, o número de recibos de auga emitidos sen incluír o canon da auga sexa inferior ou igual a 10.

3. A infracción tributaria será grave cando o importe non repercutido, ou repercutido de forma separada, do canon da auga sexa superior a 3.000 euros.

4. A base da sanción será o canon da auga non repercutido, ou repercutido de forma separada, como resultado da comisión da infracción.

5. A sanción por infracción leve consistirá nunha multa pecuniaria proporcional do 25 % da base.

6. A sanción por infracción grave consistirá nunha multa pecuniaria proporcional do 40 % da base.

7. A sanción por infracción grave graduarase incrementando a porcentaxe indicada no número anterior conforme os criterios de comisión repetida de infraccións tributarias e de prexuízo económico para a Facenda pública, cos incrementos porcentuais previstos para cada caso nas letras a) e b) do número 1 do artigo 187 da Lei 58/2003, do 17 de decembro, xeral tributaria.

Dezasete. Modifícase o artigo 73 que terá a seguinte redacción:

Artigo 73. Infracción tributaria por repercutir incorrectamente o canon da auga con prexuízo económico para a Facenda pública

1. Constitúe infracción tributaria repercutir incorrectamente o canon da auga nas facturas ou nos recibos que emita a entidade subministradora para documentar a contraprestación dos seus servizos, ou repercutilo en documento separado, cando desta





repercusión incorrecta se produza ou se poida producir prexuízo económico para a Facenda pública.

2. A base da sanción será a diferenza entre o canon da auga repercutido e o que procedía repercutir.

3. A cualificación da sanción como leve ou grave, así como a determinación da súa sanción, realizarase consonte o establecido nos números 2 a 7 do artigo anterior.

Dezaoito. Modifícase o artigo 74 que terá a seguinte redacción:

Artigo 74. Infracción tributaria por repercutir incorrectamente o canon da auga sen prexuízo económico para a Facenda pública

1. Constitúe infracción tributaria leve repercutir incorrectamente o canon da auga nas facturas ou nos recibos que emita a entidade subministradora para documentar a contraprestación dos seus servizos cando desta repercusión incorrecta non se produza ou non se poida producir prexuízo económico para a Facenda pública.

2. A base da sanción será a diferenza entre o canon da auga repercutido e o que procedía repercutir.

3. A sanción consistirá nunha multa pecuniaria proporcional do 10 % da base.





Disposición derradeira segunda. *Habilitación para o desenvolvemento normativo.*

1. Habilítase ao Consello da Xunta de Galicia para ditar as disposicións que sexan necesarias para a aplicación desta lei.
2. Aos efectos da habilitación establecida no número anterior considéranse obxecto de norma regulamentaria as disposicións contidas nesta Lei en relación ao lugar, forma e prazos de presentación das declaracións e autoliquidacións do canon de xestión de depuradoras, canon de xestión de redes de colectores e canon de xestión de abastecemento.





Disposición derradeira terceira. *Entrada en vigor*

1. Esta Lei entrará en vigor o día 1 do mes natural seguinte ao da súa publicación no Diario Oficial de Galicia.
2. Os usos da auga polas perdas de auga nas redes de abastecemento non serán obxecto de gravame ata o 1 de xaneiro de 2023.



Alfonso Rueda Valenzuela
Vicepresidente primeiro e conselleiro de
Presidencia, Xustiza e Turismo



ANEXO I

1º Depuradoras de titularidade municipal que no momento de entrada en vigor desta lei están sendo xestionadas por Augas de Galicia:

Infraestruturas de depuración	Entidades locais titulares das infraestruturas aos efectos do disposto nesta lei e responsables do servizo de depuración
Edar da Illa de Arousa	Concello de Illa de Arousa
Edar de Alfoz – O Valadouro	Concello de Alfoz e Concello de O Valadouro
Edar de Arcade	Concello de Soutomaior, Concello de Vilaboa e Concello de Pontevedra
Edar de Comboa	Concello de Soutomaior
Edar de Dena	Concello de Meaño
Edar de Gondomar	Concello de Gondomar
Edar de Nigrán	Concello de Nigrán
Edar de Ortigueira	Concello de Ortigueira
Edar da Pobra do Caramiñal	Concello de Pobra do Caramiñal
Edar de Ponte Caldelas	Concello de Ponte Caldelas
Edar de Ribadumia	Concello de Ribadumia
Edar de Riomaior	Concello de Vilaboa
Edar de Tomiño	Concello de Tomiño
Edar de Tragove	Concello de Cambados e Concello de Vilanova de Arousa

2º Depuradoras que no momento de entrada en vigor desta lei están sendo xestionadas por Augas de Galicia a través de contratos de concesión de obra pública

Infraestruturas de depuración	Entidades locais responsables do servizo de depuración
Edar de Punta Avarenta	Concello de Ares, Concello de Fene e Concello de Mugar dos
Edar de Baiona	Concello de Baiona
Edar de Camariñas	Concello de Camariñas
Edar de Cariño	Concello de Cariño






Edar de Cedeira	Concello de Cedeira
Edar de Esteiro	Concello de Muros
Edar de Laxe	Concello de Laxe
Edar de Melide	Concello de Melide
Edar de Moraña	Concello de Moraña
Edar de Muros	Concello de Muros
Edar de Ponte do Porto	Concello de Camariñas
Edar de Porto do Son	Concello de Porto do Son
Edar de Ribadeo	Concello de Ribadeo



ANEXO II

Volumes de depuración mensuais ordinarios de referencia:

Infraestruturas de depuración	Volumes de depuración mensuais ordinarios de referencia
	m³/mes
Edar de A Illa de Arousa	58.377,00
Edar de Alfoz - O Valadouro	14.938,00
Edar de Arcade	87.803,00
Edar de Baiona	192.488,00
Edar de Camariñas	28.978,00
Edar de Cariño	41.084,00
Edar de Cedeira	65.536,00
Edar de Comboa	19.196,00
Edar de Dena	179.349,00
Edar de	25.730,00
Edar de Gondomar	198.251,00
Edar de Laxe	24.514,00
Edar de Melide	71.892,00
Edar de Moraña	14.494,00
Edar de Muros	65.942,00
Edar de Nigrán	271.288,00
Edar de Ortigueira	26.305,00
Edar de Praceres	1.805.045,00
Edar de Pobra do Caramiñal (A)	147.949,00
Edar de Ponte Caldelas	13.910,00
Edar de Ponte do Porto	7.693,00
Edar de Porto do Son	50.451,00
Edar de Punta Avarenta	296.636,00
Edar de Ribadeo	104.112,00
Edar de Ribadumia	144.902,00
Edar de Riomaior	32.556,00
Edar de Tomiño	75.105,00
Edar de Tragove	268.521,00




Proxecto de lei de mellora da xestión do ciclo integral da auga

- Acordo de inicio da tramitación do anteproxecto de lei de mellora da xestión do ciclo integral da auga
- Anteproxecto de lei de mellora da xestión do ciclo integral da auga
- Memoria xustificativa de Augas de Galicia
- Memoria económica de Augas de Galicia
- Certificacións da directora da Área de Administración Dixital na Axencia para a Modernización Tecnolóxica de Galicia, da exposición pública na fase de envío de suxestións, no portal de Transparencia e bo Goberno
- Informe de impacto de xénero, da Secretaría Xeral de Igualdade
- Informe da Dirección Xeral de Avaliación e Reforma Administrativa
- Observacións á análise de impacto demográfico, da Dirección Xeral de Familia, Infancia e Dinamización Demográfica
- Memoria económica de Augas de Galicia
- Informe de sostibilidade financeira, da Consellería de Facenda e Administración Pública
- Informe sobre a tramitación e as alegacións do Consello Reitor de Augas de Galicia
- Ditame do Consello Económico e Social de Galicia
- Memoria xustificativa de Augas de Galicia, respecto das consideración recollidas no Ditame do Consello Económico e Social de Galicia
- Informe da asesoría xurídica da Consellería de Infraestruturas e Mobilidade
- Anteproxecto de lei de mellora da xestión do ciclo integral da auga





ACORDO DE INICIO DA TRAMITACIÓN DO ANTEPROXECTO DE LEI DE MELLORA DA XESTIÓN DO CICLO INTEGRAL DA AUGA

De acordo co disposto no artigo 34.5 da Lei 1/1983, de 22 de febreiro, de normas reguladoras da Xunta e da súa Presidencia e no artigo 5.1 do Decreto 111/1984, do 5 de maio, polo que se aproba o Regulamento de réxime interior da Xunta de Galicia,

ACORDO:

Que o ente publico Augas de Galicia inicie a tramitación do Anteproxecto de Lei de mellora da xestión do ciclo integral da auga.

Santiago de Compostela,

A conselleira de Infraestruturas e Mobilidade

Ethel M^a Vázquez Mourelle

DILIXENCIA: Para facer constar que o presente documento foi compulsado, cunha copia que se conserva fielmente.

Santiago, 14 de maio de 2022

QUARTO DE SECCIÓN,

Paulino Suárez Domínguez



ANTEPROXECTO DE LEI DE MELLORA DA XESTIÓN DO CICLO INTEGRAL DA AUGA

DILIXENCIA: Para facer constar que a presente fotocopia foi compulsada, co seu orixinal, concordando fielmente.

Santiago, 11 MAR. 2022

O XEFE DE SECCION,
Paulino Suárez Domínguez





ANTEPROXECTO DE LEI DE MELLORA DA XESTIÓN DO CICLO INTEGRAL DA AUGA1

EXPOSICIÓN DE MOTIVOS3

TÍTULO I: DISPOSICIÓN XERAIS DA XESTIÓN DO CICLO INTEGRAL DA AUGA12

TÍTULO II: MEDIDAS PARA A MELLORA DO CICLO INTEGRAL DA AUGA E DA PRESTACIÓN DOS SERVIZOS15

CAPÍTULO I: MEDIDAS PARA MELLORAR A ORDENACIÓN DA XESTIÓN DO CICLO INTEGRAL DA AUGA15

CAPÍTULO II: MELLORA DA PRESTACIÓN DOS SERVIZOS21

CAPÍTULO III: MEDIDAS PARA A MELLORA DA XESTIÓN DO CICLO INTEGRAL DA AUGA NO ÁMBITO AUTONÓMICO23

TÍTULO III: SISTEMA DE FINANCIAMENTO DA XESTIÓN DO CICLO INTEGRAL DA AGUA POR AUGAS DE GALICIA29

CAPÍTULO I: SISTEMA DE FINANCIAMENTO DA XESTIÓN DO CICLO INTEGRAL DA AGUA29

CAPÍTULO II: CANON DE XESTIÓN DE DEPURADORAS29

CAPÍTULO III: CANON DE XESTIÓN DE REDES DE COLECTORES39

CAPÍTULO IV: NORMAS COMÚNS PARA A XESTIÓN DO CANON DE XESTIÓN DE DEPURADORAS E DE XESTIÓN DE REDES DE COLECTORES46

CAPÍTULO V: CANON DE XESTIÓN DE ABASTECIMENTOS50

DISPOSICIÓN ADICIONAIS:52

DISPOSICIÓN TRANSITORIAS:54

DISPOSICIÓN DERROGATORIAS:55

DISPOSICIÓN FINAIS:56

ANEXO I:61

ANEXO II:62

DILIXENCIA: Para facer constar que a presente fotocopia foi compulsada, co seu orixinal, concordando fielmente

Santiago, 11 MAR. 2022

O XEFE DE SECCIÓN,

Paulino Suárez Domínguez





Santiago, 11 MAR, 2022

O XEFE DE SECCIÓN,
Paulino Suárez Domínguez

EXPOSICIÓN DE MOTIVOS

A auga é un ben esencial e escaso tanto para os cidadáns como para a actividade económica de calquera sector e faise necesario, garantir unha subministración e un tratamento de auga seguro, previsible e sobre todo de calidade.

Para iso, requírese non só un conxunto de infraestruturas que permitan almacenar, potabilizar, distribuír e depurar a auga, senón que é imprescindible a súa correcta explotación e mantemento. É certo que nas últimas décadas, Galicia, cunha gran dispersión territorial, experimentou igualmente un enorme salto cualitativo na extensión territorial de servizos de abastecemento e depuración de auga grazas á dotación das infraestruturas necesarias. Con todo, estas infraestruturas deben de ir compasadas e acompañadas dunha boa xestión que permita prestar os servizos con calidade e eficacia para o que se precisa dunha capacidade técnica e económica que, en moitos casos, carecen os municipios galegos.

Na actualidade Galicia enfróntase a un conxunto de importantes e urxentes retos ambientais relacionados, por unha banda, co cumprimento dunha normativa europea cada vez máis esixente en materia ambiental, en concreto a Directiva 2000/60/CE, do Parlamento Europeo e do Consello, do 23 de outubro, Directiva Marco da auga e, por outra, coa escaseza crecente de auga, dado que xa se empezan a percibir os efectos dun cambio climático, que presenta indicios de modificar o réxime da pluviometría da nosa comunidade dando lugar a períodos de escaseza de auga.

Neste contexto, o avanzar no cumprimento da Directiva Marco da auga e no consumo responsable, a xestión eficiente e eficaz do ciclo integral da auga convértese nun dos retos emerxentes máis importantes en materia ambiental. Un reto que é responsabilidade de todos alcanzar.

Todo iso obriga a levar a cabo unha profunda reflexión sobre o actual marco regulatorio da xestión de infraestruturas e servizos que forman parte do ciclo integral da auga para procurar unha xestión máis eficiente destas, optimizar os recursos das distintas administracións e lograr elevados niveis de calidade de servizo para todos os cidadáns.

A superación dos retos ambientais e económicos que teñen a día de hoxe os Entes Locais vese dificultada tanto pola complexidade técnica intrínseca da xestión dos servizos do ciclo integral de auga así como pola dificultade en alcanzar a sustentabilidade económica e financeira destes servizos. Nisto último, pódese afirmar que, nos Municipios con núcleos máis pequenos, o custo da prestación do servizo por habitante, nunhas mesmas condicións de calidade, é maior que nas





Santiago, 11 MAR. 2022



O XEFE DE SECCIÓN,

Paulino Suárez Domínguez

ciudades, xa que as instalacións de abastecemento e saneamento teñen uns custos fixos que hai que repartir entre menos usuarios.

En definitiva, unha boa xestión das infraestruturas que permita prestar eses servizos con calidade e eficacia precisa dunha capacidade técnica e económica da que carecen a maioría dos concellos galegos. Existe unha gran disparidade territorial tanto na cobranza dos servizos aos cidadáns como no esforzo dos concellos pola explotación das infraestruturas.

Como consecuencia de todo o anterior, actualmente en Galicia obsérvanse deficiencias tanto nas infraestruturas como na organización técnica e económica dos servizos municipais.

As anteriores consideracións aconsellan unha implicación conxunta das deputacións provinciais e da Comunidade Autónoma en colaboración cos concellos, ofrecéndolles un instrumento para a xestión do ciclo integral da auga baseado tanto na voluntariedade (requisito básico en tanto a competencia corresponde ás Entidades Locais) como a colaboración e o compromiso ambiental do cumprimento da Directiva Marco da auga, buscando unha xestión consensuada e equilibrada do ciclo integral da auga, no ámbito de competencias de cada unha das administracións implicadas.

A Lei 7/1985, do 2 de abril, reguladora das bases do Réxime Local, regula no seu artigo 26 os servizos que, como mínimo, deben prestar os Concellos. A obrigatoriedade de tales servizos establécese en función da poboación do Municipio, aínda que o precepto sinalado establece un conxunto de servizos (entre os que se inclúen o abastecemento e a rede de sumidoiros) que deben ser prestados por todos os Municipios.

A atribución competencial realizada pola lei básica refórzase na lexislación galega. Tanto a Lei 5/1997 do 22 de xullo, de Administración Local de Galicia como a Lei 9/2010, do 4 de novembro, de augas de Galicia, atribúen aos Concellos competencias en materia de abastecemento, rede de sumidoiros e tratamento de augas residuais, establecendo como servizos de prestación obrigatoria por todos os Concellos, na liña da lexislación básica, o abastecemento domiciliario de auga e a rede de sumidoiros.

As Deputacións Provinciais, pola súa banda, por imperativo legal, teñen outorgadas as funcións de cooperación e asistencia aos Municipios, asegurando, especificamente, a prestación dos servizos





Santiago, 11 MAR. 2022

O XEFE DE SECCIÓN,

Paulino Suárez Domínguez

galicia

municipais de prestación obrigatoria naqueles Concellos que carecen dos medios materiais e humanos para afrontar con éxito aquela.

A Lei 27/2013, do 27 de decembro, de racionalización e sustentabilidade da Administración Local reforzou o papel das Deputacións como garantes da adecuada prestación dos servizos públicos de competencia municipal. Neste sentido son competencias propias das Deputacións, entre outras, a coordinación dos servizos municipais en todo o territorio, a asistencia e cooperación xurídica, económica e técnica, a prestación dos servizos públicos de carácter supramunicipal e, no seu caso, comarcal e a cooperación no fomento do desenvolvemento económico e social, así como na planificación no territorio provincial.

Por último, o Estatuto de Autonomía de Galicia atribúelle á Comunidade Autónoma competencias sobre obras públicas que non teñan a cualificación legal de interese xeral do Estado ou cuxa execución ou explotación non afecte a outra Comunidade Autónoma ou provincia (artigo 27.7) e no artigo 44 regula a facenda da Comunidade Autónoma.

En base a estes títulos competenciais e de acordo co disposto na Lei 9/2010, de 4 de novembro, a Comunidade Autónoma exerce competencias sobre as obras de interese da Comunidade cando así estean cualificadas na súa planificación e exerce tamén a colaboración técnica e financeira coas administracións locais para un desenvolvemento máis eficaz das competencias destas.

Ademais, de acordo coa Lei 9/2010, de 4 de novembro, a Comunidade Autónoma galega ten competencias en canto á ordenación dos servizos de abastecemento e de saneamento en alta e a coordinación do exercicio das competencias das entidades locais.

Como un primeiro paso cara á consecución dun modelo de xestión do ciclo integral da auga que garanta a súa sustentabilidade futura, o 4 de novembro de 2013 a administración autonómica galega e a Federación galega de municipios e provincias (FEGAMP) asinaron un protocolo de colaboración e desenvolvemento do pacto local para a xestión do ciclo urbano da auga. A través da posta en marcha deste pacto local, cunha participación activa dos concellos, das Deputacións provinciais e da Comunidade Autónoma, tense acadado un axeitado punto de partida para progresar na optimización da xestión da auga e na prestación destes servizos. Este acordo político foi promovido para avanzar na consecución dun modelo de xestión sostible e eficiente, sobre todo naqueles aspectos que máis lle afectan á autonomía local, de tal xeito que se poidan satisfacer os dereitos e intereses dos usuarios e consumidores da auga a través da prestación duns servizos de calidade, que permitan cumprir os obxectivos ambientais nun complexo escenario de cambio climático. As





XUNTA DE GALICIA
CONSELLERÍA DE
INFRAESTRUTURAS E MOBILIDADE

DILIXENCIA: Para facer constar que a presente fotocopia foi compulsada, co seu orixinal, concordando fielmente

Santiago, 11 MAR. 2022

CHEFE DE SECCIÓN,

Paulino Suárez Domínguez

galicia

premisas fundamentais deste pacto consisten principalmente en acadar un instrumento público e integral (de todo o ciclo integral da auga), con solvencia técnica, con tarifas igualitarias e homoxéneas e con posibilidades de vías de financiamento para a realización de investimentos baseados en criterios técnicos.

Nos últimos anos, neste marco de colaboración institucional, a Xunta de Galicia continuou traballando mediante o impulso de iniciativas legislativas co obxectivo de adaptar a xestión da auga ao contexto de cambio climático e dispoñer de ferramentas para dar unha resposta áxil e coordinada por parte das administracións públicas ante estas situacións.

Así no ano 2019 aprobouse a Lei 9/2019, do 11 de decembro, de medidas de garantía do abastecemento en episodios de seca e en situacións de risco sanitario. Unha Lei destinada a mellorar o funcionamento dos sistemas de abastecemento de auga e a coordinar de forma responsable a actuación en período de seca que ten como finalidade de garantir a subministración en cantidade e calidade idóneas á poboación, de reducir a vulnerabilidade dos sistemas e de protexer a saúde pública fronte a situacións adversas como a seca.

No momento actual, é conveniente dar un paso mais no camiño de establecer un marco normativo que regule a política da xestión do ciclo integral da auga na Comunidade Autónoma de Galicia, co fin de mellorar a eficiencia na prestación dos servizos públicos relacionados co ciclo integral da auga, acadar unha xestión sostible no uso da auga a través da integración dos sistemas de abastecemento e dos sistemas de saneamento e depuración así como unha xestión profesionalizada das infraestruturas e servizos asociados as mesmas. Establecense mecanismos disuasorios para fomentar un uso racional dos recursos hídricos e o aforro da auga e medidas para a optimización do funcionamento das redes de saneamento co fin de mellorar a depuración das augas residuais e prever a contaminación.

Con este fin, promóvese a explotación conxunta dos sistemas de abastecemento e saneamento, como sistema de xestión no que se aproveitan sinerxias e economías de escala moi relevantes fronte a xestión individual. A explotación conxunta permite un importante aforro directo dos custos de explotación, principalmente dos custos de persoal, o que permite dispoñer dun equipo profesionalizado e multidisciplinar compartido para a realización de tarefas de mantemento correctivo e preventivo en varias instalacións. Así mesmo, permite a redución dos custos de subministro, xa que poden acadarse menores custos derivados da optimización de materiais e equipos así como a redución dos prezos de compra, sen prexuízo do aforro noutros custos de mantemento e conservación, todo o cal redonda na mellora da eficiencia na prestación dos servizos públicos.





Santiago, 11 MAR, 2022

O XEFE DE SECCIÓN,
Paulino Suárez Domínguez

Así mesmo, régulanse mecanismos de cooperación entre as Administracións Públicas con competencias na xestión do ciclo integral da auga, que garantan a co-responsabilidade e o co-financiamento na programación de investimentos para a mellora do ciclo integral da auga.

Prevense medidas para acadar unha axeitada xestión dos servizos vinculados á auga coa posibilidade de desenvolver aquelas actividades que os concellos requiran por ter moitas dificultades para levalas a cabo por si mesmos, debido a súa carencia de recursos; actividades como a planificación, a proxección, a xestión dos procedementos expropiatorios necesarios para a execución das obras de construción das infraestruturas, a execución e a explotación das actuacións que resulten necesarias para a xestión destes servizos.

O artigo 30 da Lei 9/2010, de 4 de novembro, de augas de Galicia configura a colaboración entre administracións coma un principio para conseguir os obxectivos comúns nas políticas de abastecemento, saneamento e depuración de Galicia. Na actualidade, e en aplicación deste principio, a comunidade autónoma xestiona varias estacións depuratoras de augas residuais, sendo previsible que nos próximos anos este número se incremente.

Esta necesaria cooperación entre administracións vén precedida da declaración de interese xeral da comunidade autónoma do servizo de depuración por parte da actualmente derogada Lei 8/2001, do 2 de agosto, de Protección da calidade das Augas das Rías de Galicia e de Ordenación do Servizo Público de Depuración de Augas Residuais Urbanas. Na actualidade a declaración de interese xeral permanece vivente nos termos específicos establecidos na Lei 9/2010, de 4 de novembro.

Por outra banda, a asunción do principio comunitario de recuperación de custos dos servizos relacionados coa auga (artigo 9º da Directiva marco da auga) motiva que a prestación dos diferentes servizos deba levar aparellada o cobro dunha taxa co obxecto de, en primeiro lugar, trasladar o custo do servizo a cada un dos beneficiarios e, en segundo lugar, salvagardar a viabilidade económica-financeira do servizo.

Desde o ano 2012 a Comunidade Autónoma dispón dunha taxa propia de depuración (o coeficiente de vertedura) que é de aplicación naqueles concellos onde a administración hidráulica de Galicia presta o servizo de depuración. A experiencia acumulada na súa xestión puxo de manifesto a necesidade de redefinir a configuración do tributo, singularmente motivado pola diferenza entre o volume efectivamente tratado nas depuratoras e os volumes que son obxecto de gravame, producíndose unha recuperación incompleta dos custes que non é subsanable polo mero incremento das tarifas, senón que é necesario ampliar as bases impoñibles suxeitas ao tributo. Este feito,





Santiago, 11 MAR. 2022

O XEFE DE SECCIÓN,

Paulino Suárez Domínguez



sumado á necesidade de establecer unha taxa específica para cubrir os custes asociados ao servizo de saneamento que poida prestar a Comunidade Autónoma, fai necesario a creación de dúas taxas específicas para cada servizo, procedéndose, en consecuencia, a derrogar o citado coeficiente de vertedura.

A tal efecto, mediante a presente Lei preténdese dar solución a esta disfunción creándose dous novos tributos: o canon de xestión de depuradoras e o canon de xestión de redes de colectores. Ambos tributos, cuxa natureza é a de taxa, están configurados cun sistema de dobre facturación de maneira que, por unha banda, os suxeitos pasivos son os usuarios que realicen o seu vertido a unha rede de sumidoiros cuxas augas sexan conducidas a unha rede de colectores ou depuradora, segundo sexa o caso, xestionada pola administración hidráulica de Galicia e, por outra banda, serán suxeitos pasivos as propias entidades locais titulares desa rede de sumidoiros pola auga que exceda do volume determinado no convenio regulador da asunción do servizo de depuración ou colectores.

Como principal diferenza entre estes dous novos canons atopámonos que, mentres que no canon de colectores o tipo de gravame será común para cada tipo de contribuínte, no canon de xestión de depuradoras nos usos non domésticos e entidades locais o tipo de gravame pode vir modulado pola concentración contaminante vertida, toda vez que unha menor ou menor concentración contaminante intervén de maneira directa nos custes asociados ao seu tratamento.

Outra novidade con respecto ao coeficiente de vertedura é o novo sistema de xestión e cobro dos baleirados de fosas sépticas en depuradoras xestionadas pola administración hidráulica de Galicia ao pasar dun modelo baseado na dispoñibilidade do servizo a un sistema no que o importe a pagar e o seu devengo vai depender do volume efectivamente tratado e do momento do seu efectivo baleirado na depuradora. Así mesmo, na aplicación deste novo modelo considérase adecuado configurar ás empresas xestoras das depuradoras como suxeitos pasivos substitutos do contribuínte titular da fosa séptica, obrigándoas a cobrar do titular da fosa o importe da taxa para, posteriormente, autoliquidala a Augas de Galicia.

Por último, no relativo aos tributos que se crean mediante esta Lei, debemos referirnos ao canon de xestión de abastecementos que vén a gravar a prestación do servizo de abastecemento de auga por parte da administración hidráulica de Galicia, de maneira que, ademais de configurar os seus elementos esenciais, se dea unha maior transparencia no custe do servizo naqueles concellos nos que actualmente se presta este, así como en futuras prestacións que sexan realizadas pola administración hidráulica de Galicia. Este tributo ten unha configuración moi sinxela pois os contribuíntes son as entidades locais beneficiarias do servizo e a base impoñible é o volume subministrado.





Santiago, 11 MAR 2022

O XEFE DE SECCIÓN,

Paulino Suárez Domínguez

Por outra banda, modifícase a Lei 9/2010, de 4 de novembro, en relación ao canon da auga. Dentro destas modificacións destacan as motivadas polo mandato establecido na Disposición Adicional Quinta da Lei 9/2019, de 11 de decembro, pola cal no prazo máximo de tres anos desde a entrada en vigor de dita Lei, o Consello da Xunta debe aprobar e presentar un proxecto de Lei de modificación do canon da auga ou creación dun novo tributo co fin de gravar as perdas de auga en redes de abastecementos cando supoña máis do vinte por cento da auga captada.

Na presente Lei, entre as dúas opcións que sinalaba aquela Lei, optouse por gravar esas perdas mediante unha modificación do canon da auga dado que este tributo, tal e como se indica na exposición de motivos da súa Lei creadora, deriva da asunción do principio comunitario de recuperación do custe dos servizos propugnado polo artigo 9 da directiva marco da auga, tendo cabida as perdas en redes dentro do feito impositivo dado que as entidades locais usan a auga coa finalidade de subministrar auga potable a domicilio de xeito que, cando esta finalidade se frustra pola perdas nas redes, ese uso da auga non é obxecto de repercusión aos abonados en baixa, debendo ser a titular da rede a que asuma os custos asociados a uso da auga captada. En todo caso, e tal e como se establece no mandato da Lei 9/2019 antes indicada, non se pretende gravar toda perda de auga na rede, senón que unicamente aquela que exceda dun ratio de perdas aceptables que, no presente caso, fíxase no 20% da auga captada. Neste punto é importante sinalar que, se ben na Lei 9/2019 mencionase expresamente a auga captada como referencia para calcular as perdas, este concepto de auga captada debe entenderse referido tamén á auga que se recibe mediante subministración en alta pois ningunha diferenza debe existir á hora de gravar as perdas entre a auga que é captada directamente do Dominio Público Hidráulico daquela que procede dun subministro en alta efectuado por outra entidade subministradora que, en último termo, tamén realizou a captación do dominio público hidráulico, singularmente cando o propio subministro en alta non está suxeito ao canon da auga na medida en que a súa posterior distribución en baixa sexa obxecto de repercusión do canon (art. 47.1.a da Lei 9/2010) o que, a sensu contrario, vén confirmar a necesaria suxeición da auga subministrada en alta que non sexa obxecto de repercusión en baixa, como así acontece coas perdas de auga nas redes de abastecemento.

A tal fin faise unha modificación de varios artigos da Lei 9/2010, de 4 de novembro, co obxecto, en primeiro lugar, de considerar expresamente incluído dentro do feito impositivo do canon da auga as perdas de auga nas redes de abastecemento para, a continuación, crear un uso específico para estas perdas e definir como se determinan os diferentes suxeitos pasivos, a base impositiva, o tipo de gravame aplicable, así como a xestión para a súa exacción.

Outras modificacións operadas na Lei de augas de Galicia son as relativas a incorporar dentro do uso especial de produción hidroeléctrica os bombeos de auga desde o dominio público hidráulico





Santiago, 1 MAR. 2022

O XEFE DE SECCIÓN,

Paulino Suárez Domínguez



cara os embalses; modificar as obrigas das entidades subministradoras da auga, singularmente no relativo ás declaracións de impagados; establecer a obriga de presentar e cumprimentar os modelos de declaración e autoliquidación na sede electrónica da Xunta de Galicia; ampliar a aplicación do coeficiente de zona sensible aos vertidos que sexan realizados indirectamente a ditas zonas; e regular a acreditación do número de persoas na vivenda nos usos domésticos da auga cando as ordenanzas municipais contemplan dito factor á hora de aplicar as súas taxas vinculadas ao ciclo da auga.

O articulado da presente lei estrutúrase en en tres títulos, seis disposicións adicionais, dúas disposicións transitorias e unha disposición derogatoria e tres disposicións finais e dous anexos.

O título I contén as disposicións xerais relativas ao obxecto e ámbito de aplicación da lei, definicións, finalidades e principios de actuación, co fin de garantir as necesidades básicas de uso da auga, en condicións axeitadas de cantidade e calidade e a protección dos recursos hídricos e dos ecosistemas acuáticos e terrestres asociado.

O título II contén distintas medidas para mellora do ciclo integral da auga e a prestación de servizos e estrutúrase en tres capítulos.

No capítulo I, relativo ás medidas de mellora da ordenación da xestión do ciclo integral da auga, regulase e clarifícase a figura das aglomeracións urbanas, en consonancia coa maior relevancia que esta figura adquiriu na normativa comunitaria. En segundo lugar, reguláanse distintas medidas para o cumprimento das obrigas derivadas do tratamento de augas residuais urbanas, medidas relacionadas coa ordenación dos sistemas de saneamento, medidas para a mellora da xestión das augas da choiva, medidas relacionadas coa ordenación dos sistemas de abastecemento, coa ordenación dos sistemas de abastecemento, medidas para fomentar a eficiencia enerxética no ciclo integral da auga así como medidas para fomentar a transparencia e o intercambio de información na xestión do ciclo integral da auga.

O capítulo II relativo á prestación dos servizos do ciclo integral da auga, define os obxectivos que deben acadarse na prestación, establece como réxime xeral a prestación conxunta e integrada dos servizos vinculados ao uso da auga e regula as medidas destinadas a garantir a sustentabilidade e viabilidade económica na xestión do ciclo integral da auga e a calidade dos servizos.





XUNTA DE GALICIA
CONSELLERÍA DE
INFRAESTRUTURAS E MOBILIDADE

DILIXENCIA: Para facer constar que a presente fotocopia foi compulsada, co seu orixinal, concordando fielmente.

Santiago, 11 MAR. 2022

O XEFE DE SECCIÓN,

Paulino Suárez Domínguez

galicia

O capítulo III contén distintas medidas dirixidas á mellora da xestión do ciclo integral da auga, regulando os supostos nos que a entidade pública empresarial Augas de Galicia pode prestar os servizos e xestionar as infraestruturas vinculadas ao ciclo integral da auga co fin de colaborar cos concellos que voluntariamente o requiran por ter dificultades para levalos a cabo por si mesmos, debido a súa carencia de recursos. Así mesmo, regula a planificación, a proxección, a xestión dos procedementos expropiatorios necesarios para a execución das obras de construción das infraestruturas, a execución e a explotación das actuacións que resulten necesarias para a xestión destes servizos e medidas para a protección de infraestruturas de titularidade autonómica.

O título III, relativo ao sistema de financiamento da xestión do ciclo integra da auga por Augas de Galicia, divídese en cinco capítulos.

O capítulo I regula as disposicións comúns ao réxime económico financeiro dos servizos prestados nos supostos nos que sexan prestados por Augas de Galicia.

Os capítulos II e III relativos aos canones de xestión de depuradoras e de xestión de redes de colectores, respectivamente, e o capítulo IV sobre as normas comúns para a xestión de ambos canones regulan os elementos e cuantificación destes tributos nos distintos supostos, introducindo as novidades que se indican nos parágrafos precedentes en relación co canon de vertedura ao que substitúen. E por último o capítulo V regula os elementos e competencias do novo canon de abastecemento.





Santiago, 11 MAR. 2022

O XEFE DE SECCIÓN,

Paulino Suárez Domínguez



TÍTULO I: DISPOSICIÓN XERAIS DA XESTIÓN DO CICLO INTEGRAL DA AUGA

Artigo 1. Obxecto e ámbito de aplicación

A presente lei ten por obxecto o establecemento dun marco normativo que regule a política da xestión do ciclo integral da auga na comunidade autónoma de Galicia.

Esta lei resulta de aplicación a todas as Administracións públicas e axentes que interveñen na xestión do ciclo integral da auga na Comunidade Autónoma de Galicia.

Artigo 2. Definicións.

Aos efectos da presente lei, enténdese por:

a) Ciclo integral da auga: Percorrido que realizan os recursos hídricos, desde a súa detracción do medio natural ata a súa devolución ao mesmo, para posibilitar o seu uso.

b) Elementos que forman parte da xestión do ciclo integral da auga: A xestión do ciclo integral da auga comprende as infraestruturas e instalacións de titularidade pública necesarias para prestar o servizo abastecemento de auga en alta ou adución e o de subministro de auga en baixa ou distribución; o servizo de saneamento ou recollida e condución de augas residuais, de depuración das augas residuais e de retorno das augas depuradas ao medio; e, no caso de que exista, o servizo de rexeneración das augas residuais depuradas.

c) Xestión do ciclo integral da auga: administración e organización das accións necesarias para que se poida desenvolver o ciclo integral da auga, a través da explotación de determinadas infraestruturas ou instalacións, tales como a extracción, o almacenamento, a condución, o tratamento e a distribución de augas superficiais ou subterráneas, así como a recollida e depuración de augas residuais e a súa condución ata a devolución ao medio natural.

d) Servizos vinculados ao ciclo integral da auga: actividades relacionadas coa xestión do ciclo integral da auga que posibilitan o emprego dos recursos hídricos que se incorporan ao mesmo.

e) Usuarios do ciclo integral da auga: persoas físicas ou xurídicas que, a través dos servizos vinculados ao ciclo integral da auga, fan un uso dos recursos hídricos que se incorporan ao mesmo.

f) Administración pública titular de infraestruturas: administración pública que ostenta a titularidade dominical dalgunha das infraestruturas ou instalacións necesarias para a xestión do ciclo integral da auga.

g) Administración pública responsable dos servizos: administración pública que ostenta a competencia para prestar os distintos servizos vinculados ao ciclo integral da auga, conforme ao disposto na Lei 7/1985, de 2 de abril, reguladora das bases do réxime local, e na Lei 9/2010, de 4 de novembro, de augas de Galicia.





Santiago, 11 MAR. 2022

O XEFE DE SECCIÓN,
Paulino Suárez Domínguez



- h) Entidade pública prestadora dos servizos: entidade pública que xestiona infraestruturas e presta, a través da súa explotación, determinados servizos vinculados ao ciclo integral da auga. A xestión das infraestruturas e a prestación dos servizos por estas entidades non modifica a titularidade das infraestruturas ou instalacións nin a competencia para a prestación dos servizos.
- i) Aglomeración urbana: zona xeográfica formada por un ou varios concellos, ou por parte dun ou varios deles, que pola súa poboación ou actividade económica constitúa un foco de xeración de augas residuais que xustifique a súa recollida e condución a unha instalación de tratamento ou a un punto de vertido final.
- j) Habitante equivalente: a carga orgánica biodegradable cunha demanda bioquímica de osíxeno de cinco días (DBO 5), de 60 gramos de osíxeno por día.
- k) Augas residuais urbanas: as augas residuais domésticas ou a mestura delas coas augas residuais non domésticas, así como con augas de escorrentura pluvial.
- l) Augas residuais domésticas: as augas residuais procedentes dos usos residenciais das vivendas, actividades comerciais sen almacenaxe, oficinas e talleres integrados nas vivendas, xeradas principalmente polo metabolismo humano e as actividades domésticas.
- m) Augas residuais non domésticas: as augas residuais vertidas desde establecementos nos que se efectúe calquera actividade industrial, agrícola ou gandeira, que non sexan augas residuais domésticas ou de escorrentura pluvial. Entenderase por actividade industrial aquela que consista na produción, transformación, manipulación, reparación e almacenaxe de materias primas e produtos manufacturados.
- n) Augas brancas: as augas que non foron sometidas a ningún proceso de transformación, de xeito que a súa potencial capacidade de perturbación do medio é nula, pero que cando se introducen nos sistemas públicos de saneamento adquiren a natureza de auga utilizada e teñen que ser depuradas antes da súa devolución ao medio.
- ñ) Ente público representativo dos municipios: administración pública á que corresponde, no marco dunha aglomeración urbana, o cumprimento das obrigas derivadas do tratamento das augas residuais urbanas e a asunción, no seu caso, das responsabilidades derivadas do incumprimento das mesmas.

Artigo 3. Finalidades da lei.

1. A presente Lei ten por finalidade contribuír a garantir á satisfacción das necesidades básicas de uso da auga, en condicións axeitadas de cantidade e calidade, e á protección dos recursos hídricos e dos ecosistemas acuáticos e terrestres asociados.
2. En concreto, a Lei persegue:
 - a) A mellora da eficiencia na prestación dos servizos públicos relacionados co ciclo integral da auga.





Santiago, 14 MAR. 2022

O XEFE DE SECCIÓN,

Paulino Suárez Domínguez



- b) Unha xestión sostible no uso da auga a través da integración dos sistemas de abastecemento e dos sistemas de saneamento e depuración.
- c) Unha xestión profesionalizada das infraestruturas e servizos asociados as mesmas.
- d) O establecemento de mecanismos disuasorios para fomentar un uso racional dos recursos hídricos e o aforro da auga.
- e) A optimización do funcionamento das redes de saneamento co fin de mellorar a depuración das augas residuais e previr a contaminación.
- f) A coordinación das Administracións Públicas con competencias na xestión do ciclo integral da auga e o establecemento de instrumentos de cooperación entre elas.

Artigo 4. Principios de actuación na xestión do ciclo integral da auga.

1. A presente lei inspírase nos seguintes principios:

- a) Acadar os obxectivos das normas básicas estatais e europeas relacionadas coa xestión do ciclo integral da auga, co máximo respecto á autonomía das entidades locais.
- b) A utilización e explotación eficiente das infraestruturas que permitan xestionar o ciclo integral da auga e a prestación dos servizos vinculados ao uso da auga.
- c) A suxeición da xestión do ciclo integral da auga á planificación hidrolóxica e á planificación en materia de abastecemento, saneamento e depuración.
- d) A viabilidade técnico - financeira na xestión do ciclo integral da auga.
- e) A cooperación entre as administracións públicas, a través da co-responsabilidade e o co-financiamento na programación de investimentos para a mellora do ciclo integral da auga.

2. As administracións públicas con competencias comprendidas no ámbito da presente lei deberán someter as súas actuacións ao principio de sustentabilidade económica e financeira dos servizos do ciclo integral da auga de uso urbano.

3. As actuacións das administracións públicas, no marco da xestión do ciclo integral da auga, terán como un dos seus obxectivos a recuperación dos custos dos servizos, garantindo a súa viabilidade e a efectividade dos principios de que “quen usa, paga” e “quen contamina, paga”.





Santiago, 11 MAR 2022

O XEFE DE SECCIÓN,
Paulino Suárez Domínguez

galicia

TÍTULO II: MEDIDAS PARA A MELLORA DO CICLO INTEGRAL DA AUGA E DA PRESTACIÓN DOS SERVIZOS

CAPÍTULO I: MEDIDAS PARA MELLORAR A ORDENACIÓN DA XESTIÓN DO CICLO INTEGRAL DA AUGA

Artigo 5. Fixación das aglomeracións urbanas de Galicia.

1. Co fin de ordenar a xestión dos sistemas de saneamento e depuración da comunidade autónoma de Galicia e contribuír ao cumprimento das obrigas relacionadas co tratamento das augas residuais urbanas, a administración hidráulica de Galicia fixará as aglomeracións urbanas en que se estrutura o territorio da comunidade autónoma de Galicia, en concordancia co disposto no artigo 3 do Real Decreto Lei 11/1995, de 28 de decembro, polo que se establecen as normas aplicables ao tratamento das augas residuais urbanas.

2. No prazo máximo de dous anos desde a entrada en vigor desta lei, Augas de Galicia realizará unha proposta das aglomeracións urbanas nas que se estrutura o territorio da comunidade autónoma de Galicia, indicando, para cada unha delas, segundo a información dispoñible, como mínimo as seguintes características:

a) Os núcleos de poboación e zonas industriais que conforman cada unha das aglomeracións urbanas, a súa poboación, medida en habitantes equivalentes, e os concellos aos que pertencen.

b) As principais instalacións de saneamento e depuración existentes en cada unha das aglomeracións urbanas e a súa capacidade.

c) A poboación, medida en habitantes equivalentes, conectada ás instalacións de depuración existentes.

d) A administración pública que teña a consideración de ente público representativo dos municipios en cada unha das aglomeracións urbanas.

e) As administracións públicas titulares das infraestruturas de saneamento e depuración e as administracións públicas responsables dos servizos en cada unha das aglomeracións urbanas.

3. A proposta para a fixación das aglomeracións urbanas será sometida a audiencia das administracións públicas responsables dos servizos de saneamento e depuración afectados e das administracións públicas titulares das infraestruturas, que disporán dun prazo máximo dun mes para analizarla e formular as alegacións que correspondan.

4. Unha vez realizado o trámite anterior, a proposta de aglomeracións urbanas será elevada ao Consello da Xunta de Galicia para a súa aprobación.

5. Augas de Galicia disporá dun rexistro das aglomeracións urbanas en que se estrutura o territorio da Comunidade Autónoma de Galicia.





Santiago, 11 MAR. 2022

OXEFE DE SECCIÓN,

Paulino Suárez Domínguez

Artigo 6. Determinación do entes públicos representativos.

1. Aos efectos do disposto no apartado 2.d) do artigo anterior, o ente público representativo dos municipios proporase atendendo aos seguintes criterios de prioridade:

a) No caso de aglomeracións urbanas de carácter municipal, conformadas por núcleos de poboación e zonas industriais localizadas nun único concello, proporase como ente público representativo dos municipios a administración pública responsable do servizo de depuración.

b) No caso de aglomeracións urbanas de carácter supramunicipal, conformadas por núcleos de poboación e zonas industriais localizadas en varios concellos, proporase como ente público representativo dos municipios a administración pública responsable do servizo de depuración no concello que teña unha maior poboación, medida en habitantes equivalentes, conectada ás instalacións de depuración que formen parte da aglomeración.

2. Naquelas aglomeracións nas que os servizos de saneamento ou depuración se presten a través dunha entidade pública distinta das administracións públicas responsables deses servizos, esta poderá ser o ente público representativo dos municipios, sempre que así se acorde por maioría das administracións responsables e esa entidade manifieste a súa conformidade.

3. No caso de aglomeracións urbanas de carácter supramunicipal, as administracións públicas responsables dos servizos de saneamento e depuración poderán acordar, por unanimidade, que o ente público representativo dos municipios sexa outra desas administracións, distinta da proposta.

Artigo 7. Determinación das administracións públicas titulares das infraestruturas.

Aos efectos do disposto no apartado 2.e) do artigo 5, as administracións públicas titulares das infraestruturas de saneamento e depuración serán as que resulten da aplicación dos seguintes criterios de prioridade:

a) A que figure como titular no Rexistro da Propiedade.

b) A que veña ostentando a posesión da infraestrutura a título de propiedade por un prazo superior a vinte anos.

c) A que veña explotando a infraestrutura durante máis de dez anos consecutivos, agás nos supostos das depuradoras que estean a ser xestionadas por Augas de Galicia no momento da entrada en vigor desta Lei e que figuran no seu Anexo I como de titularidade municipal.

d) En caso de infraestruturas de carácter supramunicipal, o concello en cuxo termo municipal se localice a infraestrutura.

Artigo 8. Modificación das aglomeracións urbanas de Galicia.





Santiago, 11 MAR. 2022

O XEFE DE SECCIÓN,
Paulino Suárez Domínguez

galicia

1. As modificacións das características das aglomeracións urbanas poden ser substanciais e non substanciais.

Considéranse modificacións substanciais aquelas que supoñan unha alteración das características indicadas nos apartados 2.d e 2.e do artigo 5 ou unha alteración da poboación da aglomeración urbana ou da poboación conectada a unha determinada instalación de depuración, medida en habitantes equivalentes, superior ao 10% da que figure no rexistro de aglomeracións urbanas de Galicia.

2. As solicitudes de modificación substancial das características das aglomeracións urbanas de Galicia deberán someterse a informe de Augas de Galicia, que analizará a compatibilidade desas modificacións co disposto nesta lei e na normativa aplicable de tratamento das augas residuais urbanas e terá, nese ámbito, carácter vinculante.

O prazo para a emisión do informe será de dous meses; transcorrido este, entenderase desfavorable.

No caso de que o informe sexa favorable, procederá a modificación e será sometida aos tramites previstos nos apartados 3 e 4 do artigo 5 para a súa aprobación.

3. As modificacións non substanciais serán comunicadas polos entes públicos representativos afectados a Augas de Galicia, co fin de que actualice os datos que consten no rexistro de aglomeracións urbanas de Galicia.

Artigo 9. Medidas para o cumprimento das obrigas derivadas do tratamento das augas residuais urbanas.

1. Co fin de dar cumprimento ás obrigas de información en relación ao tratamento das augas residuais urbanas, a administración hidráulica de Galicia, en concordancia co disposto no artigo 26.2.e da Lei 9/2010, do 4 de novembro, de augas de Galicia, realizará un control analítico e recompilará información sobre os caudais circulantes e sobre a adecuación dos vertidos e das instalacións de depuración correspondentes á lexislación vixente.

2. O resultado dos controis realizados e da información recompilada será notificado cunha periodicidade mínima bienal ao ente público representativo dos municipios da aglomeración urbana correspondente. No caso no que os resultados poñan de manifesto a existencia dun risco de incumprimento da normativa aplicable, ou dun incumprimento efectivo, o ente público representativo, no prazo máximo de dous meses desde a recepción da notificación, propondrá á administración hidráulica de Galicia un programa de acción para a resolución dos incumprimentos detectados.

3. O programa de acción detallará as actuacións necesarias para resolver o incumprimento ou minimizar os riscos de incumprimento e indicará o seu prazo e orzamento estimado. En función da complexidade destas actuacións, o programa de acción poderá ter un carácter plurianual.





Santiago, 11 MAR. 2022



XEFE DE SECCIÓN,

Paulino Suárez Domínguez

4. O custo do desenvolvemento dos programas de acción e da asunción das responsabilidades que poidan derivar dos incumprimentos sinalados nos parágrafos anteriores repartirase entre as administracións públicas responsables dos servizos de saneamento e depuración causantes deses incumprimentos, en proporción ao grado de responsabilidade de cada unha delas.

Artigo 10. Outras medidas relacionadas coa ordenación dos sistemas de saneamento e depuración.

1. As administracións públicas titulares de infraestruturas de saneamento e de depuración están obrigadas a prever e programar a revisión das instalacións a través das cales se prestan os servizos e a efectual cunha periodicidade mínima quinquenal. Se destas revisións resultara a necesidade ou conveniencia de repoñer ou substituír algún dos elementos da instalación, as administracións públicas responsables dos servizos deberán executar as obras oportunas para a subsanación das deficiencias ou a reposición dos elementos afectados, por si mesmas ou a través das entidades públicas prestadoras dos servizos.

2. Os sistemas de saneamento e depuración que dean servizo a unha aglomeración urbana de máis de 2.000 habitantes equivalentes deberán dispoñer, no prazo máximo de dous anos desde a entrada en vigor desta lei, dun plan de control anual de vertidos ás redes de colectores, co fin de poder verificar e controlar as conexións ás redes de saneamento e o cumprimento das ordenanzas de vertido. Estes plans serán elaborados, executados e revisados polas administracións públicas responsables do servizo, por si mesmas ou a través das entidades públicas prestadoras dos servizos. Co fin de contribuír á súa elaboración, Augas de Galicia desenvolverá, no prazo máximo de dun ano desde a entrada en vigor desta lei, unhas directrices para a redacción de plans de control de vertido ás redes de colectores.

3. Os plans referidos no apartado anterior, e as súas revisións, serán informados, con carácter previo á súa aprobación, por Augas de Galicia. O informe analizará a compatibilidade deses plans co disposto nas directrices indicadas no apartado anterior, nesta lei e na normativa aplicable de tratamento das augas residuais urbanas. O prazo para a emisión do informe será de dous meses; transcorrido este, entenderase favorable.

4. No prazo máximo de dous anos desde a entrada en vigor desta lei, os sistemas de depuración que dean servizo a unha poboación de máis de 2.000 habitantes equivalentes deberán adaptar as súas instalacións, co fin de poder recibir e tratar axeitadamente os residuos procedentes das fosas sépticas de carácter doméstico situadas nos concellos que forman parte de cada unha desas aglomeracións urbanas, ou en concellos limítrofes. As administracións públicas titulares das infraestruturas de depuración deberán executar as obras oportunas, por si mesmas ou a través das administracións públicas responsables do servizo de depuración ou das entidades públicas prestadoras dese servizo. Naqueles casos onde esta adaptación das instalacións non sexa tecnicamente viable deberá quedar acreditada a imposibilidade da actuación.

5. Nas aglomeracións urbanas de menos de 2.000 habitantes equivalentes fomentarse o emprego de procesos de depuración extensivos, cun baixo consumo enerxético e de reactivos. Co fin de





Santiago, 11 MAR. 2022

galicia

O XEFE DE SECCIÓN,
Paulino Suárez Domínguez

ordenar a xestión do saneamento e a depuración neste ámbito, no prazo máximo dun ano desde a entrada en vigor desta lei, Augas de Galicia desenvolverá unhas directrices para o saneamento e a depuración en pequenos núcleos de poboación de Galicia.

6. No prazo máximo de catro anos desde a entrada en vigor desta lei, as aglomeracións urbanas de máis de 2.000 habitantes equivalentes de carácter supramunicipal deberán dispoñer de caudalímetros en todos aqueles puntos da rede de saneamento onde haxa un cambio na administración pública responsable do servizo. As administracións públicas titulares dos sistemas de saneamento nos que entran as augas deberán executar as obras oportunas, por si mesmas ou a través das administracións públicas responsables do servizo de saneamento ou das entidades públicas prestadoras dese servizo.

7. No prazo máximo de catro anos desde a entrada en vigor desta lei, as aglomeracións urbanas deberán dispoñer de caudalímetros na entrada de todas as instalacións de depuración que dean servizo a unha poboación de máis de 2.000 habitantes equivalentes. As administracións públicas titulares das infraestruturas de depuración deberán executar as obras oportunas, por si mesmas ou a través das administracións públicas responsables do servizo de saneamento ou das entidades públicas prestadoras dese servizo.

Artigo 11. Medidas para mellorar a xestión das augas pluviais.

1. Os sistemas de saneamento e depuración que dean servizo a unha aglomeración urbana de máis de 2.000 habitantes equivalentes deberán dispoñer, no prazo máximo de dous anos desde a entrada en vigor desta lei, dun plan de redución de entradas de augas brancas nas redes de saneamento. Estes plans serán elaborados, executados e revisados polas administracións públicas responsables do servizo, por si mesmas ou a través das entidades públicas prestadoras dos servizos.

2. Co fin de contribuír a mellorar a xestión das augas brancas e das augas pluviais, no prazo máximo dun ano desde a entrada en vigor desta lei, Augas de Galicia desenvolverá unhas directrices para a optimización da xestión das augas pluviais en Galicia, un sistema de indicadores para poder avaliar as melloras neste eido e os obxectivos a acadar en cada sistema de saneamento e depuración.

3. Os plans referidos neste artigo, e as súas revisións, serán informados, con carácter previo á súa aprobación, por Augas de Galicia. O informe analizará a compatibilidade deses plans co disposto nas directrices indicadas no apartado anterior, nesta lei e na normativa aplicable de tratamento das augas residuais urbanas. O prazo para a emisión do informe será de dous meses; transcorrido este, entenderase favorable.

Artigo 12. Medidas relacionadas coa ordenación dos sistemas de abastecemento.

1. As administracións públicas titulares de infraestruturas de abastecemento están obrigadas a prever e programar a revisión das súas instalacións e a efectual cunha periodicidade mínima quinquenal. Se destes controis resultara a necesidade ou conveniencia de repoñer ou reempazar algún dos elementos da instalación, as administracións públicas responsables dos servizos deberán





Santiago, 11 MAR. 2022

CHEFE DE SECCIÓN,

Paulino Suárez Domínguez



executar as obras oportunas para a subsanación das deficiencias ou a reposición dos elementos afectados, por si mesmas ou a través das entidades públicas prestadoras dos servizos.

2. Os sistemas de abastecemento que subministren auga a unha poboación superior a 20.000 habitantes deberán sectorizar as súas redes de distribución, dividíndoas en áreas e sectores hidrométricos diferentes que permitan a medición do consumo no interior de cada un deles mediante a instalación de cuadálmetros nos puntos de entrada e saída, co fin de mellorar a xestión desas redes. As administracións públicas responsables dos servizos deberán executar as obras oportunas, por si mesmas ou a través das entidades públicas prestadoras dos servizos.

Artigo 13. Medidas para fomentar a eficiencia enerxética no ciclo integral da auga.

1. As instalacións de saneamento depuración que dean servizo a unha aglomeración urbana de máis de 20.000 habitantes equivalentes ou as instalacións de tratamento de auga potable a través das cales se subministre auga a unha poboación de máis de 20.000 habitantes deberán dispoñer, no prazo máximo de dous anos desde a entrada en vigor desta lei, dun plan de optimización da eficiencia enerxética. Estes plans serán elaborados, executados e revisados polas administracións públicas responsables do servizo, por si mesmas ou a través das entidades públicas prestadoras dos servizos.

2. Nestes plans teranse en conta as sinerxías entre os distintos elementos do ciclo integral da auga e os posibles aforros ou ineficiencias no uso dos recursos hídricos.

3. Co fin de contribuír ao incremento da eficiencia enerxética no ciclo integral da auga, no prazo máximo dun ano desde a entrada en vigor desta lei, Augas de Galicia desenvolverá unhas directrices para a mellora enerxética das instalacións de abastecemento, saneamento e depuración en Galicia, un sistema de indicadores para poder avaliar as melloras neste eido e os obxectivos a acadar nos distintos sistemas.

4. Os plans referidos neste artigo, e as súas revisións, serán informados, con carácter previo á súa aprobación, por Augas de Galicia. O informe analizará a compatibilidade deses plans co disposto nas directrices indicadas no apartado anterior, nesta lei e na restante normativa aplicable ao ciclo integral da auga. O prazo para a emisión do informe será de dous meses; transcorrido este, entenderase favorable.

Artigo 14. Medidas relacionadas coa formación, a transparencia e o intercambio de información na xestión do ciclo integral da auga.

1. Co fin de poder profesionalizar a prestacións dos servizos, Augas de Galicia establecerá un programa de formación periódica e continua na xestión do ciclo integral da auga, para técnicos e responsables das entidades locais.

2. As administracións públicas titulares de infraestruturas, as administracións públicas responsables dos servizos e as entidades públicas prestadoras dos servizos deberán remitir a Augas de Galicia a





Santiago, 11 MAR. 2022

XEFE DE SECCIÓN,
Paulino Suárez Domínguez

información que, en relación ás súas competencias, ás instalacións que xestionen e os servizos que presten, lles sexa requirida por esta.

3. Augas de Galicia creará e manterá un inventario dos sistemas de abastecemento e de saneamento e depuración existentes en Galicia. Ademais, porá a disposición das distintas administracións relacionadas coa xestión do ciclo integral da auga un sistema de intercambio de información, co fin de manter actualizada a información dispoñible.

CAPÍTULO II: MELLORA DA PRESTACIÓN DOS SERVIZOS

Artigo 15. Obxectivos na prestación dos servizos do ciclo integral da auga.

1. As administracións públicas titulares de infraestruturas e as administracións públicas responsables dos servizos relacionados coa xestión do ciclo integral da auga traballarán para a consecución dos seguintes obxectivos xerais:

a) Mellorar e innovar na xestión do ciclo integral da auga e nas tecnoloxías aplicables para incrementar a eficiencia no uso e na protección dos recursos hídricos, utilizando as mellores técnicas dispoñibles.

b) Acadar unha viabilidade económica - financeira na xestión do ciclo integral da auga.

c) Realizar as labores de mantemento e reparación axeitadas para protexer as infraestruturas existentes e conservalas nas condicións óptimas para a prestación dos servizos.

d) Repoñer as infraestruturas vinculadas á xestión do ciclo integral da auga cando esgoten a súa vida útil.

2. As administracións públicas responsables dos servizos de abastecemento, por si mesmas ou a través das entidades públicas prestadoras, realizarán e fomentarán un uso racional dos recursos hídricos, a través do aforro de auga, a sectorización das redes de abastecemento, a detección e reparación de fugas e o control dos caudais detraídos do medio hídrico e dos consumos realizados.

3. As administracións públicas responsables dos servizos de saneamento e depuración, por si mesmas ou a través das entidades públicas prestadoras, contribuirán e fomentarán a protección dos recursos hídricos a través do control e rexistro dos caudais entrantes nas redes de saneamento e do cumprimento das ordenanzas municipais de vertido aos colectores, limitando a incorporación de augas brancas e optimizando a xestión das augas pluviais, instalando sistemas de medición da calidade e da cantidade de augas residuais xestionadas, mellorando os sistemas de depuración existentes.

Artigo 16. Réxime xeral da prestación dos servizos.

1. As administracións públicas responsables dos servizos, por si ou de forma mancomunada ou asociada, fomentarán unha prestación conxunta e integrada dos servizos vinculados ao uso da auga, establecendo como forma preferente a xestión do ciclo integral da auga.





Santiago, 11 MAR. 2022

XEFE DE SECCIÓN,

Paulino Suárez Domínguez

2. Sen prexuízo do establecido no apartado anterior, cando as administracións públicas responsables dos servizos do ciclo integral da auga sexan concellos que contén cunha poboación inferior a 20.000 habitantes, a prestación dos mesmos será coordinada pola deputación provincial correspondente ou entidade equivalente, na forma que establece o artigo 26.2 de Lei 7/1985, de 2 de abril, reguladora das bases do réxime local.

Artigo 17. Sustentabilidade e viabilidade económica na xestión do ciclo integral da auga.

1. En toda a xestión do ciclo integral da auga, as administracións públicas responsables dos servizos velarán polo cumprimento dos principios de sustentabilidade e viabilidade económica dos servizos e de recuperación de custos, en concordancia co disposto na Directiva 2000/60/CE, marco da auga.

Neste ámbito, a recuperación de custos abranguerá os custos ambientais, os custos do recurso e os custos da propia xestión. Entre os custos da xestión incluírase a amortización das infraestruturas existentes, así como os gastos de explotación, protección e mantemento das mesmas e, no seu caso, os necesarios para a súa substitución por novas infraestruturas antes do esgotamento da súa vida útil, cando sexa preciso para mellorar a eficiencia dos servizos e o uso racional do recurso.

2. As entidades públicas prestadoras dos servizos levarán unha contabilidade dos distintos servizos vinculados que presten de forma separada da do resto de actividades que desenvolvan, con expresa indicación dos custos e dos resultados de cada actividade.

3. Os tributos para sufragar os custos derivados da xestión do ciclo integral da auga serán tamén percibidos por aqueles consorcios e entidades supramunicipais nas que participe a administración hidráulica de Galicia, salvo que se establezan taxas propias.

Artigo 18. Da calidade dos servizos.

1. As administracións públicas responsables dos servizos tomarán as medidas axeitadas para incrementar a calidade dos mesmos a través do establecemento de indicadores e parámetros de control.

2. Considerarase que os servizos vinculados á xestión do ciclo integral da auga non se están prestando cunha calidade suficiente cando conorra algunha das circunstancias seguintes:

a) Cando os resultados analíticos da auga á saída das estacións potabilizadoras ou á entrada dos depósitos de cabeceira incumpran reiteradamente os parámetros establecidos na normativa aplicable.

b) Cando se produzan cortes periódicos reiterados nos subministros de auga potable ou reducións ostensibles da presión nas redes de abastecemento.

c) Cando, debido a unha ineficiente xestión das augas brancas nas redes de saneamento, o número de alivios de augas residuais ou o seu volume sexa reiteradamente superior ao permitido pola normativa aplicable.





Santiago, 11 MAR. 2022

O XEFE DE SECCIÓN,

Paulino Suárez Domínguez



d) Cando os vertidos de augas residuais depuradas incumpran de forma reiterada os parámetros establecidos na lexislación vixente.

e) Cando non se realicen as tarefas de conservación e mantemento axeitadas das infraestruturas e instalacións que forman parte da xestión do ciclo integral da auga.

CAPÍTULO III: MEDIDAS PARA A MELLORA DA XESTIÓN DO CICLO INTEGRAL DA AUGA NO ÁMBITO AUTONÓMICO

Artigo 19. Xestión do ciclo integral da auga pola Administración hidráulica de Galicia.

A Administración hidráulica de Galicia, a través da entidade pública empresarial Augas de Galicia, poderá ser entidade pública prestadora de servizos. Nestes casos, Augas de Galicia xestionará infraestruturas de abastecemento, saneamento ou depuración que formen parte do ciclo integral da auga e prestará os servizos asociados á súa explotación, colaborando coas entidades locais coa finalidade de garantir o subministro de auga en calidade e cantidade axeitada e de contribuír á consecución do bo estado ecolóxico das augas.

Artigo 20. Xestión de infraestruturas de titularidade das entidades locais.

1. No caso en que a administración pública titular das infraestruturas e a responsable dos servizos sexa unha ou varias entidades locais, o alcance da xestión de Augas de Galicia como entidade pública prestadora de servizos, nos seus aspectos técnicos, administrativos e financeiros, articularanse a través de convenios de colaboración con esas entidades locais.

2. A xestión de Augas de Galicia como entidade pública prestadora de servizos en ningún caso supón alteración da titularidade ou da competencia das entidades locais.

3. Os convenios referidos neste artigo terán unha duración determinada que se axustará ao disposto no artigo 49.h) da Lei 40/2015 do 1 de outubro, de réxime xurídico do Sector Público. No caso en que sexan necesarios os investimentos referidos no artigo 24 desta lei, a duración dos convenios será a necesaria para a súa recuperación, sen que en ningún caso poida ser superior a corenta anos.

4. A recuperación da xestión das infraestruturas vinculadas ao ciclo integral da auga por parte das entidades locais competentes poderá levarse a cabo nos termos establecidos nos convenios, previa liquidación de todas as obrigacións e compromisos pendentes coa administración hidráulica de Galicia.

5. No caso de que as entidades locais para as que Augas de Galicia actúa como entidade pública prestadora de servizos non cumprisen as obrigas establecidas nesta lei ou os compromisos adquiridos en base aos convenios previstos, a administración hidráulica de Galicia poderá proceder á reversión desa xestión á entidade local correspondente, de acordo coa normativa aplicable e as condicións acordadas nos convenios correspondentes.

Artigo 21. Xestión de infraestruturas de titularidade da administración hidráulica de Galicia.





Santiago, 11 MAR. 2022

XEFE DE SECCIÓN,

Paulino Suárez Domínguez

1. As infraestruturas que sexan de titularidade de Augas de Galicia serán xestionadas polas administracións públicas responsables dos servizos, salvo que exista un interese publico superior, declarado polo Consello da Xunta, que xustifique a actuación de Augas de Galicia como entidade pública prestadora de servizos.
2. Considérase que existe un interese publico superior que xustifica a xestión por Augas de Galicia das infraestruturas dos sistemas de abastecemento e de saneamento e depuración que expresamente se indican nesta lei, no plan galego de abastecemento ou no plan galego de saneamento. Así mesmo, en calquera outro caso, Augas de Galicia poderá propoñer xustificadamente ao Consello da Xunta de Galicia a declaración de interese público superior da prestación dos servizos de abastecemento, saneamento e depuración.
3. A declaración de interese público superior perderá os seus efectos cando estas infraestruturas deixen de ser de titularidade de Augas de Galicia ou se acorde coas administracións públicas responsables dos servizos a súa xestión por parte destas.

Artigo 22. Informe previo á xestión de infraestruturas por Augas de Galicia.

1. Coa finalidade de definir o alcance da xestión de Augas de Galicia como entidade pública prestadora de servizos, con carácter previo á asunción da xestión de infraestruturas por Augas de Galicia nos supostos previstos nos dous artigos anteriores, Augas de Galicia emitirá un informe de carácter técnico, administrativo e económico da situación das infraestruturas que se pretendan xestionar.
2. No informe referido no apartado anterior analizaranse, como mínimo, os seguintes aspectos:
 - a) A situación técnica e o estado de conservación e mantemento das infraestruturas susceptibles de ser xestionadas.
 - b) A situación administrativa, legal e económica dos servizos que corresponda prestar a través desas infraestruturas.
 - c) A estimación dos custos asociados á xestión desas infraestruturas e a prestación dos servizos vinculados.
 - d) Unha estimación dos investimentos que sería necesario executar, en relación ás infraestruturas susceptibles de ser xestionadas, co fin de poder prestar os servizos vinculados cumprindo os parámetros marcados pola normativa vixente.

Ademais, deberá quedar xustificada a dispoñibilidade dos medios persoais e técnicos necesarios para a actuación de Augas de Galicia como entidade pública prestadora dos servizos.

3. No caso das infraestruturas de depuración, en función dos datos de poboación, da actividade empresarial e industrial e dos datos de deseño e capacidade das instalacións, o informe referido propondrá un volume de depuración mensual ordinario que, en condicións normais, poderá ser tratado nas infraestruturas existentes. No informe determinarase o punto ou puntos de control nos que en





Santiago, 11 MAR. 2022

O XEFE DE SECCIÓN,

Paulino Suárez Domínguez

cada caso se medirá o volume mensual de auga entrante na depuradora. Cando nas instalacións entren de forma independente augas residuais de máis dun municipio, o volume anterior especificaranse para cada un dos concellos.

4. No caso de que o volume de depuración mensual ordinario ao que fai referencia o apartado anterior non sexa único e se estableza un volume aplicable a distintos períodos dentro do ano natural, estes períodos de tempo deben facerse en referencia aos meses naturais do ano. Para cada un dos volumes de depuración mensuais ordinarios propostos establecerase un punto de control.

5. No caso das infraestruturas de saneamento que inclúan bombeos, estruturas de regulación ou elementos de control da caudal, en función dos datos de poboación, da actividade empresarial e industrial e dos datos de deseño e capacidade das instalacións, o informe referido proporá, para cada unha delas, un volume de saneamento mensual ordinario que, en condicións normais, poderá ser recollido polas infraestruturas existentes. No informe determinarase o punto ou puntos de control nos que en cada caso se medirá o volume mensual de auga conducido ou bombeado polos colectores. Cando ás instalacións entren de forma independente augas residuais de máis dun municipio, o volume anterior especificaranse para cada un dos concellos.

6. No caso de que o volume de saneamento mensual ordinario ao que fai referencia o apartado anterior non sexa único e se estableza un volume aplicable a distintos períodos dentro do ano natural, estes períodos de tempo deben facerse en referencia aos meses naturais do ano. Para cada uno dos volumes de saneamento mensuais ordinarios propostos establecerase un punto de control no sistema de saneamento.

7. O custo dos estudos que sexa necesario realizar para formular o informe previo ao que se refire este artigo será asumido por Augas de Galicia, salvo nos casos onde se realice a solicitude dunha entidade local, co fin de asumir a xestión de infraestruturas da súa titularidade, e esta finalmente non se poida concretar, no que será asumido por esta.

Artigo 23. Condicións da xestión de infraestruturas e de prestación de servizos por Augas de Galicia.

1. En base ao informe previo referido no artigo anterior, Augas de Galicia realizará unha proposta de condicións de xestión das infraestruturas e de prestación dos servizos vinculados.

2. En cada caso, na súa proposta Augas de Galicia indicará as infraestruturas concretas cuxa explotación entraría dentro do ámbito da súa prestación dos servizos. No caso da prestación de servizos de saneamento, establecerase un coeficiente de explotación do saneamento no que se teña en conta as infraestruturas xestionadas e o seu custo de explotación, conservación e mantemento, en relación ao total do sistema de saneamento. Do mesmo xeito, no caso da prestación de servizos de abastecemento, establecerase un coeficiente de explotación do abastecemento.





Santiago, 11 MAR. 2022

CHEFE DE SECCIÓN,

Paulino Suárez Domínguez

3. As condicións de xestión das infraestruturas e de prestación dos servizos vinculados para as que se considere que existe un interese público superior entrarán en vigor na data que se fixe na súa notificación ás entidades locais ás que se lle presten servizos.

No caso en que as infraestruturas sexan de titularidade das entidades locais, as condicións de xestión e de prestación dos servizos vinculados incorporaranse aos convenios de colaboración referidos no artigo 20.

4. Os informes previos que sirvan de base para establecer as condicións de xestión das infraestruturas e de prestación dos servizos vinculados por Augas de Galicia poderán ser revisados en calquera momento e, como mínimo, unha vez cada seis anos, co fin de poder modificar esas condicións cando corresponda, tanto no relativo aos volumes de depuración e de saneamento mensuais ordinarios como á estimación de investimentos necesarios para cumprir os parámetros marcados pola normativa vixente e as demais condicións establecidas.

5. No caso de que sexa necesario modificar as condicións da prestación de servizos que realice Augas de Galicia, estas deberán ser autorizadas polo Consello da Xunta de Galicia, no suposto da declaración de interese público superior referida no artigo 21, ou incorporadas aos convenios previstos no artigo 20, mediante a súa modificación.

Artigo 24. Investimentos sobre as infraestruturas que forman parte da actuación de Augas de Galicia como entidade prestadora de servizos.

1. No caso das infraestruturas de titularidade das entidades locais, cando o informe previo referido nos artigos anteriores conclúa que é necesario realizar investimentos nas infraestruturas existentes para poder prestar axeitadamente os servizos vinculados, máis aló dos correspondentes ao mantemento e conservación das mesmas, Augas de Galicia formulará unha proposta de convenio de colaboración con estas entidades locais, fundamentada en criterios económicos e técnicos, na que se recollerán as condicións para a súa instrumentación e financiamento. A sinatura destes convenios terá carácter previo ou simultáneo aos referidos no artigo 20.

2. Na determinación da participación no financiamento dos investimentos nas infraestruturas existentes previstas no primeiro apartado, en cada caso terase en conta as dispoñibilidades orzamentarias de Augas de Galicia, das deputacións provinciais a cuxo territorio pertencen as entidades locais interesadas e das propias entidades locais que sexan competentes para a prestación do servizo. No caso dos concellos de menos de 20.000 habitantes, salvo que concorran causas debidamente xustificadas, as entidades competentes participarán no financiamento destas actuacións do seguinte xeito:

- Un terzo do custo das actuacións de dotación ou mellora de infraestruturas previstas será financiado pola administración hidráulica de Galicia.

- Un terzo do custo das actuacións de dotación ou mellora de infraestruturas previstas será financiado polas entidades locais.





XUNTA DE GALICIA

CONSELLERÍA DE
INFRAESTRUTURAS E MOBILIDADE

DILIXENCIA: Para facer constar que a presente fotocopia foi compulsada, co seu orixinal, concordando fielmente.

Santiago, 11 MAR. 2022

O XEFE DE SECCIÓN,

Paulino Suárez Domínguez

galicia

- O terzo restante será financiado pola deputación provincial correspondente.

3. Será en todo caso imprescindible que a administración local acredite a dispoñibilidade dos terreos necesarios para a execución das obras, así como a obtención das servidumes e ocupacións temporais que foran pertinentes.

Nos supostos en que fora necesario acudir ao procedemento expropiatorio para a obtención dos terreos, a administración local poderá solicitar a colaboración técnica de Augas de Galicia.

4. Os investimentos sobre as infraestruturas de titularidade de Augas de Galicia serán asumidos por esta, ser prexuízo dos acordos de colaboración e financiamento aos que se poida chegar con outras entidades.

5. No caso das infraestruturas que xestione Augas de Galicia, unha vez rematados os investimentos nas infraestruturas existentes referidos nos apartados anteriores, a súa xestión incorporárase ao ámbito da actuación de Augas de Galicia como entidade prestadora de servizos.

Se estes investimentos supoñen unha modificación das condicións de xestión e de prestación dos servizos vinculados, procederáse segundo o disposto no artigo 23.

Artigo 25. Da protección das instalacións e infraestruturas de titularidade da administración hidráulica de Galicia

1. Co fin de garantir o axeitado funcionamento e a protección das instalacións asociadas á xestión do ciclo integral da auga, o consello da Xunta de Galicia, a proposta de Augas de Galicia, poderá establecer unha zona de servidume das infraestruturas da súa titularidade relacionadas coa xestión do ciclo integral da auga, dentro da cal as actividades e os usos do solo estarán sometidos ás limitacións seguintes:

a) A prohibición de edificar ou instalar construcións permanentes.

b) A necesidade de obter a autorización da administración hidráulica de Galicia para efectuar movementos de terra ou obras na superficie e no subsolo.

c) O acceso libre e permanente do persoal propio ou designado pola administración hidráulica de Galicia para levar a cabo as tarefas de vixilancia, mantemento, reparación, amollonamento e renovación das instalacións, e tamén o depósito de materiais.

d) O sometemento de calquera outras actividades ou operacións á autorización previa e expresa da administración hidráulica de Galicia, que deberá ter en conta a súa compatibilidade coa seguridade das instalacións e coa garantía da continuidade do servizo.

2. A administración hidráulica de Galicia poderá acordar ou promover a expropiación forzosa dos dereitos e as facultades sobre bens de titularidade privada que resulten afectados pola definición da zona de servidume establecida no apartado anterior, en relación coas instalacións actualmente existentes. Con esta finalidade, a declaración de utilidade pública e a necesidade de ocupación





XUNTA DE GALICIA
CONSELLERÍA DE
INFRAESTRUTURAS E MOBILIDADE

DILIXENCIA: Para facer constar que a presente fotocopia foi compulsada, co seu orixinal, concordando fielmente.

Santiago,

1 MAR. 2022

XEFE DE SECCIÓN,

Paulino Suárez Domínguez

galicia

enténdense implícitas na aprobación definitiva dos plans ou proxectos correspondentes, segundo establece a vixente normativa en materia de expropiación forzosa.

CSV: BOPGDSPG-45WqWT1CL-3
Verificación:
<https://sede.parlamentodegalicia.gal/tramites/csv/>





XUNTA DE GALICIA
CONSELLERÍA DE
INFRAESTRUTURAS E MOBILIDADE

DILIXENCIA: Para facer constar que a presente fotocopia foi compulsada, co seu orixinal, concordando fielmente.

Santiago, 11 MAR. 2022

O XEFE DE SECCIÓN,
Paulino Suárez Domínguez

galicia

TÍTULO III: SISTEMA DE FINANCIAMENTO DA XESTIÓN DO CICLO INTEGRAL DA AGUA POR AUGAS DE GALICIA

CAPÍTULO I: SISTEMA DE FINANCIAMENTO DA XESTIÓN DO CICLO INTEGRAL DA AGUA

Artigo 26. Financiamento da xestión do ciclo integral da auga

1. Coa finalidade de dar cumprimento aos principios de eficiencia e eficacia na xestión do ciclo integral da auga, así como garantir a viabilidade dos servizos mediante a recuperación dos custes, na presente Lei establécese un sistema de financiamento para aqueles supostos nos que Augas de Galicia actúe como entidade prestadora de servizos.
2. Este sistema de financiamento está formado por los cánones regulados nos presente título, que terán a natureza de taxa, segundo o disposto na Lei 6/2003, do 9 de decembro, de taxas, prezos públicos e exaccións reguladoras da comunidade autónoma de Galicia.

CAPÍTULO II: CANON DE XESTIÓN DE DEPURADORAS

Sección 1.ª Disposicións xerais

Artigo 27. Canon de xestión de depuradoras, ámbito e normativa de aplicación.

1. Mediante a presente lei establécese a regulación do canon de xestión de depuradoras como tributo propio da comunidade autónoma de Galicia con natureza de taxa.
2. O canon de xestión de depuradoras aplicarase no ámbito territorial da comunidade autónoma de Galicia, naqueles supostos nos que Augas de Galicia actúe como entidade prestadora de servizos.
3. O canon de xestión de depuradoras será de aplicación desde o día en que se inicie a prestación do servizo de depuración por parte de Augas de Galicia. A data de inicio será comunicada con antelación aos concellos aos que se preste o servizo, aos efectos da aplicación do canon de xestión de depuradoras aos seus abonados.

Artigo 28. Afectación do produto do canon de xestión de depuradoras.

O produto do canon de xestión de depuradoras será destinado á financiación dos gastos de explotación, conservación, mantemento e mellora das estacións depuradoras de augas residuais que xestione Augas de Galicia.

Sección 2.ª Elementos do tributo

Artigo 29. Feito imponible.





Santiago, 1 MAR. 2022

O XEFE DE SECCIÓN,

Paulino Suárez Domínguez

1. Constitúe o feito impoñible do canon de xestión de depuradoras a prestación do servizo de depuración das augas residuais efectuado por Augas de Galicia, por si ou mediante calquera das formas previstas na normativa vixente para a xestión do servizo público.

2. O canon de xestión de depuradoras esixirase segundo as modalidades seguintes:

- a) Usos domésticos e asimilados
- b) Usos non domésticos
- c) Usos urbanos
- d) Fosas sépticas

3. O canon de xestión de depuradoras esixirase indistintamente da procedencia da auga, tanto se é facilitada por entidades subministradoras, como se procede de captacións propias, superficiais ou subterráneas, incluídos os consumos ou usos de augas pluviais e mariñas que efectúen directamente os usuarios, así como a auga incluída nas materias primas e as augas brancas.

Artigo 30. Suxeito pasivo e outros obrigados tributarios.

1. Son suxeitos pasivos a título de contribuíntes as persoas físicas, xurídicas ou as entidades do artigo 35.4.º da Lei 58/2003 xeral tributaria, ás que a Augas de Galicia lle preste o servizo de depuración.

2. Considerarase como contribuínte as persoas seguintes ás que se lle preste o servizo de depuración, salvo proba en contrario:

- a) no suposto de abastecemento de auga por entidade subministradora, a persoa titular do contrato de subministración.
- b) no suposto de captacións propias, o usuario ou o titular do aproveitamento desde o que se realiza a captación e, no seu defecto, a persoa titular da instalación desde a que se realice a captación, así como tamén os titulares das instalacións desde as que se realicen os vertidos. Non obstante, e mentres Augas de Galicia non dite a resolución á que fai referencia o artigo 59 desta lei, será contribuínte o titular do contrato de sumidoiros.

Se o titular do aproveitamento é unha comunidade de usuarios, o contribuínte será o comuneiro.

- c) No suposto de baleirado de fosas sépticas, o titular da fosa séptica.
- d) No suposto dos usos urbanos, as entidades locais ás que se lles preste o servizo de depuración.

3. No suposto de abastecemento de auga por entidades subministradoras de auga, estas terán a consideración de suxeitos pasivos a título de substituto do contribuínte. Así mesmo, nos supostos de contribuíntes que non se abastezan de entidade subministradora, as entidades prestadoras do servizo de sumidoiros terán a condición de suxeitos pasivos substitutos de contribuínte.





Santiago, 11 MAR. 2022



O XEFE DE SECCIÓN,
Paulino Suárez Domínguez

No suposto de baleirados de fosas sépticas nas depuradoras, as empresas xestoras destas últimas terán a consideración de suxeitos pasivos a título de substituto do contribuínte titular da fosa séptica.

4. Son responsables solidarios:

- a) No caso de vivendas, a persoa titular do contrato de subministración, no caso de non ser contribuínte, e a propietaria da vivenda.
- b) No caso de captacións propias, de non ser contribuíntes, as persoas titulares dos aproveitamentos e as titulares das instalacións mediante as cales ou desde as cales se produzan as captacións ou se realicen as verteduras contaminantes.
- c) No caso do baleirado de fosas sépticas nas depuradoras, o transportista.

Artigo 31. Supostos de non suxeición e exencións.

1. Non están suxeitos ao canon de xestión de depuradoras:

Os usos para abastecemento feito a través de redes básicas e, en xeral, o abastecemento en alta doutros servizos públicos de distribución de auga potable, cando a súa posterior distribución en baixa sexa obxecto de repercusión do canon de xestión de depuradoras.

2. Atópanse exentos do pagamento do canon de xestión de depuradoras:

- a) Os usos da auga por parte de entidades públicas para a alimentación de fontes, bocas de rega de parques e xardíns e limpeza de rúas.
- b) Os usos feitos polos servizos públicos de extinción de incendios ou os que coas mesmas características sexan efectuados ou ordenados polas autoridades públicas en situacións de necesidade extrema ou catástrofe.
- c) Os usos destinados a unha unidade de convivencia independente que acrediten, nas condicións que regulamentariamente se establezan, estar en situación de exclusión social, de acordo coa lexislación en materia de servizos sociais e inclusión social de Galicia. A exención terá efectos a partir do primeiro día natural do terceiro mes seguinte ao da súa acreditación, o ben no seguinte período de liquidación, no caso de captacións propias.

Artigo 32. Base imponible e métodos de determinación da base imponible.

1. Constitúe a base imponible o volume real ou potencial de auga utilizado ou consumido en cada mes natural, expresado en metros cúbicos.

No caso de usos non domésticos que dispoñan de contadores ou caudalímetros homologados de volume de vertido e tributen na modalidade de carga contaminante, así como no baleirado de fosas





Santiago, 11 MAR. 2022

O XEFE DE SECCIÓN,

Paulino Suárez Domínguez



sépticas, poderá considerarse como base imponible o volume vertido nas condicións que se determinen regulamentariamente.

No caso dos usos urbanos, a base imponible virá constituída polo volume mensual de auga entrante na depuradora.

2. A determinación da base imponible realizarase, con carácter xeral, en réxime de estimación directa, mediante contadores ou caudalímetros homologados.

3. Nos usuarios que non dispoñan de contadores ou caudalímetros a base imponible determinarase por estimación obxectiva.

4. Supletoriamente, o método de estimación indirecta aplicarase de conformidade co disposto na Lei 58/2003, do 17 de decembro, xeral tributaria.

Artigo 33. Determinación da base imponible mediante o réxime de estimación directa.

1. No caso de abastecementos por entidade subministradora, o volume de auga utilizado ou consumido será o subministrado por dita entidade, medido, no seu caso, polo contador homologado instalado.

2. No caso de concesións de uso ou captacións propias, o volume será o medido polo contador homologado instalado, que será declarado polo contribuínte na forma e prazos que regulamentariamente se determinen.

3. No caso dos usos urbanos, o volume mensual de auga entrante na depuradora será o medido polos contadores ou caudalímetros situados nos puntos de control que se determinen no informe previo referido no artigo 22 desta lei.

4. No caso de baleirado de fosas sépticas en depuradoras xestionadas por Augas de Galicia, a base imponible será o volume baleirado.

Artigo 34. Determinación da base imponible mediante o réxime de estimación obxectiva.

O cálculo da base imponible do canon de xestión de depuradoras mediante o réxime de estimación obxectiva fixarase regulamentariamente en atención ás características e circunstancias do aproveitamento, tendo en conta a capacidade de extracción, adución ou almacenamento de auga dos mecanismos instalados polo suxeito pasivo, así como da información que conste no rexistro administrativo do aproveitamento ou vertido. No caso dos usos domésticos, a base imponible mediante o método de estimación obxectiva poderá determinarse a partir dos volumes de dotación básica da auga para vivendas que se establezan nos instrumentos de planificación hidrolóxica.

Artigo 35. Devengo

1. O devengo producirase no momento en que se realice a utilización ou consumo real ou potencial da auga.





Santiago, 11 MAR. 2022

galicia

O XEFE DE SECCIÓN,
Paulino Suárez Domínguez

2. Naqueles supostos onde a base imponible veña constituída polo volume vertido, o devengo producirase no momento en que dito vertido se produza.

3. Nos usos domésticos e asimilados, o tipo de gravame aplicarase sobre os consumos mensuais.

Subsección 1.ª Cuantificación do canon de xestión de depuradoras para usos domésticos e asimilados

Artigo 36. Cota do canon de xestión de depuradoras.

1. A cota do canon de xestión de depuradoras para usos domésticos e asimilados resultará da adición dunha parte fixa e unha parte variable. Da cantidade resultante poderán practicarse as deducións previstas no artigo 37 da presente lei.

2. A parte variable da cota será o resultado de aplicar sobre a base imponible os tipos de gravame previstos no artigo seguinte.

3. No caso de que os contadores, os aproveitamentos ou as medidas do caudal sexan colectivos, aplicarase a parte fixa da cota multiplicada polo número de vivendas, oficinas ou locais conectados. Cando este extremo non sexa coñecido, o número de abonados determinarase en función do diámetro do contador de acordo coa seguinte táboa:

Diámetro del contador (mm)	N.º de abonados asignados
< 15	1
15	3
20	6
25	10
30	16
40	25
50	50
65	85
80	100
100	200
125	300
> 125	400

Para valores intermedios de diámetros nominais tomarase o valor inferior ao correspondente.

Artigo 37. Tipo de gravame.





Santiago, 11 MAR. 2022

O XEFE DE SECCIÓN,

Paulino Suárez Domínguez

1. O tipo de gravame para usos domésticos e asimilados determinarase en función do número de persoas que habitan as vivendas e en función do volume de auga consumido. A estes efectos, establécense os seguintes tramos de volume:

Tramos	Volume mensual (m ³)
Primeiro	$\leq 2 \cdot n$
Segundo	$> 2 \cdot n$ y $\leq 4 \cdot n$
Terceiro	$> 4 \cdot n$ y $\leq 8 \cdot n$
Cuarto	$> 8 \cdot n$

onde «n» é o número de persoas na vivenda.

2. Establécese unha cota fixa de 1,54 euros por contribuínte e mes para usos domésticos e unha cota fixa de 3,08 euros para usos asimilados a domésticos.

3. A parte variable resulta de aplicar aos consumos mensuais os seguintes tipos de gravame:

- Consumo realizado dentro do primeiro tramo: 0,15 €/m³.
- Consumo realizado dentro do segundo tramo: 0,29 €/m³.
- Consumo realizado dentro do terceiro tramo: 0,37 €/m³.
- Consumo realizado dentro do cuarto tramo: 0,42 €/m³.

4. Tomarase como referencia xenérica aos efectos da aplicación do tipo de gravame unha vivenda habitada por tres persoas. Regulamentariamente determinaranse os requisitos para acreditar perante Augas de Galicia, a instancia do suxeito pasivo, un número diferente de habitantes por vivenda, así como os prazos para levalo a cabo e o período de vixencia. As modificacións resultantes terán efectos a partir do primeiro día natural do terceiro mes seguinte á súa acreditación, ou ben no seguinte período de liquidación no caso de captacións propias.

Non obstante, naqueles supostos onde o concello teña establecido un sistema tarifario para as súas taxas que teña en conta o número de persoas empadroadas e dita acreditación sexa realizada de oficio en base aos datos obrantes no padrón municipal, na facturación do canon de xestión de depuradoras terase en conta o número de persoas acreditado polo concello.

5. Nos supostos de usos asimilados a domésticos, o tipo de gravame será o correspondente ao establecido para unha vivenda de tres persoas, aplicándose ao consumo realizado dentro do primeiro tramo o tipo correspondente ao segundo tramo.

6. Nos supostos de que os contadores, os aproveitamentos ou os aforos fosen colectivos, o valor de «n» establecido na alínea 1 deste artigo será o resultado de multiplicar por 3 o valor obtido da aplicación da alínea 3 do artigo anterior. Nestes supostos non será aplicable o establecido na alínea 4 deste artigo.





Santiago, 11 MAR. 2022

O XEFE DE SECCIÓN,

Paulino Suárez Domínguez

7. Se no período de facturación se constatará a existencia dunha fuga de auga na rede interna de subministro do contribuínte e o volume facturado ten a consideración de desproporcionada en virtude de dita fuga, os tipos de gravame do terceiro e cuarto tramo de consumo indicado nas letras c) e d) do apartado 3 serán os establecidos para o tramo 2 indicado na letra b) de dito apartado.

A estes efectos terá a consideración de volume desproporcionado aquel que reúna los seguintes requisitos:

- Que o volume facturado sexa superior ao quíntuplo do volume promedio dos períodos de facturación inmediatos anteriores que representen o ciclo dun ano de facturación.
- Que o contribuínte tomase as medidas necesarias para reparar a fuga no prazo dunha semana desde que tivo coñecemento da existencia da fuga. Cando esta data non se coñeza, entenderase que o contribuínte tivo coñecemento da existencia da fuga no momento en que se lle notifique a factura da auga correspondente ao período no que se produciu a fuga.

Artigo 38. Deducións da cota.

Aplicarase unha dedución do 50% sobre a cota íntegra do canon de xestión de depuradoras cando corresponda aos usos destinados á vivenda habitual das familias numerosas que acrediten formalmente tal condición, de acordo coa normativa de aplicación na materia. A dedución terá efectos a partir do primeiro día natural do terceiro mes seguinte á súa acreditación, ou ben no seguinte período de liquidación no caso de captacións propias.

Subsección 2º Cuantificación do canon de xestión de depuradoras para usos non domésticos

Artigo 39. Cota do canon de xestión de depuradoras.

1. A cota do canon de xestión de depuradoras para usos non domésticos resultará da adición dunha parte fixa e dunha parte variable.
2. A parte fixa da cota será de 3,08 euros por contribuínte e mes.
3. A parte variable da cota resultará:
 - a) Na modalidade de volume, de aplicar sobre a base impositiva constituída polo volume real ou potencial de auga utilizado ou consumido o tipo de gravame previsto para esta modalidade no artigo seguinte.
 - b) Na modalidade de carga contaminante, de sumar as cantidades que resulten de aplicar os tipos de gravame previstos no artigo seguinte para esta modalidade.
4. Na modalidade de carga contaminante, cando a base impositiva sobre a que se aplique o tipo de gravame xeral e a base impositiva sobre a que se aplique o tipo de gravame especial non sexan coincidentes, por estar constituída esta última por volume vertido, a parte variable da cota





Santiago, 11 MAR. 2022

O XEFE DE SECCIÓN,

Paulino Suárez Domínguez

resultante da aplicación de cada tipo repercutirase de maneira diferenciada. Así mesmo, nestes supostos, de abastecerse o suxeito pasivo a través dunha entidade subministradora, Augas de Galicia poderá liquidar directamente a parte variable da cota resultante da aplicación do tipo de gravame especial, quedando obrigada a entidade subministradora a repercutir a parte fixa da cota e a parte variable da cota resultante da aplicación do tipo de gravame xeral.

Artigo 40. Tipo de gravame.

1. A determinación do tipo de gravame suxeitarase ás seguintes regras:

a) Na modalidade de volume, aplicarase a tarifa prevista no apartado terceiro deste artigo sobre a base imponible constituída polo volume real ou potencial de auga utilizado ou consumido determinada por algún dos sistemas establecidos no artigo 33.

b) Na modalidade de carga contaminante, serán de aplicación os seguintes tipos de gravame:

1ª) O tipo de gravame xeral previsto no número 3, que se aplicará sobre a base imponible constituída polo volume real ou potencial de auga utilizado ou consumido determinada por algún dos sistemas establecidos no artigo 33.

2ª) O tipo de gravame especial en función da contaminación producida, que será o determinado a partir dos valores previstos no apartado terceiro deste artigo.

Esta modalidade será aplicable naqueles casos en que Augas de Galicia, de oficio ou por instancia do suxeito pasivo, opte por determinar os tipos de gravame tendo en conta o volume real ou potencial de auga utilizado ou consumido, así como a contaminación producida. Augas de Galicia determinará de oficio a aplicación dos tipos de gravame correspondentes á modalidade de carga contaminante nos casos en que a cota resultante resulte superior á que puider deducirse da aplicación do tipo de gravame correspondente á modalidade de volume.

2. Os parámetros e unidades de contaminación que se considerarán na determinación do tipo de gravame na modalidade de carga contaminante son os seguintes:

Parámetros	Unidades de contaminación
Materias en suspensión (mes)	Kg
Materias oxidables (MO)	Kg
Nitróxeno total (NT)	Kg
Fósforo total (PT)	Kg
Sales solubles (SOL)	S/cm · m ³
Metais (MT)	kg equimetal
Materias inhibidoras (MI)	Equitox

3. O tipo de gravame expresarase en euros/metro cúbico, sendo:





Santiago, 11 MAR 2022

O XEFE DE SECCIÓN,

Paulino Suárez Domínguez

a) Na modalidade de volume, de 0,5 €/m³.

b) Na modalidade de carga contaminante os tipos de gravame serán:

1º O tipo de gravame xeral, de 0,1 €/m³.

2º O tipo de gravame especial, determinado a partir dos seguintes valores dos parámetros de contaminación:

-Materias en suspensión: 0,202 €/kg.

-Materias oxidables: 0,406 €/kg.

-Nitróxeno total: 0,304 €/kg.

-Fósforo total: 0,609 €/kg.

-Sales solubles: 3,256 €/S/cm m³.

-Metais: 9,148 €/kg equimetal.

-Materias inhibidoras: 0,043 €/equitox.

4. O tipo de gravame establecido na letra b do número anterior poderá ser afectado, segundo os casos, polos coeficientes establecidos nos números seguintes, de conformidade cos seguintes criterios:

a) As achegas ou as detraccións de auga que efectúe o contribuínte, que se expresará mediante a relación existente entre o volume de auga vertido e o volume de auga consumido ou utilizado.

b) A realización de verteduras a zonas declaradas sensibles.

5. Naqueles casos en que o volume de auga vertido á rede de sumidoiros sexa distinto ao volume de auga consumido ou utilizado, o tipo de gravame na modalidade de carga contaminante verase afectado por un coeficiente corrector de volume (CCV), que expresará a relación existente entre ambos os volumes.

Para a aplicación deste coeficiente corrector de volume é preciso, salvo as excepcións que se determinen regulamentariamente, que o obrigado tributario dispoña de aparellos de medida nas fontes de abastecemento de auga e na vertedura. Noutro caso, este coeficiente non será de aplicación.

No caso de que a base impoñible veña constituída polo volume vertido, este coeficiente non será de aplicación.

6. Nos vertidos que se realicen en depuradoras que vertan en zonas que, de acordo coa normativa vixente, fosen declaradas sensibles, os parámetros de contaminación veranse afectados polo seguinte coeficiente de zona sensible (CZS):





Santiago, 11 MAR. 2022

O XEFE DE SECCIÓN,

Paulino Suárez Domínguez

Parámetro de contaminación	Coefficiente de zona sensible
Nitróxeno total	1,1
Fósforo total	1,1
Resto de parámetros	1

Augas de Galicia manterá un rexistro actualizado das depuradoras por ela xestionada que vertan a zonas declaradas sensibles.

Subsección 3.^a Cuantificación do canon de xestión de depuradoras para usos urbanos

Artigo 41. Cota do canon de xestión de depuradoras e tipo de gravame

1. A cota do canon de xestión de depuradoras na modalidade de usos urbanos resultará da adición de dúas partes variables, unha asociada ao volume de auga e outra á carga contaminante.
2. A parte variable asociada ao volume de auga resultará da multiplicación do tipo de gravame de 0,29 €/m³ pola diferenza entre a base impositiva e o volume de depuración mensual ordinario fixado para cada depuradora. De resultar esta diferenza un volume negativo, tomarase o valor de 0.
3. A parte variable asociada á carga contaminante resultará da multiplicación da base impositiva por un coeficiente de contaminación e polo tipo de gravame de 0,053 €/m³.
4. O coeficiente de contaminación determinarase para cada depuradora en función da concentración de contaminantes na auga, segundo a analítica mensual representativa realizada, en relación aos seguintes parámetros e ás seguintes concentracións base:

Parámetros	Concentración base
Demanda bioquímica de oxíxeno (DBO ₅)	500,00mg/l
Materias en suspensión (MES)	500,00 mg/l
Demanda química de Oxixeno (DQO)	1000,00 mg/l
Nitróxeno total (NT)	60,00 mg/l
Fósforo total (PT)	40,00 mg/l
Conductividade	5000,00 µS/cm
Materias inhibidoras (MI)	20 Equitox

O coeficiente de contaminación tomará o valor do número de parámetros para os que se superen as concentracións base da táboa anterior. No caso en que as concentracións base non se superen para ningún parámetro, o coeficiente de contaminación adoptará o valor de 0.





Santiago, 11 MAR, 2022

galicia

O XEFE DE SECCIÓN,

Paulino Suárez Domínguez

5. O volume depuración mensual ordinario e a concentración de contaminantes na auga entenderanse referidos ao punto ou puntos de control sinalados no informe previo referido no artigo 22 desta lei.

Subsección 4.^a Fosas sépticas

Artigo 42. Baleirado de fosas sépticas

1. Os titulares de fosas sépticas de natureza doméstica poderán realizar o seu baleirado nas instalacións de depuración xestionadas por Augas de Galicia que teñan habilitado dito servizo. Para tal efecto Augas de Galicia manterá un rexistro actualizado das instalacións que presten o servizo.

2. O baleirado da fosa séptica levará aparellado a obriga do pagamento do canon de xestión de depuradoras sendo a súa cota a resultante da adición dunha parte fixa e dunha parte variable en función da tipoloxía do vertido

a) A parte fixa da cota será de 30 euros por baleirado.

b) O tipo de gravame da parte variable será de 20 €/m³ de auga baleirada.

3. Os xestores da depuradora veñen obrigados a facturar e recadar dos titulares da fosa séptica o canon de xestión de depuradoras no momento de producirse o baleirado, así como a presentar as autoliquidacións a Augas de Galicia no prazo que regulamentaria se determine.

CAPÍTULO III: CANON DE XESTIÓN DE REDES DE COLECTORES

Sección 1.^a Disposicións xerais

Artigo 43. Canon de xestión de redes de colectores, ámbito e normativa de aplicación.

1. Mediante a presente lei establécese a regulación do canon de xestión de redes de colectores como tributo propio da Comunidade Autónoma de Galicia con natureza de taxa.

2. O canon de xestión de redes de colectores aplicarase no ámbito territorial da Comunidade Autónoma de Galicia, naqueles supostos nos que Augas de Galicia actúe como entidade prestadora de servizos.

3. O canon de xestión de redes de colectores será de aplicación desde o día en que se inicie a prestación do servizo de depuración por parte de Augas de Galicia. A data de inicio será comunicada con antelación aos concellos aos que se preste o servizo, aos efectos da aplicación do canon de xestión de redes de colectores aos seus abonados.

Artigo 44. Afectación do produto do canon de xestión de redes de colectores.





Santiago, 11 MAR. 2022

O XEFE DE SECCIÓN,

Paulino Suárez Domínguez

O produto do canon de xestión de redes de colectores será destinado á financiación dos gastos de explotación, conservación, mantemento e mellora das redes de colectores que xestione Augas de Galicia.

Sección 2.^a Elementos do tributo

Artigo 45. Feito imponible.

1. Constitúe o feito imponible do canon de xestión de redes de colectores a prestación do servizo de explotación de colectores, para a conducción das augas residuais ás depuradoras de augas residuais, efectuado por Augas de Galicia, por si ou mediante calquera das formas previstas na normativa vixente para a xestión do servizo público. Enténdese incluído no feito imponible os bombeos e os tanques de retención que, de maneira individual ou en conxunto cos colectores, sexan xestionados por Augas de Galicia.

2. O canon de xestión de redes de colectores esixirase segundo as modalidades seguintes:

- Usos domésticos e asimilados.
- Usos non domésticos.
- Usos urbanos.

3. O canon de xestión de redes de colectores esixirase indistintamente da procedencia da auga, tanto se é facilitada por entidades subministradoras, como se procede de captacións propias, superficiais ou subterráneas, incluídos os consumos ou usos de augas pluviais e mariñas que efectúen directamente os usuarios, así como a auga incluída nas materias primas e as augas brancas.

Artigo 46. Suxeito pasivo e outros obrigados tributarios.

1. Son suxeitos pasivos a título de contribuíntes as persoas físicas, xurídicas ou as entidades do artigo 35.4.º da Lei 58/2003 xeral tributaria, ás que Augas de Galicia lle preste o servizo de colectores para a conducción das augas residuais ás depuradoras.

2. Considerarase como contribuínte as persoas seguintes ás que se lle preste o servizo de explotación da rede de colectores para a conducción das augas residuais ás depuradoras, salvo proba en contrario:

- No suposto de abastecemento de auga por entidade subministradora, a persoa titular do contrato de subministración.
- No suposto de captacións propias, o usuario ou o titular do aproveitamento desde o que se realiza a captación e, no seu defecto, a persoa titular da instalación desde a que se realice a captación, así como tamén os titulares das instalacións desde as que se realicen os vertidos. Non





Santiago, 11 MAR. 2022

O XEFE DE SECCIÓN,
Paulino Suárez Domínguez

galicia

obstante, e mentres Augas de Galicia non dite a resolución á que fai referencia o artigo 59 desta lei, será contribuínte o titular do contrato de sumidoiros.

Se o titular do aproveitamento é unha comunidade de usuarios, o contribuínte será o comuneiro.

c) No suposto dos usos urbanos, as entidades locais ás que se lles preste o servizo de explotación da rede de colectores para a condución das augas residuais ás depuradoras.

3. No suposto de abastecemento de auga por entidades subministradoras de auga, estas terán a consideración de suxeitos pasivos a título de substituto do contribuínte. Así mesmo, nos supostos de contribuíntes que non se abastezan de entidade subministradora, as entidades prestadoras do servizo de sumidoiros terán a condición de suxeitos pasivos substitutos de contribuínte.

4. Son responsables solidarios:

a) No caso de vivendas, a persoa titular do contrato de subministración, no caso de non ser contribuínte, e a propietaria da vivenda.

b) No caso de captacións propias, de non ser contribuíntes, as persoas titulares dos aproveitamentos e as titulares das instalacións mediante as cales ou desde as cales se produzan as captacións ou se realicen as verteduras contaminantes.

Artigo 47. Supostos de non suxeición e exencións.

1. Non están suxeitos ao canon de xestión de redes de colectores os usos para abastecemento feito a través de redes básicas e, en xeral, o abastecemento en alta doutros servizos públicos de distribución de auga potable, cando a súa posterior distribución en baixa sexa obxecto de repercusión do canon de xestión de redes de colectores.

2. Atópanse exentos do pagamento do canon de xestión de redes de colectores:

a) Os usos feitos polos servizos públicos de extinción de incendios ou os que coas mesmas características sexan efectuados ou ordenados polas autoridades públicas en situacións de necesidade extrema ou catástrofe.

b) Os usos destinados a unha unidade de convivencia independente que acrediten, nas condicións que regulamentariamente se establezan, estar en situación de exclusión social, de acordo coa lexislación en materia de servizos sociais e inclusión social de Galicia. A exención terá efectos a partir do primeiro día natural do terceiro mes seguinte ao da súa acreditación, o ben no seguinte período de liquidación, no caso de captacións propias.

Artigo 48. Base imponible e métodos de determinación da base imponible.

1. Constitúe a base imponible o volume real ou potencial de auga utilizado ou consumido en cada mes natural, expresado en metros cúbicos.





Santiago, 11 MAR. 2022

O XEFE DE SECCIÓN,

Paulino Suárez Domínguez

No caso dos usos non domésticos que dispoñan de contadores ou caudalímetros homologados de volume vertido á rede, poderá considerarse como base impositiva dito volume nas condicións que se determinen regulamentariamente.

No caso dos usos urbanos, a base impositiva virá constituída polo volume mensual de auga que é conducido ou bombeado na rede de colectores que se explota.

2. A determinación da base impositiva realizarase, con carácter xeral, en réxime de estimación directa, mediante contadores ou caudalímetros homologados.

3. Nos usuarios que non dispoñan de contadores ou caudalímetros, a base impositiva determinarase por estimación obxectiva.

4. Supletoriamente, o método de estimación indirecta aplicarase de conformidade co disposto na Lei 58/2003, do 17 de decembro, xeral tributaria.

Artigo 49. Determinación da base impositiva mediante o réxime de estimación directa.

1. No caso de abastecementos por entidade subministradora, o volume de auga utilizado ou consumido será o subministrado por dita entidade, medido, no seu caso, polo contador homologado instalado.

2. No caso de concesións de uso ou captacións propias, o volume será o medido polo contador homologado instalado, que será declarado polo contribuínte na forma e prazos que regulamentariamente se determinen.

3. No caso dos usos urbanos, o volume mensual de auga conducido ou bombeado polos colectores será o medido polos contadores ou caudalímetros situados nos puntos de control que se determinen no informe previo referido no artigo 22 desta lei.

Artigo 50. Determinación da base impositiva mediante o réxime de estimación obxectiva.

O cálculo da base impositiva do canon de xestión de redes de colectores mediante o réxime de estimación obxectiva fixarase regulamentariamente en atención ás características e circunstancias do aproveitamento, tendo en conta a capacidade de extracción, adución ou almacenamento de auga dos mecanismos instalados polo suxeito pasivo, así como da información que conste no rexistro administrativo do aproveitamento ou vertido. No caso dos usos domésticos, a base impositiva mediante o método de estimación obxectiva poderá determinarse a partir dos volumes de dotación básica da auga para vivendas que se establezan nos instrumentos de planificación hidrolóxica.

Artigo 51. Devengo

1. O devengo producirase no momento en que se realice a utilización ou consumo real ou potencial da auga.





Santiago, 11 MAR. 2022



O XEFE DE SECCIÓN,
Paulino Suárez Domínguez

2. Naqueles supostos onde a base imponible veña constituída polo volume vertido, o devengo producirase no momento en que dito vertido se produza.

3. Nos usos domésticos e asimilados, o tipo de gravame aplicarase sobre os consumos mensuais.

Subsección 1.^a Cuantificación do canon de xestión de redes de colectores para usos domésticos e asimilados

Artigo 52. Cota do canon de xestión de redes de colectores.

1. A cota do canon de xestión de redes de colectores para usos domésticos e asimilados resultará da adición dunha parte fixa e unha parte variable. Da cantidade resultante poderán practicarse as deducións previstas no artigo 54 da presente lei. O resultado así obtido será multiplicado polo coeficiente de explotación do saneamento, determinado nas condicións da xestión de infraestruturas referidas no artigo 23 desta lei.

2. A parte variable da cota será o resultado de aplicar sobre a base imponible o tipo de gravame previsto no artigo seguinte.

3. No caso de que os contadores, os aproveitamentos ou as medidas do caudal sexan colectivos, aplicarase a parte fixa da cota multiplicada polo número de vivendas, oficinas ou locais conectados. Cando este extremo non sexa coñecido, o número de abonados determinarase en función do diámetro do contador de acordo coa seguinte táboa:

Diámetro del contador (mm)	N.º de abonados asignados
< 15	1
15	3
20	6
25	10
30	16
40	25
50	50
65	85
80	100
100	200
125	300
> 125	400

Para valores intermedios de diámetros nominais tomarase o valor inferior ao correspondente.





Santiago, 11 MAR. 2022

OXEFE DE SECCIÓN,

Paulino Suárez Domínguez

Artigo 53. Tipo de gravame.

1. O tipo de gravame para usos domésticos e asimilados determinarase en función do número de persoas que habitan as vivendas e en función do volume de auga consumido. A estes efectos, establécense os seguintes tramos de volume:

Tramos	Volumen mensual (m ³)
Primero	$\leq 2 \cdot n$
Segundo	$> 2 \cdot n \text{ y } \leq 4 \cdot n$
Tercero	$> 4 \cdot n \text{ y } \leq 8 \cdot n$
Cuarto	$> 8 \cdot n$

onde «n» é o número de persoas na vivenda.

2. Establécese unha cota fixa de 1,54 euros por contribuínte e mes para usos domésticos e unha cota fixa de 3,08 euros para usos asimilados a domésticos.

3. A parte variable resulta de aplicar aos consumos mensuais os seguintes tipos de gravame:

- a) Consumo realizado dentro do primeiro tramo: 0,15 €/m³.
- b) Consumo realizado dentro do segundo tramo: 0,29 €/m³.
- c) Consumo realizado dentro do terceiro tramo: 0,37 €/m³.
- d) Consumo realizado dentro do cuarto tramo: 0,42 €/m³.

4. Tomarase como referencia xenérica aos efectos da aplicación do tipo de gravame unha vivenda habitada por tres persoas. Regulamentariamente determinarase os requisitos para acreditar perante Augas de Galicia, por instancia do suxeito pasivo, un número diferente de habitantes por vivenda, así como os prazos para levalo a cabo e o período de vixencia. As modificacións resultantes terán efectos a partir do primeiro día natural do terceiro mes seguinte á súa acreditación, ou ben no seguinte período de liquidación no caso de captacións propias.

Non obstante, naqueles supostos onde o concello teña establecido un sistema tarifario para as súas taxas que teña en conta o número de persoas empadroadas e dita acreditación sexa realizada de oficio en base aos datos obrantes no padrón municipal, na facturación do canon de xestión de redes de colectores terase en conta o número de persoas acreditado polo concello.

5. Nos supostos de usos asimilados a domésticos, o tipo de gravame será o correspondente ao establecido para unha vivenda de tres persoas, aplicándose ao consumo realizado dentro do primeiro tramo o tipo correspondente ao segundo tramo.





Santiago, 11 MAR, 2022

O XEFE DE SECCIÓN,

Paulino Suárez Domínguez

galicia

6. Nos supostos de os contadores, os aproveitamentos ou os aforos fosen colectivos, o valor de «n» establecido na alínea 1 deste artigo será o resultado de multiplicar por 3 o valor obtido da aplicación da alínea 3 do artigo anterior. Nestes supostos non será aplicable o establecido na alínea 4 deste artigo.

7. Se no período de facturación se constatar a existencia dunha fuga de auga na rede interna de subministro do contribuínte e o volume facturado ten a consideración de desproporcionada en virtude de dicha fuga, os tipos de gravame do terceiro e cuarto tramo de consumo indicado nas letras c) e d) do apartado 3 serán os establecidos para o tramo 2 indicado na letra b) de dito apartado.

A estes efectos terá a consideración de volume desproporcionado aquel que reúna los seguintes requisitos:

- Que o volume facturado sexa superior ao quíntuplo do volume promedio dos períodos de facturación inmediatos anteriores que representen o ciclo dun ano de facturación.
- Que o contribuínte tomase as medidas necesarias para reparar a fuga no prazo dunha semana desde que tivo coñecemento da existencia da fuga. Cando esta data non se coñeza, entenderase que o contribuínte tivo coñecemento da existencia da fuga no momento en que se lle notifique a factura da auga correspondente ao período no que se produciu a fuga.

Artigo 54. Deducións da cota.

Aplicarase unha dedución do 50% sobre a cota íntegra do canon de xestión de redes de colectores cando corresponda aos usos destinados a vivenda habitual das familias numerosas que acrediten formalmente tal condición, de acordo coa normativa de aplicación na materia. A dedución terá efectos a partir do primeiro día natural do terceiro mes seguinte á súa acreditación, ou ben no seguinte período de liquidación no caso de captacións propias.

Subsección 2ª Cuantificación do canon de xestión de redes de colectores para usos non domésticos

Artigo 55. Cota do canon xestión de redes de colectores.

1. A cota do canon de xestión de redes de colectores para usos non domésticos resultará da adición dunha parte fixa e dunha parte variable. O resultado así obtido será multiplicado polo coeficiente de explotación do saneamento, determinado nas condicións da xestión de infraestruturas referidas no artigo 23 desta lei.
2. A parte fixa da cota será de 3,08 euros por contribuínte e mes.
3. A parte variable da cota resultará de aplicar sobre a base impoñible o tipo de gravame de 0,5 €/m³..





Santiago, 11 MAR. 2022

O XEFE DE SECCIÓN,

Paulino Suárez Domínguez

Subsección 3.^a Cuantificación do canon de xestión de redes de colectores para usos urbanos

Artigo 56. Cota do canon de xestión de redes de colectores e tipo de gravame

1. A cota do canon de xestión de redes de colectores na modalidade de entidades locais consistirá nunha única parte variable resultante da multiplicación do tipo de gravame de 0,21 €/m³ pola diferenza entre a base imponible e o volume de saneamento mensual ordinario. De resultar esta diferenza un volume negativo, tomarase o valor de 0. O resultado así obtido será multiplicado polo coeficiente de explotación do saneamento, determinado nas condicións da xestión de infraestruturas referidas no artigo 23 desta lei.

2. O volume de saneamento mensual ordinario entenderase referido ao punto ou puntos de control sinalados no informe previo referido no artigo 22 desta lei.

CAPÍTULO IV: NORMAS COMÚNS PARA A XESTIÓN DO CANON DE XESTIÓN DE DEPURADORAS E DE XESTIÓN DE REDES DE COLECTORES

Artigo 57. Competencias en cuanto á aplicación do canon de xestión de depuradoras e o canon de xestión de redes de colectores

1. A xestión, inspección, recadación en período voluntario e o exercicio da potestade sancionadora en materia tributaria corresponderalle a Augas de Galicia.

Para estes efectos, as entidades subministradoras de auga, entidades prestadoras do servizo de sumidoiros e xestores das depuradoras e colectores veñen obrigadas a subministrarlle a Augas de Galicia cantos datos, informes e antecedentes con transcendencia tributaria sexan precisos para as funcións que Augas de Galicia ten encomendadas.

2. A recadación na vía de constrinximento, incluíndo a concesión de aprazamentos e fraccionamentos de pagamento en período executivo, corresponderalle ao órgano ou á entidade que desempeñe as competencias xerais en materia de aplicación dos tributos propios da Comunidade Autónoma de Galicia.

3. O coñecemento das reclamacións interpostas contra os actos ditados en aplicación do canon de xestión de depuradoras e o canon de xestión de redes de colectores corresponderalles aos órganos económico-administrativos da Xunta de Galicia.

4. A potestade sancionadora exercerase consonte o previsto no título IV da Lei 58/2003, do 17 de decembro, xeral tributaria.

Artigo 58. Repercusión do canon de xestión de depuradoras e o canon de xestión de redes de colectores.

1. No suposto de abastecemento por entidade subministradora, esta deberá repercutir integramente o importe do canon de xestión de depuradoras e do canon de xestión de redes de





Santiago, 11 MAR. 2022

O XEFE DE SECCIÓN,
Paulino Suárez Domínguez

galicia

colectores sobre o contribuínte, quen queda obrigado a soportalo. Ditos canons serán exixibles ao mesmo tempo que as contraprestacións correspondentes á subministración.

Non obstante, nos casos de abastecemento por entidade subministradora cuxa prestación non sexa obxecto de facturación, as entidades subministradoras veñen obrigadas a confeccionar nos dous primeiros meses naturais do ano unha factura en concepto de canon de xestión de depuradoras e de xestión de redes de colectores, coas especificidades que se establezan regulamentariamente en relación co volume obxecto de subministración no ano inmediato anterior. Nos supostos de consumos propios das entidades subministradoras, os canons referidos aos devanditos consumos deben ser ingresados na correspondente autoliquidación en función do período do que se trate.

2. Nos supostos de contribuíntes que non se abastezan de entidade subministradora, as entidades prestadoras do servizo da rede de sumidoiros deberán repercutir integramente o importe do canon de xestión de depuradoras e do canon de xestión de redes de colectores sobre o contribuínte, quen queda obrigado a soportalo. Ditos canons serán exixibles ao mesmo tempo que as contraprestacións correspondentes ao servizo de sumidoiros.

Non obstante, nos casos de prestación de servizo de sumidoiros que non sexa obxecto de facturación, as entidades prestadoras dos servizos veñen obrigadas a confeccionar nos dous primeiros meses naturais do ano unha factura en concepto de canon de xestión de depuradoras e de xestión de redes de colectores coas especificidades que se establezan regulamentariamente en relación co volume que deba ser obxecto de facturación no ano inmediato anterior. Nos supostos de que o servizo sexa prestado á propia entidade prestadora, os canons referidos ao devandito servizo deben ser ingresados na correspondente autoliquidación en función do período do que se trate.

3. A obriga de repercusión sinalada no número anterior manterase mentres Augas de Galicia non proceda a ditar a resolución á que fai referencia o artigo 59. Nese momento Augas de Galicia procederá a comunicar a dita circunstancia á entidade prestadora do servizo da rede de sumidoiros para os efectos de que deixe de repercutir os citados canons ao suxeito pasivo e, se é o caso, procederá a regularizar as cantidades facturadas por estas.

4. As entidades subministradoras e, no seu caso, prestadoras do servizo de sumidoiros, deberánlles aplicar de oficio aos seus abonados as correspondentes cotas dos canons que en cada momento se atopen vixentes, tanto no que se refire á parte fixa da cota coma á parte variable, agás nos supostos de determinación do canon de xestión de depuradoras por carga contaminante, nos que Augas de Galicia lles comunicará as tarifas aplicables.

Esta obriga de repercusión esténdese ás facturas que se emitan como resultado da rectificación ou anulación doutras anteriores, incluso no suposto de que ditos importes xa fosen xustificadas como non cobrados de acordo co indicado no número 10 deste artigo.

5. A repercusión deberase facer constar de maneira diferenciada na factura que emita a entidade subministradora e entidade prestadora do servizo de sumidoiros para documentar a contraprestación dos seus servizos, cos requisitos que se establezan regulamentariamente, polo que





Santiago, 11 MAR. 2022

O XEFE DE SECCIÓN,

Paulino Suárez Román

queda prohibida tanto a súa facturación coma o seu cobramento de forma separada, sen prexuízo do que se estableza en relación cos consumos propios e os non facturados.

6. No caso de que non efectúen lecturas mensuais, as entidades subministradoras e prestadoras do servizo de sumidoiros facturaranlles os canons aos usuarios domésticos e asimilados repartindo o volume de modo proporcional ao número de meses que comprenda o período de lectura

7. Establécese a obriga das entidades subministradoras de auga e prestadoras do servizo de sumidoiros de presentar autoliquidación durante os meses de xaneiro, maio e setembro, en relación cos respectivos cuadrimestres naturais de cada ano, das cantidades repercutidas ou que se debesen repercutir en concepto de canon do servizo de depuración e canon do servizo de explotación, no lugar e forma que se determinen regulamentariamente. Así mesmo, nestas autoliquidacións deberanse declarar os importes repercutidos e non percibidos aos efectos de quedar exonerados do seu ingreso ou, no suposto de non acompañar a relación á que fai referencia o número 10 deste artigo, proceder ao seu ingreso.

8. O procedemento para o cobramento dos canons en período voluntario será unitario co seguido para a recadación dos dereitos que á entidade subministradora lle correspondan polo servizo de abastecemento de auga. O acto de aprobación do documento que faculta para o cobramento dos dereitos dimanantes do servizo de abastecemento de auga e, no seu caso, do servizo de sumidoiros e o anuncio de cobranza virán referidos igualmente aos canons.

9. Nos termos que regulamentariamente se establezan, se o importe dos canons non se fixo efectivo ao substituto antes de finalizar o prazo para presentar a autoliquidación, permitiráselle ao substituto non ingresar as cantidades non cobradas. O anterior non se poderá levar a cabo se o substituto admite durante o período voluntario que o contribuínte non satisfaga os canons pero si o importe que supoña a contraprestación pola subministración ou, no seu caso, pola prestación do servizo de sumidoiros.

10. A xustificación das cantidades non cobradas ás que se refire o número anterior realizarase na forma e nos prazos que regulamentariamente se establezan, e nela conterase unha relación individualizada das débedas tributarias repercutidas aos contribuíntes e non satisfeitas por estes.

A presentación desta relación no prazo regulamentariamente establecido exonera ás entidades subministradoras e prestadoras do servizo de sumidoiros de responsabilidade en relación coas débedas tributarias contidas nela, agás que o procedemento recadatorio seguido non fose unitario co de recadación dos dereitos que correspondan pola subministración de auga. De non presentarse dita declaración ou de presentarse fóra do prazo establecido, a indicada entidade virá obrigada ao pagamento dos importes repercutidos e non percibidos. Esta obriga será exigible desde a data en que, de acordo co que se determine regulamentariamente, procedería a súa xustificación como importes non cobrados na autoliquidación.

Unha vez xustificadas os importes repercutidos e non percibidos na forma e prazo sinalado neste artigo, se durante o período dun ano, contado desde a presentación da relación, o contribuínte pretende efectuar o pagamento da factura ou do recibo en que estea incluído o canon da auga





Santiago, 11 MAR. 2022

O XEFE DE SECCIÓN,

Paulino Suárez Domínguez

declarado, a entidade subministradora ou prestadora do servizo de sumidoiros non poderá admitilo de forma incompleta, e quedará obrigada a percibir o importe do canon de xestión de depuradoras e do canon de xestión de explotación. Neste caso, o suxeito pasivo substituto deberá declarar e ingresar o importe do canon correspondente na forma regulamentariamente establecida.

Así que as entidades subministradoras ou prestadoras do servizo de sumidoiros xustifiquen estas cantidades, exixiráselle o cumprimento directamente ao contribuínte na vía executiva, agás no caso de que da xestión recadatoria seguida pola entidade subministradora non exista constancia da notificación da débeda ao contribuínte, en cuxo caso estas débedas serán notificadas aos contribuíntes por Augas de Galicia para o seu ingreso en período voluntario, antes de pasar, de proceder, á súa exacción na vía executiva.

Esta notificación para o seu ingreso en período voluntario poderase levar a cabo mediante publicación colectiva, outorgándose un prazo dun mes natural para que os interesados se presenten persoalmente perante Augas de Galicia para seren notificados por comparecencia dos importes repercutidos e non aboados, advertíndolles que, transcorrido o mencionado prazo sen efectuarse a comparecencia, a notificación se entenderá producida desde o día seguinte ao do vencemento do prazo sinalado para comparecer.

11. As entidades subministradoras e, no seu caso, as entidades prestadoras do servizo de sumidoiros, como obrigadas a repercutir, están suxeitas ao réxime de responsabilidades e obrigas establecido na Lei xeral tributaria e nas demais disposicións aplicables. En particular, están obrigadas ao pagamento das cantidades correspondentes ao canon que non repercutisen aos seus abonados cando viñeren obrigadas a facelo. Esta obriga será exigible desde a data de expedición das facturas que se emitisen infrinxindo as obrigas previstas neste artigo, ou desde a súa non emisión no prazo que se determine regulamentariamente nos supostos de subministracións non facturadas.

12. As infraccións administrativas por defectos na aplicación dos canons e as súas sancións serán as contidas na Lei xeral tributaria e nas disposicións complementarias ou concordantes.

Artigo 59. Liquidacións e autoliquidacións.

1. Augas de Galicia liquidaralles o canon de xestión de depuradoras e de xestión de redes de colectores aos suxeitos pasivos usuarios da auga de captacións propias na forma e nos prazos que se establezan regulamentariamente, logo de tramitación do correspondente expediente. O prazo máximo para notificar a resolución que se dite nese procedemento, así como nos procedementos de determinación do canon da auga na modalidade de carga contaminante, será dun ano.

2. No suposto do canon de xestión de depuradoras e de xestión de redes de colectores xestionado a través de entidades subministradoras ou, no seu caso, a través da entidade prestadora do servizo de sumidoiros, estas teñen a obriga de presentar autoliquidacións perante Augas de Galicia nos termos que regulamentariamente estableza, onde tamén se fixarán os períodos de declaración, nos que se incluírán as cotas facturadas durante estes.





Santiago, 1 MAR. 2022

O XEFE DE SECCIÓN,

Federico Arias Domínguez

3. As declaracións e autoliquidacións se efectuarán obrigatoriamente cubrindo os formularios electrónicos na sede electrónica da Xunta de Galicia e a súa correspondente presentación por dita sede. No caso de que algún contribuínte obrigado a comunicarse electronicamente coa Administración presente a súa declaración ou autoliquidación presencialmente ou a presente electronicamente pero sen cubrir o formulario na sede, Augas de Galicia procederá a requirir a súa subsanación, considerándose como data de presentación aquela na que sexa realizada esta subsanación.

Regulamentariamente poderase establecer a obriga de presentar os diferentes arquivos informáticos mediante as plataformas web que se establezan.

CAPÍTULO V: CANON DE XESTIÓN DE ABASTECEMENTOS

Sección 1.ª Disposicións xerais

Artigo 60. Normas xerais.

1. Mediante a presente lei establécese a regulación do canon de xestión de abastecementos como tributo propio da Comunidade Autónoma de Galicia con natureza de taxa.
2. O canon de xestión de abastecementos aplicarase no ámbito territorial da Comunidade Autónoma de Galicia, naqueles supostos nos que Augas de Galicia actúe como entidade prestadora de servizos.
3. O canon de xestión de abastecementos será de aplicación desde o momento da prestación efectiva do servizo.

Artigo 61. Afectación do produto do canon de xestión de abastecementos.

O produto do canon de xestión de abastecementos será destinado á financiación dos gastos de explotación, conservación, mantemento e mellora das infraestruturas de abastecemento que xestione Augas de Galicia.

Artigo 62. Competencias en cuanto á aplicación do canon de xestión de abastecementos

1. A xestión, a inspección, a recadación en período voluntario e o exercicio da potestade sancionadora en materia tributaria corresponderalle a Augas de Galicia.
2. A recadación na vía de constrinximento, incluíndo a concesión de aprazamentos e fraccionamentos de pagamento en período executivo, corresponderalle ao órgano ou á entidade que desempeñe as competencias xerais en materia de aplicación dos tributos propios da Comunidade Autónoma de Galicia.
3. O coñecemento das reclamacións interpostas contra os actos ditados en aplicación do canon de abastecemento corresponderalles aos órganos económico-administrativos da Xunta de Galicia.





San tiago, 11 MAR 2022

O XEFE DE SECCIÓN,

Paulino Suárez Domínguez

galicia

4. A potestade sancionadora exercerase consonte o previsto no título IV da Lei 58/2003, do 17 de decembro, xeral tributaria.

Sección 2.^a Elementos do tributo

Artigo 63. Feito imponible

Constitúe o feito imponible do canon de xestión de abastecementos a prestación do servizo de subministro en alta de auga por Augas de Galicia, por si ou mediante calquera das formas previstas na normativa vixente para a xestión do servizo público.

Artigo 64. Suxeito pasivo.

Son suxeitos pasivos a título de contribuíntes as Entidades Locais beneficiarias da prestación do servizo, quen poderán repercutir o seu importe entre os abonados ao seu servizo de abastecemento en baixa.

Artigo 65. Base imponible

Constitúe a base imponible o volume real de auga subministrado ás entidades locais, medido polo contador instalado, expresado en metros cúbicos.

Artigo 66. Devengo e liquidación

1. O devengo producirase no momento en que se realice o subministro de auga ás entidades locais.
2. Augas de Galicia liquidaralles o canon de xestión de abastecementos ás entidades locais na forma e nos prazos que se establezan regulamentariamente.

Artigo 67. Cota do canon de xestión de abastecementos.

A cota do canon de xestión de abastecementos consistirá nunha única parte variable, que será o resultado da multiplicación da base imponible constituída polo volume subministrado ás entidades locais polo tipo de gravame establecido no artigo seguinte. O resultado así obtido será multiplicado polo coeficiente de explotación do abastecemento, determinado nas condicións da xestión de infraestruturas referidas no artigo 23 desta lei.

Artigo 68. Tipo de gravame.

O tipo de gravame do canon de xestión de abastecementos será de 0,3224 €/m³.





Santiago, 11 MAR. 2022

O XEFE DA SECCIÓN,
Paulino Suárez Domínguez



DISPOSICIÓN ADICIONAIS:

Disposición adicional primeira. Declaración de interese público superior da xestión de determinadas infraestruturas vinculadas ao ciclo integral da auga

Considérase que resulta de interese publico superior a xestión por Augas de Galicia das infraestruturas de depuración seguintes:

Edar de Dena

Edar de Praceres

Considérase que resulta de interese publico superior a xestión por Augas de Galicia das infraestruturas de abastecemento seguintes:

Sistema de abastecemento da marxe dereita da ría de Arousa.

Sistema de abastecemento en alta de Cervo e Burela.

Disposición adicional segunda. Acreditación do número persoas, familia numerosa e riscos de exclusión social

Os contribuíntes que no momento da entrada en vigor desta Lei se lle teña recoñecida no canon da auga a acreditación do número de persoas, a bonificación por familia numerosa ou a exención por risco de exclusión social, dita circunstancia será igualmente de aplicación no canon de xestión de depuradoras e no canon de xestión de redes de colectores.

Disposición adicional terceira. Aplicación na modalidade de carga contaminante do canon de xestión de depuradoras

Nos contribuíntes que estean tributando na modalidade de carga contaminante no canon da auga no momento da entrada en vigor desta Lei, Augas de Galicia aplicará o canon de xestión de depuradoras na modalidade de carga contaminante no caso de concorrer o requisito establecido na letra b do artigo 40. A tal efecto, para a determinación do canon de xestión de depuradoras nesta modalidade deberanse tomar como referencia as concentracións contaminantes vertidas tomadas como base na resolución vixente do canon da auga, así como, de ser o caso, os coeficientes correctores que fosen de aplicación.

Disposición adicional cuarta. Definicións

Aos efectos da presente Lei serán de aplicación as definicións contidas no artigo 2 da Lei 9/2010, do 4 de novembro, de augas de Galicia, e no artigo 2 da Lei 9/2019, do 11 de decembro, de medidas de garantía do abastecemento en episodios de seca e en situacións de risco sanitario.

Disposición adicional quinta. Habilitación á Lei de orzamentos xerais da Comunidade Autónoma de Galicia





DILIXENCIA: Para facer constar que a presente fotocopia foi compulsada, co seu orixinal, concordando fielmente.

Santiago, 11 MAR. 2022

O XEFE DE SECCIÓN,

Paulino Suárez Domínguez

galicia

1. A Lei de orzamentos xerais da Comunidade Autónoma de Galicia poderá actualizar os tipos de gravame dos canons creados nesta Lei, así como realizar calquera outra modificación na regulación legal dos tributos creados nesta Lei.
2. Para a actualización dos tipos de gravame terase en conta, para cada tributo, os dereitos netos do exercicio vixente en relación ao custe do correspondente servizo, todo elo referido á data en que corresponda elaborar o anteproxecto de orzamentos da consellería á que estea adscrita Augas de Galicia.

Disposición adicional sexta. Réxime sancionador tributario de aplicación

1. As infraccións tributarias referidas aos incumprimentos de repercutir e a repercusión incorrecta do canon de xestión de depuradoras e do canon de xestión de redes de colectores cualificaranse e sancionaranse de acordo co establecido nos artigos 72 a 74 da Lei 9/2010, de 4 de novembro, de augas de Galicia. Naquelas outras infraccións en relación ao canon de xestión de depuradoras e ao canon de xestión de redes de colectores, a súa cualificación e sanción rexeráse polo establecido na normativa xeral tributaria
2. O procedemento para a aplicación do réxime sancionador, así como o instituto da prescrición, serán os previstos na normativa xeral tributaria.
3. Sobre a contía das sancións pecuniarias impostas segundo os artigos 72 a 74 da Lei 9/2010, de 4 de novembro, de augas de Galicia aplicaranse as reducións establecidas no artigo 188 da Lei 58/2003, de 17 de decembro, xeral tributaria, nos termos previstos en dito precepto.





Santiago, 1 MAR. 2022

O XEFE DE SECCIÓN,

Paulino Suárez Domínguez

DISPOSICIÓN TRANSITORIAS:

Disposición transitoria primeira. Actualización dos convenios de xestión de depuradoras

1. As depuradoras de titularidade municipal que no momento de entrada en vigor desta Lei están sendo xestionadas por Augas de Galicia son as sinaladas no Anexo I.

2. No prazo dun ano desde a entrada en vigor desta Lei deberán actualizarse os convenios vixentes relativos á xestión das depuradoras sinaladas no apartado anterior, co obxecto de que se estableza o volume de depuración mensual ordinario aos efectos da aplicación do canon de xestión de depuradoras establecido no artigo 27 e seguintes desta lei.

3. No caso daquelas instalacións de depuración xestionadas por Augas de Galicia que non sexan da súa titularidade e que non estea regulada a súa explotación a través dun convenio conforme ao disposto nesta lei, este deberá ser asinado no prazo dun ano desde a entrada en vigor da mesma. En caso contrario, Augas de Galicia desenvolverá as tramitacións necesarias, de acordo coa normativa aplicable, para que as entidades locais correspondentes, no prazo máximo de dous anos desde a entrada en vigor desta lei, asuman a súa xestión. Neste suposto, durante o tempo que transcorra ata a asunción da explotación por parte da entidade local correspondente, Augas de Galicia actuará como entidade pública prestadora dos servizos e será de aplicación o canón de xestión de depuradoras establecido no artigo 27 e seguintes desta lei.

3. Desde a entrada en vigor desta lei e ata que non se establezan os volumes de depuración mensuais ordinarios correspondentes, para aquelas instalacións de depuración nas que Augas de Galicia actúe como entidade prestadora dos servizos, serán de aplicación os volumes indicados no Anexo II.

Disposición transitoria segunda. Xestión do coeficiente de vertedura

1. Augas de Galicia seguirá determinando e esixindo o coeficiente de vertedura non prescrito cuxos expedientes de xestión, liquidación e recadación se tramitarán de conformidade co disposto na Lei 9/2010 de augas de Galicia e na súa normativa de desenvolvemento, ata a total extinción das débedas correspondentes.

2. As entidades subministradoras e entidades prestadoras do servizo de sumidoiros están obrigadas a repercutir e esixir o coeficiente de vertedura aos seus abonados nas facturas de auga que lles emitan correspondentes a períodos de facturación anteriores á data de entrada en vigor desta Lei. Igualmente, están obrigadas a repercutir o coeficiente de vertedura ás subministracións non facturadas reguladas no artigo 63 da Lei 9/2010, de augas de Galicia.

Así mesmo, están obrigadas a presentar os modelos a que se refire o citado artigo da Lei 9/2010, do 4 de novembro, de augas de Galicia, nos prazos alí sinalados, mentres existan importes de coeficiente de vertedura facturados ou percibidos.





XUNTA DE GALICIA
CONSELLERÍA DE
INFRAESTRUTURAS E MOBILIDADE

DILIXENCIA: Para facer constar que a presente fotocopia foi compulsada, co seu orixinal, concordando fielmente.

Santiago, 11 MAR, 2022

O XEFE DE SECCIÓN,
Paulino Suárez Domínguez

galicia

DISPOSICIÓN DERROGATORIAS:

Disposición derogatoria única.

1. Queda derogado o Capítulo III do Título IV da Lei 9/2010, do 4 de novembro, de augas de Galicia.
2. Igualmente quedan derogadas cantas outras disposicións de igual ou inferior rango se opoñan ao establecido nesta lei.





Santiago, 11 MAR. 2022

O XEFE DE SECCIÓN,

Paulino Suárez Domínguez

DISPOSICIÓN FINAIS:

Disposición derradeira primeira. Modificación da Lei 9/2010, de 4 de novembro, de augas de Galicia.

A Lei 9/2010, de 4 de novembro, de augas de Galicia, queda modificada como segue:

Un. Modifícase o número 1 do artigo 28, que queda redactado como segue:

“Decláranse de interese da Comunidade Autónoma de Galicia, nos termos en que regulamentariamente se determine, as obras incluídas no Plan galego de abastecemento e no Plan galego de saneamento, aos que se refire o artigo 34 da presente lei, as incluídas no Plan hidrolóxico para a demarcación hidrográfica de Galicia-Costa, ao que se refire o artigo 71 desta mesma lei, así como as infraestruturas sobre as que se realicen obras de modificación, mellora ou ampliación, cando estas obras sexan declaradas de interese da Comunidade Autónoma.”

Dous. Modifícase o número 1 do artigo 45 que terá o redactado seguinte:

“1. Constitúe o feito impoñible do canon da auga o uso ou consumo real ou potencial de auga de calquera procedencia, con calquera finalidade e mediante calquera aplicación, incluso non consuntiva, a causa da afección ao medio que a súa utilización puidera producir, considerándose incluída dentro desta afección a incorporación de contaminantes nas augas así como a perda de auga nas redes de abastecemento, e sen prexuízo dos supostos de non suxeición e exención contemplados no artigo 47. A estes efectos enténdese por redes de abastecemento o conxunto de actividades que comprenden os servizos indicados nas letras a) e b) do número 16 do artigo 2.”

Tres. Modifícase o número 4 e engádese un novo número 5 ao artigo 46 que terán os redactados seguintes:

4. No suposto de perdas de auga en redes de abastecemento, terán a condición de suxeito pasivo a título de contribuínte as persoas físicas e xurídicas titulares de ditas redes, sexan ou non entidades subministradoras.”

5. Son responsables solidarios:

- No caso de vivendas, a persoa titular do contrato de subministro, no caso de non ser contribuínte, e a propietaria da vivenda

- No caso de captacións propias, as persoas titulares dos aproveitamentos, no caso de non ser contribuíntes, e as titulares das instalacións mediante as cales ou desde as cales se produzan as captacións ou realicen os vertidos contaminantes

- No caso de utilización da auga por parte dos comuneiros que pertencen a unha comunidade de usuarios legalmente constituída, a comunidade de usuarios





Santiago, 11 MAR. 2022

O XEFE DE SECCIÓN,

Paulino Suárez Domínguez

galicia

- No caso de perdas en redes de abastecemento, a entidade subministradora no caso de non ser contribuínte.

Catro. Engádesse un novo número 3 ao artigo 49 que queda redactado do seguinte xeito:

“3. No caso de perdas de auga en redes de abastecemento, o volume será a diferenza entre o volume captado ou subministrado en alta e o volume de auga subministrado en baixa, sexa ou non obxecto de facturación, incluídos os consumos propios da entidade subministradora, medidos ambos volumes por contador, expresado en metros cúbicos.”

Cinco. Engádesse un novo número 3 ao artigo 51 que terá o redactado seguinte:

“3. No suposto de perdas de auga nas redes de abastecemento, o período impositivo coincidirá co ano natural, e se devindicará o último día de dito período.”

Seis. Introdúcese un novo parágrafo no número 4 do artigo 53 que terá o redactado seguinte:

“Non obstante, naqueles supostos onde o concello teña establecido un sistema tarifario para as súas taxas que teña en conta o número de persoas empadroadas e dita acreditación sexa realizada de oficio en base aos datos obrantes no padrón municipal, na facturación do canon da auga terase en conta o número de persoas acreditado polo concello.”

Sete. Modifícase o número 8 do artigo 56 que terán a seguinte redacción

Nos vertidos non domésticos efectuados en zonas que, de acordo coa normativa vixente, fosen declaradas sensibles, os parámetros de contaminación veranse afectados polo seguinte coeficiente de zona sensible (CZS)

Parámetro de contaminación	Coeficiente de zona sensible
Nitróxeno total	1,1
Fósforo total	1,1
Resto de parámetros	1

Dentro das zonas sensibles están afectados por este coeficiente tanto os vertidos realizados directamente ao dominio público hidráulico e marítimo-terrestre, coma os realizados a sistemas públicos de saneamento.

Oito. Modifícase os números 5 e 6 e engádesse un novo número 7 ao artigo 57 que terán a seguinte redacción

5. Nos usos da auga destinados á produción hidroeléctrica mediante o turbinado directo de auga a base impositiva do canon da auga virá constituída polos Kwh producidos.

6. A cota variable do canon da auga polo uso da auga para á produción hidroeléctrica mediante o seu turbinado directo calcularase pola multiplicación da base impositiva





Santiago, 1 MAR. 2022

CHEFE DE SECCIÓN,

Paulino Suárez Domínguez

determinada de acordo co indicado no número anterior polo tipo de gravame de 0,00041 €/kWh.

7. Nas instalacións hidroeléctricas de bombeo a base imponible virá determinada polo volume de auga bombeado desde o dominio público hidráulico cara os embalses

A cota variable deste bombeo virá determinada pola multiplicación desta base imponible polo tipo de gravame de 0,000103 €/m³, debendo ser obxecto de facturación diferenciada da cota variable indicada no número anterior.

Nove. Engádesse un novo artigo 61 bis co redactado seguinte

61 bis.- Perdas de auga nas redes de abastecemento

1. A cota do canon da auga no suposto de perdas de auga en redes de abastecemento consistirá nunha única parte variable resultante da aplicación dos seguintes tipos de gravame a cada tramo de porcentaxe que representan as perdas determinadas de acordo co indicado no número 3 do artigo 49 en relación co volume total de auga captada ou subministrada en alta.

% Volume de perdas	Tipo de gravame
Menor ou igual ao 20%	0,00 €/m ³
Maior do 20%	0,29 €/m ³

2. As persoas titulares das redes de abastecemento deben dispoñer de contadores homologados de medición de consumo de auga en todos os puntos de captación ou de subministro en alta e nos puntos de subministro final en alta ou en baixa, factúrese ou non a auga, incluídos os consumos propios da entidade subministradora de auga, entre os cales se engloban, entre outros, os consumos vinculados a usos non suxeitos ao canon da auga ou exentos do seu pagamento, de acordo co establecido no artigo 47. No suposto de existir puntos de subministro sen contador instalado, ese volume reputarase como perdas aos efectos de determinar a base imponible do canon da auga.”

Dez. Modifícanse os números 7 e 10 do artigo 63 que terán a seguinte redacción:

“7. Establécese a obriga das entidades subministradoras de auga de presentar autoliquidación durante os meses de xaneiro, maio e setembro, en relación cos respectivos cuatrimestres naturais de cada ano, das cantidades repercutidas ou que se debesen repercutir en concepto de canon da auga, no lugar e forma que se determinen regulamentariamente. Así mesmo, nestas autoliquidacións deberanse declarar os importes repercutidos e non percibidos aos efectos de quedar exonerados do seu ingreso ou, no suposto de non acompañar a relación á que fai referencia o número 10 deste artigo, proceder ao seu ingreso.”

10. A xustificación das cantidades non cobradas ás que se refire o número anterior realizarase na forma e nos prazos que regulamentariamente se establezan, e nela conterase





Santiago, 11 MAR. 2022

O XEFE DE SECCIÓN,

Paulino Suárez Domínguez

galicia

unha relación individualizada das débedas tributarias repercutidas aos contribuíntes e non satisfeitas por estes.

A presentación desta relación no prazo regulamentariamente establecido exonera ás entidades subministradoras de responsabilidade en relación coas débedas tributarias contidas nela, agás que o procedemento recadatorio seguido non fose unitario co de recadación dos dereitos que correspondan pola subministración de auga. De non presentarse dita declaración ou de presentarse fóra do prazo establecido, a entidade subministradora vira obrigada ao pagamento dos importes repercutidos e non percibidos. Esta obriga será exigible desde a data en que, de acordo co que se determine regulamentariamente, procedería a súa xustificación como importes non cobrados na autoliquidación

Unha vez xustificadas os importes repercutidos e non percibidos na forma e prazo sinalado neste artigo, se durante o período dun ano, contado desde a presentación da relación, o contribuínte pretende efectuar o pagamento da factura ou do recibo en que estea incluído o canon da auga declarado, a entidade subministradora non poderá admitilo de forma incompleta, e quedará obrigada a percibir o importe do canon da auga. Neste caso, o suxeito pasivo substituto deberá declarar e ingresar o importe do canon da auga na forma regulamentariamente establecida.

Así que as entidades subministradoras xustifiquen estas cantidades, exixiráselle o cumprimento directamente ao contribuínte na vía executiva, agás no caso de que da xestión recadatoria seguida pola entidade subministradora non exista constancia da notificación da débeda ao contribuínte, en cuxo caso estas débedas serán notificadas aos contribuíntes por Augas de Galicia para o seu ingreso en período voluntario, antes de pasar, de proceder, á súa exacción na vía executiva.

Esta notificación para o seu ingreso en período voluntario poderase levar a cabo mediante publicación colectiva, outorgándose un prazo dun mes natural para que os interesados se presenten persoalmente perante Augas de Galicia para seren notificados por comparecencia dos importes repercutidos e non aboados, advertíndolles que, transcorrido o mencionado prazo sen efectuarse a comparecencia, a notificación se entenderá producida desde o día seguinte ao do vencemento do prazo sinalado para comparecer”

Once. Modifícase o número 3 e engádese un novo número 4 ao artigo 65 que terán a seguinte redacción:

“3. Nos supostos de perdas en redes de abastecemento, Augas de Galicia liquidará o canon da auga aos suxeitos pasivos en calidade de contribuíntes. A tal efecto as persoas titulares das redes de abastecemento veñen obrigadas a declarar dentro dos tres primeiros meses de cada ano natural o volume total captado e o procedente de subministro en alta e o volume total subministrado, incluídos os consumos propios, de acordo cos modelos que se aproben regulamentariamente.





Santiago,

11 MAR. 2022

O XEFE DE SECCIÓN,

Paulino Suárez Domínguez

4. As declaracións e autoliquidacións por parte das persoas obrigadas a relacionarse a través de medios electrónicos se efectuarán obrigatoriamente cubrindo os formularios electrónicos na sede electrónica da Xunta de Galicia e a súa correspondente presentación por dita sede, axuntando a ditas declaracións e autoliquidacións os arquivos que regulamentariamente se establezan. No caso de que algún contribuínte ou substituto obrigado a comunicarse electronicamente coa Administración presente a súa declaración ou autoliquidación presencialmente ou a presente electronicamente pero sen proceder a cubrir o formulario na sede, Augas de Galicia procederá a requirir a súa subsanación, considerándose como data de presentación aquela na que sexa realizada esta subsanación.

Reglamentariamente poderase establecer a obriga de presentar os diferentes arquivos informáticos mediante as plataformas web que se establezan.

Disposición derradeira segunda. Habilitación para o desenvolvemento normativo.

Habílitase ao Consello da Xunta de Galicia para ditar as disposicións que sexan necesarias para a aplicación desta lei.

Disposición derradeira terceira. Entrada en vigor.

Esta Lei entrará en vigor o día seguinte ao da súa publicación no Diario Oficial de Galicia.





Santiago, 11 MAR. 2022

O XEFE DE SECCIÓN,
Paulino Suárez Domínguez

galicia

ANEXO I:

Depuradoras de titularidade municipal que no momento de entrada en vigor desta Lei están sendo xestionadas por Augas de Galicia:

Edar da Illa de Arousa

Edar de Alfoz - O Valadouro

Edar de Arcade

Edar de Punta Avarenta

Edar de Baiona

Edar de Camariñas

Edar de Cariño

Edar de Cedeira

Edar de Comboa

Edar de Esteiro

Edar de Gondomar

Edar de Laxe

Edar de Melide

Edar de Moraña

Edar de Muros

Edar de Nigrán

Edar de Ortigueira

Edar da Pobra do Caramiñal

Edar de Ponte Caldelas

Edar de Ponte do Porto

Edar de Porto do Son

Edar de Ribadeo

Edar de Ribadumia





Santiago, 11 MAR. 2022

O XEFE DE SECCIÓN,

Paulino Suárez Domínguez



Edar de Riomaior

Edar de Tomiño

Edar de Tragove

ANEXO II:

Volumes de depuración mensuais ordinarios de referencia:

EDAR	Volumes de depuración mensuais ordinarios de referencia
	m3/mes
A Illa de Arousa	58.377,00
Alfoz - O Valadouro	14.938,00
Arcade	87.803,00
Baiona	192.488,00
Camariñas	28.978,00
Cariño	41.084,00
Cedeira	65.536,00
Comboa	19.196,00
Dena	179.349,00
Esteiro	25.730,00
Gondomar	198.251,00
Laxe	24.514,00
Melide	71.892,00
Moraña	14.494,00
Muros	65.942,00
Nigrán	271.288,00
Ortigueira	26.305,00
Praceres	1.805.045,00
Pobra do Caramiñal (A)	147.949,00
Ponte Caldelas	13.910,00
Ponte do Porto	7.693,00
Porto do Son	50.451,00
Punta Avarenta	296.636,00
Ribadeo	104.112,00
Ribadumia	144.902,00
Riomaior	32.556,00
Tomiño	75.105,00





XUNTA DE GALICIA
CONSELLERÍA DE
INFRAESTRUTURAS E MOBILIDADE

DILIXENCIA: Para facer constar qu
a presente fotocopia foi compulsada, co
seu orixinal, concordando fielmente

Santiago, 11 MAR. 2022

O XEFE DE SECCIÓN,
Paulino Suárez Domínguez

galicia

Tragove	268.521,00
---------	------------

CSV: BOPGDSPG-45WqWT1CL-3
Verificación:
<https://sede.parlamentodegalicia.gal/tramites/csv/>



ESTRUTURA DO BOLETÍN OFICIAL DO PARLAMENTO DE GALICIA

1. PROCEDEMENTOS PARLAMENTARIOS

1.1. PROCEDEMENTOS DE NATUREZA NORMATIVA

1.1.1. NORMAS APROBADAS

1.1.2. PROPOSTAS DE NORMAS

1.2. PROCEDEMENTOS ESPECIAIS DE CARÁCTER INSTITUCIONAL

1.2.1. INVESTIDURA

1.2.2. MOCIÓN DE CENSURA

1.2.3. CUESTIÓN DE CONFIANZA

1.3. PROCEDEMENTOS DE CONTROL E IMPULSO

1.3.1. CONTROL SOBRE AS DISPOSICIÓNS DA XUNTA CON FORZA DE LEI

1.3.2. COMUNICACIÓNS DA XUNTA DE GALICIA

1.3.3. EXAME DE PROGRAMAS E PLANS

1.3.4. ACORDOS, RESOLUCIÓNS OU PROPOSTAS DE COMISIÓNS ESPECIAIS OU DE INVESTIGACIÓN

1.3.5. MOCIÓNS

1.3.6. PROPOSICIÓNS NON DE LEI

1.3.7. OUTRAS PROPOSTAS DE RESOLUCIÓN E ACORDOS

1.3.8. PROCEDEMENTOS DE CONTROL ECONÓMICO E ORZAMENTARIO

1.4. PROCEDEMENTOS DE INFORMACIÓN

1.4.1. INFORMACIÓNS REMITIDAS POLA XUNTA DE GALICIA

1.4.2. SOLICITUDES DE COMPARECENCIA

1.4.3. INTERPELACIÓNS

1.4.4. PREGUNTAS

1.4.5. RESPOSTAS A PREGUNTAS

1.4.6. SOLICITUDES DE DATOS, INFORMES E DOCUMENTOS DE DEPUTADOS E DE COMISIÓNS

1.4.7. RECONVERSIÓNS POR FINALIZACIÓN DO PERÍODO DE SESIÓNS

1.5. PROCEDEMENTOS RELATIVOS A OUTRAS INSTITUCIÓNS E ÓRGANOS

1.6. PROCEDEMENTOS DE ELECCIÓN, DESIGNACIÓN E PROPOSTA DE NOMEAMENTO

1.7. PROCEDEMENTOS RELATIVOS AO DEREITO DE PETICIÓN

2. ELECCIÓN E COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

2.1. ELECCIÓN DO PARLAMENTO

2.2. COMPOSICIÓN DO PARLAMENTO E DOS SEUS ÓRGANOS

2.3. RÉXIME E GOBERNO INTERIOR

2.4. ORGANIZACIÓN E FUNCIONAMENTO DO PARLAMENTO


3. ADMINISTRACIÓN DO PARLAMENTO DE GALICIA

4. INFORMACIÓNS E CORRECCIÓNS DE ERROS

4.1. INFORMACIÓNS

4.2. CORRECCIÓNS DE ERROS





PARLAMENTO
DE GALICIA

BOLETÍN OFICIAL DO
PARLAMENTO DE GALICIA

Edición e subscricións:

Servizo de Publicacións do Parlamento de Galicia. Hórreo, 63. 15702. Santiago de Compostela.

Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727

CSV: BOPGDSPG-45WqWT1CL-3

Verificación:
<https://sede.parlamentodegalicia.gal/tramites/csv/>

